

# আনন্দ-নির্ঝর [স্বভাব-তত্ত্ব]

রচয়িতা— [সংস্কৃত]

পরমহংস পরিত্রাজকাচার্য্য

শ্রীমৎ স্বামী পরমানন্দ পুরী

প্রকাশক

শ্রীযুক্ত ননীগোপাল চট্টোপাধ্যায় ।

বঙ্গীয় শঙ্কর-মঠ, সাতরাগাছি, হাওড়া ।

১৩২১ ।

*All Rights Reserved.* ]

মূল্য ৫০ বার আনা ।

**PRINTED BY K. C. CHAKRAVARTY,**  
**GIRISH PRINTING WORKS,**  
*52, Sukea's Street,—Calcutta.*

প্রস্তাবনা ।

না দেখায় যে বৈচিত্র্য প্রেম-পয়োধর ।  
সে বিচিত্রভাবে ঝরে “আনন্দ নির্ঝর” ।



# সমর্পণ।

ভৈরবী-মিশ্র—একতালা।

তোমাকে তুষিতে সকলি মহীতে র'য়েছে প্রসাদে বিষাদ দলি'।  
প্রকৃতি রূপসী সের্জেছে ষোড়শী. সতত সাদরে সেবিবে বলি' ॥

তোমাকে বরিতে ব্যাপক গগন,                      জ্বলেছে ললাটে দীপক মোহন,  
অচল গভীর ধ্যান-মগন. পূজিছে প্রেমিক প্রণয়ে গলি'।                      •  
বহিছে সমীর সুবাস মাথিয়া,                      নাচিছে জলধি কল্লোল তুলিয়া,  
হাসিছে কানন ভূষণ পরিয়া, আবেশে রসিকা পড়িছে চলি'।  
গাহিছে বিহগ অমিয় ঢালিয়া,                      বহিছে বাহিনী পরাণ খুলিয়া,  
আমি তোমা লাগি' বসুধা ভুলিয়া, স্বভাব-নির্বরে ভাসিয়া চলি'।



## ভূমিকা

পূজ্যপাদ পরমহংস পরিব্রাজকচার্য্য শ্রী১০৮ স্বামি পরমানন্দ পুরী গরাজ বিরচিত 'আনন্দ-নির্ব্বাণ' নামধের সঙ্গীতাত্মক গ্রন্থের সমালোচনার নামাকে প্রবৃত্ত হইতে হইয়াছে। বাস্তবিকপক্ষে, মাদৃশ ব্যক্তির এবংবিধ গ্রন্থের সমালোচনা করা কর্তব্য কি না, তাহা আমি বুঝিতে পারি না। তবে জগদ্গুরু শ্রীমৎ শঙ্করচার্য্য ভগবৎপাদের পথাবলম্বী শ্রীশ্রম-ধর্ম্মসারী স্বামীজীর গ্রন্থ-সমালোচনায় আমাদের অধিকার আছে মিয়া কথঞ্চিৎ প্রবৃত্ত হইলাম। সহৃদয় পাঠকবৃন্দ! নিরপেক্ষ দৃষ্টিপাত-রতঃ গুণ, দোষ আবিষ্কার করিবেন।

গ্রন্থ সমালোচনা করিতে গেলে পূর্বেই গ্রন্থকারের পরিচয় প্রদান করা বিধেয়। কারণ ভগবতীশ্রুতি বলিয়াছেন—“যা বাচঃ বিজিজ্ঞাসীত বক্তারং বিদ্বাৎ”—বাক্যকে জিজ্ঞাসা করিবে না, বক্তাকে জানিবে। এই শ্রুতির উদ্দেশ্য এই যে,—বক্তার জ্ঞানই গ্রন্থরূপে পরিণত হইয়া লোকের উপকার কিম্বা অপকার সাধন করে। মানুষ মাত্রই ভ্রমপ্রমাদ-শূন্য, তজ্জন্ম ধীমান্ পুরুষগণ মানুষের বাক্যে আস্থা স্থাপন করেন না। তবে যদি বক্তা ভ্রমপ্রমাদশূন্য মূলবাক্য অনুসরণ করিয়া লোককে পদার্থ প্রদান করেন, তবে তাঁহাকে অবিশ্বাস করিবার কোন হেতু স্থমান নাই।

এই গ্রন্থের রচয়িতা সন্ন্যাসী, তাঁহার নাম পূর্বেই উল্লিখিত হইয়াছে; তাঁহার পরিচয় প্রদান করা শাস্ত্র ও সম্প্রদায় বিরুদ্ধ। যদি নিতান্তই পরিচয় প্রদান করিতে হয়, তবে এইমাত্র বলা যায়, ইনি বরেন্য ব্রাহ্মণ মলে জন্মগ্রহণ করিয়া সুখের কোমল অঙ্কে লালিত হইয়াও, অপরিণীত

সুখ লাভের জন্তু কণিক বিষয়জ সুখ উপেক্ষাকরতঃ পারিত্রাজ্য আশ্রম  
অঙ্গীকার করিয়াছেন। এখন বলিতে হয়—বিশুদ্ধ ব্রহ্মের বংশে জন্ম  
অথচ অজন্মা। তরুতল—নিবাস, ভূমিতল—শয়ন, লোষ্ট্র বা উপল—  
উপাধান, ভিক্ষাদ্রব্য—অশন, কোপীন বা অম্বর—বসন। সুতরাং  
এবংবিধ পুরুষের লোকহিতকর কার্যব্যতীত পরপ্রতারণার সম্ভাবনা  
নাই। আধুনিক লোকের ঞ্চায় ইহার ব্রাহ্মজ্ঞান বিস্তার করিয়া সমৃদ্ধি  
কিংবা প্রসিদ্ধি লাভের বাসনা নাই। ইনি কেবলমাত্র লোকের হিতের  
জন্তু করুণা পরবশ হইয়া প্রকৃত সত্যবিষয় আবিষ্কার করিবার অভিলাষী  
হইয়াছেন, ইহাই বলিতে হইবে। যে বাক্য অনাদি, অপৌরুষেয়, যাচা  
মানবমতি প্রসূত নহে, এবম্প্রকার বেদবাক্যকে মূল প্রমাণ স্বীকার করিয়া  
এই গ্রন্থ প্রণয়ন করিয়াছেন, ইহাই আমার ধারণা।

সমালোচ্য গ্রন্থের নাম “আনন্দ-নির্ঝর”। জীবমাত্রই নিরন্তর সুখ  
অন্বেষণ করিয়া থাকে, এই সুখই আনন্দ পদবাচ্য। আনন্দ হইতেই  
বিচিত্র জগতের উৎপত্তি, স্থিতি ও সংজ্ঞা হইয়া থাকে। এই সত্য  
শ্রুতি তারস্বরে ঘোষণা করিয়াছেন :—“আনন্দাঙ্কোর খৰিমানি ভূতানি  
জায়ন্তে। আনন্দেন জাতানি জীবন্তি। আনন্দং প্রযন্ত্যভিসংবিশন্তি”।  
লোক বিষয় উপভোগ করিয়া যে আনন্দ অনুভব করে, তাহা ভূমা  
আনন্দের কণামাত্র। জীব যখন সেই অথও আনন্দস্বরূপ প্রাপ্ত হয়,  
তখন তাহার আর খদ্যোতপ্রভ বিষয়জ আনন্দে আসক্তি থাকে না ;  
কোন্ মুঢ় পুরঃস্থিতা পুতসলিলা ভাগীরথিবারি পরিত্যাগ করিয়া  
কূপোদকে তৃষ্ণানিবারণ করিতে প্রবৃত্ত হইবে? এই গ্রন্থ সেই ভূমা  
আনন্দের নির্ঝর। যেরূপ কোন রুগ্ন ব্যক্তি নিদাঘের তপন-তাপে তাপিত  
হইয়া নির্ঝরবারি পান করিয়া তাপবিমুক্ত হয়, সেইরূপ তাপত্রয়-সম্বাপিত  
সাংসারিক জীব এই আনন্দ নির্ঝরের বারিবিন্দু সেবন করিয়া, তাপসমূহ  
হইতে পরিত্রাণ পাইয়া পরমানন্দ লাভ করিতে সমর্থ হইবেন।



এই গ্রন্থ প্রধানতঃ ছয়ভাগে বিভক্ত :—( ১ ) স্বভাব-সঙ্গীত, ( ২ ) বিবাদ-সঙ্গীত, ( ৩ ) বিবেক-সঙ্গীত, ( ৪ ) বিরহ-সঙ্গীত, ( ৫ ) গ্রেম-সঙ্গীত ও ( ৬ ) যোগ-সঙ্গীত । ইহার মধ্যে স্বভাব-সঙ্গীতের বিষয় প্রথম আলোচ্য । অনেকের ধারণা স্বভাব শব্দের অর্থ—প্রকৃতি (nature) অর্থাৎ যাহা আপনা আপনি হয়, যাহার কোন কারণ বিদ্যমান নাই ; এই জগৎ স্বতঃই উৎপন্ন, প্রতিভাত এবং বিলয় প্রাপ্ত হইয়া থাকে । তাঁহাদের ভ্রান্তি অপনোদনের নিমিত্ত স্বভাব শব্দ ব্যাখ্যাত হইতেছে । স্বভাব শব্দের অর্থ নিজস্বরূপ ; যে বস্তু একই ভাবে—অবস্থাতে বিদ্যমান আছে, কাল, দেশ ও বস্তু যাহার অন্তথা সম্পাদন করিতে সমর্থ নহে, এরূপ পদার্থ 'স্বভাব' শব্দ প্রতিপাদ্য । দেখা যায়, ভৌতিক পদার্থনিবহ কালান্তরে বিকারী প্রাপ্ত হয়, কিন্তু যে বস্তু স্বমহিমায় অবস্থিত থাকিয়া সকলের অবলম্বন হয়, তাহাই স্বভাব । এরূপ বস্তু শ্রুতিপ্রতিপাদ্য সচ্চিদানন্দ ব্রহ্ম ব্যতীত আর কিছুই নহে । সুতরাং স্বভাব-সঙ্গীতে সকলের একমাত্র গম্য, জগতের আশ্রয়, ব্রহ্মেরই সঙ্গীত—ব্রহ্মেরই স্তুতি—ব্রহ্মেরই গুণানুবাদ বিহিত হইয়াছে । লৌকিকজ্ঞানসম্পন্ন মানব বিহঙ্গ-কুলের কাকলীতে, বিকচকমলের সৌন্দর্য্যে, নবকিসলয়ের ত্রিধিতায়, দুর্বাদলের শ্যামলতায়, পয়োনিধির প্রশান্ততায়, গিরিবনের উচ্চতায় নিশীথিনীর নিস্তরুতায় যে সকল বিচিত্রতা অবলোকন করিয়া 'স্বভাব' নামে অভিহিত করিয়া থাকেন, প্রকৃতপক্ষে তাহা সচ্চিদানন্দ ব্রহ্মের অবভাস মাত্র । তাঁহারই কটাক্ষে সূর্য্য, চন্দ্র, গ্রহ, তারা, সলিল, অনিল সকলই অমুচরের ন্যায় আদেশ পালন করিতেছে । এই প্রকরণে সেই স্বভাব নামধেয় ব্রহ্মের স্তুতি নানাভাবে বিবৃত হইয়াছে । পাঠকবর্গ ! স্বভাব-সঙ্গীতের অভ্যস্তরে একটু সূক্ষ্মদৃষ্টি প্রদান করিলে, ইহার যথার্থতা উপলব্ধি করিতে পারিবেন ।

দ্বিতীয়—বিবাদ-সঙ্গীত । লোক যখন আনন্দলোলুপ হইয়া চারিদিকে

ছুটিয়া বেড়ায়, কিছুতেই পরিতৃপ্ত হয় না, মনে ভাবে—আমার প্রাপ্যধন আমি পাইতেছি না, কোথায় যাইলে সে ধন লাভ করিতে পারিব, তখন সেই আনন্দ প্রাপ্তির অভাব হেতু তাহার মনে বিষাদ উৎপন্ন হয়। এবম্প্রকার চিন্তাবৃত্তি অনুসরণ করিয়া এই সঙ্গীত রচিত হইয়াছে।

তৃতীয়—বিবেক-সঙ্গীত। প্রকৃত প্রাপ্তব্য বস্তুর অপ্রাপ্তিনিবন্ধন যখন মানবহৃদয় বিষাদে পরিপূর্ণ হয়, তখন লোক জীৱনানুগ্রহবশতঃ আত্মা ও অনাত্মার বিবেকদ্বারা প্রাপ্যবস্তুর স্বরূপ জানিতে পারে, তখন বিষাদ হৃদয় হইতে অপমৃত হয়। প্রজ্জ্বলিত বিবেকবহ্নি বিষাদতরুকে ভস্মসাৎ করিয়া ফেলে। বস্তুতঃ প্রকৃতি পুরুষের—আত্মা অনাত্মার অবিবেকই বিষাদের কারণ; যখন সেই অবিবেক চলিয়া যায়, তখন আর বিষাদ হৃদয়ে স্থান পায় না। এই প্রকরণে সেই বিবেক বিষয়ক সঙ্গীত নিবন্ধ করা হইয়াছে।

চতুর্থ—বিরহ-সঙ্গীত। বিরহ শব্দের অর্থ—বিচ্ছেদ—ত্যাগ। আত্মা ও অনাত্মার স্বরূপ বিচার করিয়া যখন আমরা অনাত্ম বস্তুকে ত্যাগ করিতে শিখি, তখন প্রাপ্যবস্তুর দিকে আমাদের চিত্ত স্বতঃই ধাবিত হয়, সেই বিরহাখ্য ত্যাগই এই প্রকরণের উপজীব্য।

পঞ্চম—প্রেম-সঙ্গীত। যখন চিত্ত হইতে বাহ্যবস্তুর সমূহ অপগত হয়, আন্তরবস্তু—আত্মারদিকে চিত্ত প্রবণ হয়, তখন সেই আত্মস্বরূপ ভগবানেই দৃঢ়ানুরক্তি আবিভূত হয়; ইহার নাম ভগবদ্ভক্তি বা প্রেম। এই প্রকরণে সেই প্রেম প্রতিপাদিত হইয়াছে।

ষষ্ঠ—যোগ-সঙ্গীত। যখন পরমাত্মরূপে নিখিল জগৎ প্রতীয়মান হয়, চিত্তের বৃত্তিসমূহ নিরুদ্ধ হয়, চিত্তদর্পণে ভগবানের পবিত্র মূর্তি প্রতিকলিত হয়, তখনই উহাকে যোগ বা সমাধি বলা যায়। ইহাই জ্ঞানদ্বারা সচ্চিদানন্দ-ব্রহ্মলাভের উপায়। এই প্রকরণে সেই পরম সাধন ভাব বিবৃত হইয়াছে।

এই গ্রন্থে বিবিধ বিষয় সন্নিবেশিত হইলেও গ্রন্থের যথার্থ তাৎপর্য কোথায়, তাহা নিরূপণ করা উচিত। গ্রন্থখানি সূক্ষ্মভাবে আলোচনা করিলে ইহাই বুঝা যায় যে, যেমন নদ, নদী, নিকাঁর প্রভৃতি নানাবিধ নাম-রূপে প্রতিভাসমান হইয়া চারিদিকে ছুটিতেছে, কেহ কিছু কেহ বা গঙ্গা প্রভৃতি অভিধান লাভ করিতেছে, কিন্তু সকলেরই গতি একমাত্র সমুদ্রে, সেইরূপ এই নিকাঁর নানাভাবে কুঞ্জন করিয়াও সমুদ্রস্বরূপ আত্মাভিন্ন অদ্বিতীয় পরব্রহ্মে সঙ্গত হইতেছে। সুতরাং অভিন্ন ব্রহ্মাত্ম প্রতিপাদনে এই গ্রন্থের তাৎপর্য রহিয়াছে।

“সতী যেমন পতি বিনা আর না কাঁরো সঙ্গ চায়।

তেমতি এক পতি বিনা, মতি না মোর তৃপ্তি পায়” ॥ ( ১৫০ পৃষ্ঠ )  
এইজাতীয় সঙ্গীতে তাহা স্পষ্টরূপে প্রতীয়মান হইতেছে। এতদ্ভিন্ন শম দমাদি সাধনগুলিও গীতাকারে ইহাতে বর্ণিত হইয়াছে।

“শম দমাদি ছয় প্রহরী আগলে সদা আছে নাটি”। ( ১৫৩ পৃষ্ঠ )  
অন্তিম সঙ্গীতের প্রতি লক্ষ্য করিলেও ইহার যথার্থতা উপলব্ধি হইবে। উপসংহারই তাৎপর্য নির্ণায়ক অন্ত্যতম লিঙ্গ, তদনুসারেও উপক্রম নির্ণীত হইবে। সুতরাং বেদান্তের প্রকৃত রহস্য উদ্ঘাটন করাই এই গ্রন্থের পরম প্রয়োজন।

এই সঙ্গীতগ্রন্থ যেমন সঙ্গীতপ্রিয়গণের হৃদয়গ্রাহী, সেইরূপ সুধী-গণেরও আদরের ধন। যেহেতু সনাতন আৰ্য্যধর্মের সারমর্ম, সরল ও সুললিত ভাষায় ইহাতে নিবন্ধ করা হইয়াছে, শাস্ত্রের জটিল বিষয়গুলি সহজভাবে মীমাংসিত হইয়াছে। অপিচ, ভাষার লালিত্য, অলঙ্কারের পারিপাট্য এবং গ্রন্থসন্নিবেশ বিষয়ে বিশেষরূপ মনোযোগ স্থাপিত হইয়াছে।

উপসংহারে বক্তব্য এই যে, এইরূপ উপাদেয় গ্রন্থ স্বামীজীর নিকট হইতে আমরা আরও প্রার্থনা করি এবং তিনি স্বাভাবিক করুণা পরবশ

হইয়া দেশের এই ভীষণ দুর্দিনে এইরূপ আনন্দধারা বর্ষণ করিতে যেন  
কুষ্ঠিত না হ'ন, ইহাই তাঁহার নিকট সাধুনয় নিবেদন ।

আশা করি, হৃঃখদগ্ধহৃদয় বঙ্গবাসী এই আনন্দ-নির্ঝরে স্নান করিয়া  
পরম শান্তিলাভ করিতে সমর্থ হইবেন । ইতি—

৬নং গোয়াবাগান ষ্ট্রীট,  
কলিকাতা ।  
২রা আশ্বিন. ১৩২১ ।

কাব্য-সাংখ্য-মীমাংসা-বেদান্ত-সর্বদর্শন-  
তীর্থোপাধিক—  
শ্রীঅক্ষয়কুমার শাস্ত্রী ।

# নিবেদন ।



প্রেমময় পরমেশ্বরের প্রেমপীযুষবর্ষিণী পবিত্র ইচ্ছায় “আনন্দ-নির্ব্বার” প্রকৃতির অবিরামস্রাবিনী প্রেমানন্দময়ী পরোধারায় পুণ্যবারি-পিপাসুর হৃদয় প্রীণিত করিতে স্বতঃপ্রবাহিত হইল । অনন্তবিদ্যাবিভবপূর্ণ এই বিশ্ব-প্রকৃতিরূপ বিরাট গ্রন্থ, জগতের সম্মুখে চিরদিন উন্মুক্ত রহিয়াছে । যাঁহারা প্রকৃত সাধক, যাঁহারা যথার্থ প্রেমিক, যাঁহারা সুবিজ্ঞ ও সত্যদর্শী, তাঁহারা এই কেবল এই গ্রন্থ অধ্যয়ন করিয়া নিঃশ্রেয়সসাধক পরাবিদ্যার বিশদরূপ পরিচয় প্রাপ্ত হ’ন । প্রকৃতির নিস্তরঙ্গতা তাঁহাদিগকে কত কি বলে, জলধির লহরীলীলা, স্রোতস্বতীর জল-কল্লোল, বিহঙ্গের গান, অনিলের হিল্লোল, তাঁহাদিগকে কত কি দেখায়, কত কি শিখায় । প্রকৃত সাধক এই সব দেখিয়া শুনিয়া ভাবে বিভোর হইয়া উঠেন, আনন্দে আত্মহারা হ’ন ।

আনন্দ-নির্ব্বারের সঙ্গীতগুলি পূজ্যপাদ স্বামীজী মহারাজের তীর্থ পর্যটন সময়ে এই বিশ্বপ্রকৃতিরূপ শ্রুতি আলোচনার অমোঘ ফল । এই সব, মহনীয় ভাবসিকুর একটা একটা উচ্ছ্বাস মাত্র । কিন্তু এই উচ্ছ্বাস অক্ষুর, এই উচ্ছ্বাস অনাবিল । এই উচ্ছ্বাসে অব্যবস্থা নাই, অসঙ্গতি নাই । ইহা মানবপ্রকৃতির অন্তররাজ্যের চিরনিয়মানুগমনে, সাধকের সাধনার চিরক্রমানুসরণে, ভাবস্বরূপের ভাবস্ফুর্টির চিরপদ্ধতি অনুবর্তনে, স্বভাব, বিষাদ, বিবেক, বিরহ, প্রেম ও যোগ এই কয়েকটা শ্রেণীতে বিভক্ত । এই সকল সঙ্গীত সাধন করিতে করিতে স্বভাবের অতিপন্থাবলম্বনে, সাধক যাহাতে আধ্যাত্মিক রাজ্যে অনায়াসে উপনীত হইতে পারেন, স্বভাব-কবি স্বামীজী মহারাজ তাহারই জন্ত বিশেষ প্রয়াস

পাইয়াছেন। শুদ্ধচেতাঃ ধর্মচারী পুণ্যাভ্যাগণ আনন্দ-নির্ব্বারের শীকর-  
শৈতে স্ব স্ব হৃদয় পরিতৃপ্ত করিতে পারিবেন, ইহাই আমাদের বিশ্বাস।

সর্ব্বশেষে জ্ঞাপন করিতেছি যে, সুপ্রসিদ্ধ সঙ্গীতাচার্য্য শ্রীযুক্ত দেবকর্ষ  
বাগচী মহাশয়, এই গ্রন্থের অনেকগুলি সঙ্গীতে সুর-তাল-সংযোগ করিয়া  
দিয়া, আমাদিগকে চিরকৃতজ্ঞতাশে আবদ্ধ করিয়াছেন। অপরূপ যে  
সমস্ত স্বধর্ম্মনিষ্ঠ শিষ্ট ব্যক্তি এই দেশহিতকর কর্ম্মে নানা প্রকার আশুকুল্য  
প্রকাশ ও উৎসাহ বর্দ্ধন করিয়া সহৃদয়তার পরিচয় প্রদান করিয়াছেন,  
তাঁহাদিগের নিকটে আমরা চিরঞ্চনী। অলমিতি বিস্তরেণ।

প্রকাশকশ্চ।

## সূচী ।

সঙ্গীত				সংখ্যা
অই ত রূপ তোর,	...	...	...	১৫০
অই দিন অস্তাচলে,	...	...	...	১২
অই ছু'টা চোক,	...	...	...	২৬
অই যা' দেখিয়ে লোকে	...	...	...	৪
অই যে ছু'টো চেউ,	...	...	...	১৪২
অর্থ পেয়ে মত্ত হ'য়ে,	...	...	...	১২২
অধিক আশ কে ভাল বলে,	...	...	...	৬৩
অনন্তের পথে একা,	...	...	...	১০২
অরে রে অবোধ ছেলে,	...	...	...	৪৪
আকাশ ! তোমার দেখলে বিলাস,	...	...	...	১৪
আঁখি-বাগে যে ভাব জাগে,	...	...	...	১৮৭
আগে না হঠলে ছোট,	...	...	...	৭২
আ'জ কাল যা' দেখি জাতি,	...	...	...	৭০
আ'জো জোর মায়ী-ঘোর	...	...	...	১২৭
আনন্দের হেমদীপ,	...	...	...	৩৪
আমার এ পাগ্লামী আর,	...	...	...	৩৮
আমার প্রাণের প্রাণ গিয়েছে,	...	...	...	৪২
আমার সব ছিল,	...	...	...	৪৩
আমরা যত সাম্লে চলি,	...	...	...	১৬
আমার ফুটায় তুমি,	...	...	...	২০৪

সঙ্গীত	সংখ্যা
( আমি ) আবার আমি যে বাসে, ...	৯৩
আমি করি না তোমারে ভয়, ...	১৩
আমি কা'র তরে আর, ...	১৫৪
আমি তা'র খোঁজে কেন, ...	১৮২
আমি ছুঁবো কা'রে এ সংসারে, ...	১৮৩
আমি দেশের বালাই, ...	৪১
আমি প্রাণ বিছায়ে রেখেছি, ...	১৬৬
আমি ভুলিব তাহারে কেমনে ...	১৯১
আমি যাই এখন কোথা ...	১২০
আমি যেন আর না হই ...	২০৭
আমি শুধু তোমার প্রয়াসী ...	১৭
আমি স্বভাব কোলে বেড়াই ...	১২
আর কেন টান রে সংসার ...	১৯৩
আয় না রে মন, আয় ...	১৭৯
আর পাখী, র'স না নীরব ...	২২
আর মোরে এ সংসারে ...	৩৯
আশা ছিল তোর নাম ...	১২০
আশার কুয়াশা বড় ...	৫৯
আড়ালে থাকিলে যদি ...	১৯৪
ঈশ্বরের কথামালার ...	১৪৬
উঠিস্ নে মন, তেড়ে ফুঁড়ে ...	৬০
এ ঘাটের মাঝি আমি হই ...	১৫১
এ ধন ত কবে ভুলেছি ...	২০৩
এ যাত্রা মন, ভাঙ্গিলি পণ ...	১৭৮



ମଞ୍ଜୀତ	ସଂଖ୍ୟା
ଏହି କି କର୍ମ ଆତ୍ମଧର୍ମ	୧୭୫
ଏହି ତ ସିତାଂଶୁ ତୁହି	୧୭୨
ଏହି ନଦୀ ଦେଖେ, ବଦି	୧୨୫
ଏକଟା କିଛି କ'ରୁବି ତ ମନ	୧୫୦
ଏକଦିନ ଏ ଦେହଟ	୧୫୨
ଏତ ଦୟା ଦୟାଳ ତୁମି	୨୦୫
ଏତ ବାନ୍ଧ କେନ ରେ ସଂସାର	୫୨
ଏତ ଭ୍ରାନ୍ତ କେନ ହ'ଲି ମନ	୧୭୬
ଏମନ କ'ରେଓ ସାଧେର ହାଟ	୫୮
ଏସେଛି ତଟିନୀ ତୋମାର କୁଳେତେ	୨୧
ଓ ତୁହି ଶାନ୍ତି ପାବି କିସେ,	୧୫୫
ଓରେ ବିଧି, ବିଧିମତ,	୭୫
କ'ଣି କଥା ତୋମାରେ ଯୁଧାହି,	୭୭
କତ କାଳ କାଟ୍ଲୋ ପ୍ରତୀକାର.	୧୬୧
କତ ମାଥାମାଧି ପ୍ରେମେ,	୧୫୬
କଥାର ମାନ୍ୟ ଅନେକ ମିଳେ,	୮୧
କଥା ଶୁନେ ଶିଶୁର ସେମନ,	୨୮
କର ଆମାକେ ଅନେକ ଲୋକେ,	୬୫
କାମୀ ବହି ନା ପ୍ରେମୀ କହୁ,	୨୨
କି ହ'ବେ ମନ, ଶାନ୍ତ ସେଁଟେ,	୫୭
କେ କା'ରେ କର ଯୁଧୀ ଭବେ,	୨୭
କେ ତୁମି ଅନନ୍ତଯୋଗୀ,	୨୮
କେ ତୁମି ଯାଓ ଏହି ଉଦ୍ଧାନେ,	୫୦
କେ ତୋରା ଦିସ ଠିକି ବୁଝି,	୨୨

সঙ্গীত	সংখ্যা
কে বলে রে বিরহে জালায়, ...	১৫৯
কেউ না যদি দেখে তবে, ...	১৭৬
কেন আ'জ সাজে হেথা, ...	৫
কেন পাখী, হ'লি রে নীরব, ...	৩
কেন 'ওরে ফুল, এখানে ফুটিলি,...	৬
কেন রে শিখরি, তুমি, ...	১৬৯
কেন ভ্রাস্তু পাহু, ...	১৪৩
কেহ মোরে ব'ল্লে পাপী, ...	৮৩
কোটা চাঁদে গড়ি' এ চাঁদ, ...	১৯৫
কোথা ওরে শিক্ষাগুরু, ...	১৩০
কোথা রে জীবন ধন, ...	৩৬
কোনটা বড় জ্ঞান ভকতি, ...	৯২
খায় না কেবা মদ এ ভবে, ...	৮৭
গন্ধ চায় রস-সরে, ...	২১৭
গরজ বড় বিষম বালাই, ...	১১৫
গুণীর দেখি গুণ বিলালে, ...	১১৬
চাই নে যে ভাব কেন স্বভাব, ...	২৫
চাঁদিমা ডুবিয়ে গেছে, ...	২০৮
চাপ্লে কি মন, থাকিস্ চুপে, ...	৫৮
চেতন চেয়ে জড় কে মন্দ কয়, ...	১১৯
ছাড় মন, ছাড় অহঙ্কার, ...	৮৯
ছেড়েছি' না বেঁচে গেছি', ...	৪৭
জগতের হাসি মিশি', ...	২৩
জটামুণ্ডী বা'রা ভবে, ...	৭৮

সঙ্গীত	সংখ্যা
জাগত গাঙিত মনুয়া মেরো, ...	১৫২
জা'ত কুল মান সবার সমান, ...	১৯৮
জাপ রুষে আর কি রণ চলে, ...	২১৩
জীব, ত্যজ অভিমান, ...	১৩৩
জুড়াইতে অভাগারে ...	৪০
জেনেছি জেনেছি তোমা ...	৪৫
জোর-জবরে প্রেমকে ধ'রে ...	১৯৭
টাটকা প্রেমে খটকা টুটেছে ...	২১৬
ডাকি যত কেন তত ...	২৪
ডাকিতে না বলে কেহ ...	১৭৪
ডালি দিতে আসিয়া ...	১৬৩
ডুবে যাও চাঁদ, নিখর গগনে ...	৮
তখন মন, থাকবে না ...	১১৩
তফাৎ কি আর গৃহ বনে ...	৬২
তর না স'লে কাজ ...	৮২
তবে কি মিলনে সুখ ...	১৫৩
তাজী বাবা, ব্যোম বাবা ...	১৪১
তা'র তরে একা ঘরে ...	১৫৭
তারকা ডুবিল প্রদীপ নিবিল, ...	১
তা'রে কে পারে করিতে হেলা... .	১১
তুমি কা'র ধন ...	৫৪
তুমি যখন আছ ...	১৮১
তোদের ছেড়ে জগৎ ...	১৫
তোমা লাগি' আছি জাগি' ...	১৬২

সঙ্গীত			সংখ্যা
তোর মত মন, কে হুম্বন্	...	....	১০৯
তোরা আঁধি যা' ফিরায়ে ল'য়ে	...	...	৮৮
তোরা কি ব'লে ডাকিস্ মোরে	...	...	৬৯
তোরা কি ব'লে ভুলাবি মোরে	...	...	৯১
দাঁড়ারে তটিনী	...	...	৭
হু'টো কথা হ'ল আজি	...	...	১৪৫
হুঃখ এবার টের পেয়েছ	...	...	৫১
দেখ'লো শশী আগে কেমন	...	...	১০১
ধন দিয়ে না অমূল্য ধন	...	...	১৩২
ধন বিনা কে ধর্ম করে	...	...	৯৫
নদীর ঢেউ নদীর গানে,	...	...	১৮৪
নহে সোজা বুঝা এই	...	...	২১৮
না চায় প্রেম দিতে ভার	...	...	১৭৩
নিকট চেয়ে তফাৎ ভাল	...	...	১৮৬
নির্দিষ্ট নাই শাস্ত্র ভবে	...	...	৭৫
নূতন কেবা হয় এ ভবে	...	...	৭১
পাখী তোরে দিয়েছে যে	...	...	১৬৭
পীরিতের রীত বুঝে ক'জন	...	...	২০১
পূজা পাঠ জোরে লোপাট	...	...	১৩১
পেস্তা মণ্ডা হেন সস্তা	...	...	১২১
প্রাণ দিয়ে বা নিয়ে	...	...	৮০
প্রাণ ভুলান মূর্তিখানি	...	...	১৮৫
প্রেমটী আমার চাবিকাটি	...	...	২১০
প্রেমের কেচ্ছা আচ্ছা মজাদার	...	...	১৯৯

সঙ্গীত	সংখ্যা
প্রেমে কোথাও ফ্যাসাদ কিছু নাই	২০০
প্রেমের ছবি দেখি যদি	১৬৫
বদ্বীপ সম মনোরম	১৪৮
ব'ল না আর কেউ কিছু	১১০
বলিস্ রে মন, শুরু কা'রে	৬৫
ব'সে ব'সে কিবা কর	১২৪
বাজার ঘাটে যোগ যা' চলে	২১২
বাণীর মত বাজলো কাণে	২০২
ব্রাহ্মণ যা' দেশে চলে	১০৩
বিষম দায় ছাড়া সংস্কার	১২২
বীণে ! যদি তোর মত	১৭১
বুঝিতে যা' চাই	৩১
বেলার সনে যেমন বনে	২০
ভক্তিটা নয় ক্ষীরের পুলি	৬৪
ভবে কে পায় সহজে	১৭৮
ভবে কে বলে কামিনী ছার	১৬৪
ভাবনা কি মোর আমি ম'লে	৬১
ভালবাসা পাবে ব'লে	১৭৭
ভাল ফ্যাসাদ হ'ল খাপা	২১৪
ভূত ব'লে কিবা মোর ভয়	২০
ভোগে কভু ভোগ না ছুটে	১১৪
মন, তুমি গো ফাতনা ছিপের	১১১
মন, তুমি সার বন্ধু আমার	১১৮
মন, তোরে ত হনোর বলি	২০২

সঙ্গীত	সংখ্যা
মন, তোরে মনুতোরে ...	১০৪
মন্দ ব'লে আছি ভাল ...	৮৪
মন, যদি চাস্ আসল বাড়ী ...	৫৬
মনরে, তোরে খাঁটির জোরে ...	১২৮
মনের মত মনটা পাওয়া ...	১০৭
মম প্রাণ যাহা চায় ...	১৩৫
মরি কি মধু যামিনী ...	১৮
মরি মরি কি যেন তুই ...	২৭
মা ব'লে কাঁদিস্ কেন ...	৪৬
মিছা দোষী ক'র না ...	৫৫
মুক্তির কথা সবাই বলে ...	৯৪
মুখে বাক্ না ব'ল্লে কি হয় ...	৭৮৮
মোরা ছ'টা গোঁয়ার চোর ...	৮৫
মোরে কে তোরা করিলি শান্ত ...	১৮৯
মোরে দে তোরা ছেড়ে ...	১২৩
মোরে বল্ রে সাঁজের রবি ...	১৬৮
মোরে যেতে দে ভাসিয়ে ...	১৫৫
মোহ-মদ-নেশা-ঘোর ...	১০৫
যতই পীড়ন যে প্রকারে ...	১০০
যতই যা' তুই ভাবনা রে মন ...	১৪৭
যদি জীব চাহ রে কল্যাণ ...	১৩৭
যদি দূরে রাখি' থাক তুমি ...	১৭৫
যাও যাও তবে যাও, ...	৫৩
যায় অই প্রাণ ...	১২৬

সঙ্গীত	/	সংখ্যা
যে কয় আমি দারাহারা	...	১৯২
যে ধন বোধনে মন	...	১২৬
যেন কা'র আশে আমি	...	১৮০
রুমত বুঝত আজু	...	৩০
লোকে ভাল ব'লে কি হয়	...	১৩৮
শুনিতে পাই কয় সকলে	...	৭৩
শোন্ ওরে তরুণ	...	১৭০
সতী যেমন পতি বিনা	...	২০৬
সত্য নিত্য সত্ব ভবে	...	৭৬
সন্ন্যাসী কে গৃহীর মত	...	৮৬
সব পাব এ জীবনে	...	৩৭
সবাই ভবে ধর্ম রত	...	৯৬
সবে দেখি কেন শুধু	...	২
স্বর্গ নরক আছে কোথা	...	৭২
সংসারে কয় এটো কা'রে	...	১১৭
সাধ ক'রে কি তোরে বলি	...	২১১
সাধে কি প্রকৃতি তোমা	...	১০
সারানিশি ভাসি' তারা	...	২
সিদ্ধুরে ! তোর এক বিদ্ধু	...	৪২
সুখ চেয়ে মোর শাস্তি ভাল	...	৬৬
সুখ হুঃখ দুই কথা ল'য়ে	...	৭৭
সুখে সবাই হরির খুড়ো	...	১১২
সুশান্ত সমাধি-সিদ্ধু	...	২১৫
সে আমার সাধনের ধন	...	১৫৮


সঙ্গীত	সংখ্যা
সেই মেহ ল'য়ে মন	... ১৩৯
সেধা কি আমার	... ৩২
হ'লো দিবা অবসান	... ১০৩
হৃদয়-আকাশ পাতিয়া	.. ১৩০
হিংসটা না তুচ্ছ অভি	৭৪
হোক্ যে বড, সে তা'র ভাবে	৬৭

## শুদ্ধি-পত্র

অশুদ্ধ	শুদ্ধ	পৃষ্ঠা	পংক্তি
যে	যে	৩	৬
ভাবে •	ভাবে	৭	২৩
ঢেলেছে	ঢেলেছ	২১	৭
বালাই	বালাই	৩৩	২
করে সময় গত	ক্রমে অধোগত	৭১	১৫
গোলক	গোলোক	৭৫	১৭
বয়	বয়	১০৪	৭
নদীর নদীর	নদীর	১২১	১৬








পরমহংস পরিব্রাজকাচার্য  
শ্রীমৎ স্বামী পরমানন্দ পুরী ।



# আনন্দ-নির্ব্বার



## স্বভাব-সঙ্গীত ।

১ । ভয়রৌ—একতালা ।

ভারকা ডুবিল প্রদীপ নিবিল ভাতিল দিনেশ গগনে ।

অনিল বহিল, কুম্বল ঢলিল, মাতিল মধুপ কাননে ॥

শাপী ত'লে পাখী ডাকিয়া উড়িল, আয়ুহারা জীব সহসা জাগিল.

স্বপন-বিকার চেতনে ঘুচিল, বাড়িল পুলক ভুবনে ।

জানান্তে প্রশ্ন করিয়া চয়ন, বসিল পূজায় সাধু মহাজন,

করিল গায়কে বিভূর কীর্তন, রহিল বিলাসী শয়নে ।

এ সুখ-সময়ে কেন ভ্রান্ত মন, আপনা ভুলিয়া মোহে নিমগন,

জাগি' প্রেম-রাগে হও সচেতন, রহিবে আনন্দ-সদনে ।

## ২। ললিত—আড়াঠেকা।

সারা নিশি ভাসি' তারা পশিল ব্যোম-বিবরে ।  
উমা আসি' তমোরাশি ডুবালো রূপ-সাগরে ॥

ধরা ভুলি' ছিল যা'রা,	সুপ্তি-ঘোরে আত্মহারা,
জাগি' পুনঃ স্বন্দে তা'রা	পড়িল ভ্রম-গহ্বরে ।
পুনঃ আশা-নিশাচরী,	নানা রূপ ছল করি',
সুখ শান্তি নিতে হরি',	নামিল হৃদি-বাসরে ।
জীব হেন আত্মভোলা,	দেখি' নিত্য এই লীলা,
জড়াতে বিয়োগ-জ্বালা,	যোগে না কভু বিচরে ।

## ৩। খাম্বাজ মিশ্র—একতাল।

কেন পাখি ! হ'লিরে নীরব ।

এই ডালে ব'সে, চলি' প্রেমাবেশে করিতেছিলি যে রব ॥

কেন ফুল কলি ! আধেক ফুটিয়ে,	বিষাদে শুকায়ে প'ড়িস্ বারিয়ে.
কেন রে ভ্রমর ! নলিনী দেখিয়ে,	না ঢালিস্ প্রেমাসব ।
কেন রে ব্রততি ! বিটপী ছাড়িয়ে,	লুটোপুটি খাস্ ভূমিতে পড়িয়ে
কেন নিব্বারিণি ! কল্লোল তুলিয়ে,	না যাস্ নাচায়ে সব ।
এবে প্রভুহারা আমারে হেরিয়ে,	সবাই র'লি যে রূপণ হইয়ে,
যে যে ভাবে ছিল সে -াবে জাগিয়ে,	কর্ না আনন্দোৎসব ।
না করিলে তোরা সস্তাব প্রদান,	নাহি পাব আমি বিভূর সন্ধান.
ঢেলে দেবে তা'ই বিলাসে পরাণ,	করিতে তাঁহার স্তব ।
সংসার-কাননে যখন পশিয়ে,	না পায় পথিক সুপথ খুঁজিয়ে,
তখন তোদের স্মৃতি দেখিয়ে,	পায় সে সুখের সব ।

৪ । ঝাঁঝিট-খান্ধাজ—যৎ ।

অই যা' দেখিয়ে লোকে তো' চাঁদ কলঙ্কী কয় ।

ও নহে কলঙ্ক-রেখা ও যেন কে হৃদে রয় ॥

কে আর ও কোলে রবে,

পাপী ভিন্ন কেউ ত ভবে,

ধর্মী যে, সে অকাতরে,

অধর্মীকে ত্রাণ তরে,

দিনে দীপ কি কায়ে লাগে,

যাহে পাপী ধর্ম জাগে,

উচ্চ ব'লে তুই শশী,

দিস্ জেগে দিবা নিশি,

শ্রেষ্ঠ যেবা হয় ভবে,

চিরদীপ্ত সগোরবে,

ও বুঝি ঘোর পাপী হবে,

অত দয়ার পাত্র নয় ।

নিজগুণে ভবে তরে,

দিয়েছিষ্ অঙ্কশ্রয় ।

কার্যা ত তা'র নিশাভাগে,

গুণীর সেই ধর্ম হয় ।

অত উচ্চাকাশে বসি',

মহত্বের পরিচয় ।

সমস্তে সে রেখে সবে,

ত'য়ে চিদানন্দময় ।

৫ । ইমন- --কাওয়ালী ।

কেন আ'জ সাঁজে হেথা এ প্রেম-বিলাস ।

এই কি সূচার স্থান হ'তে ভাব-স্ববিকাশ ॥

ফুটে গাছে নানা ফল জুটে প্রেমী অলিদল,

নানা ছবি বৃকে ধরি' নদী করে চলছল,

পাখিগুলি তুলি' বুলি,

উড়ে যায় সুধা ঢালি',

ছলি' ছলি' বনস্থলী, কুতূহলী ফেলি' শ্বাস ।

শশী হাসে নীলাকাশে আশে পাশে তারা তা'র,  
 প্রেমাবেশে ভাসে যেন দ্যুতিমান্ মতি-হার,  
 খুলি' সাদা মুখখানি,                      কুমুদিনী আমোদিনী,  
 চকোর চকোরী হেরি, চাঁদ-সুধা করে আশ ।  
 ভাল রূপ গেছে জানা এ না বিলাসের স্থল,  
 হেথা নানা বিড়ম্বনা প্রতারণা অবিরল,  
 হেথা এ ত কিছু পরে,                      লুকাবে আঁধার-ঘরে,  
 রেখে যাবে প্রাণে ব্যথা, আর নানা হতাশাস ।  
 যা' হ'বার হ'ক্ হেথা আমি না প্রয়াসী তা'র,  
 আয় তোরা শশী তারা আয় ডাকি বারবার,  
 আয়রে আনন্দ সনে,                      এখনি আনন্দ মনে  
 নিয়ে যাব বৃন্দাবনে, যথা প্রেম বারমাস ।

### ৬ । খাম্বাজ—একতাল।

কেন ওরে ফুল ! এখানে ফুটিলি ছড়ালি সুবাস-রাশি ।  
 আর কি কোথাও মিলেনি কি স্থান বিশাল জগতে আসি' ॥  
 হেথায় তুই যে চাঁদের আলায়,                      উঠিয়ে কোমল পবন-দোলায়,  
 দেখিস্ অনন্ত অনন্ত-আশায়,                      কে দেখে তা' ভালবাসি' ।  
 তুই রে প্রশ্নন ! ফুটিয়ে বাগানে,                      থাকিলে সতত অনন্ত-ধেয়ানে,  
 চাহিয়া প্রেমিক তোর মুখ-পানে,                      ছড়াত প্রণয়-হাসি ।  
 তা' না, যথা কেহ জানে না যতন,                      জানে না জানে না প্রেম কি রতন,  
 তথায় কুমুম খুলিলি বদন,                      যাইতে বিধাদে ভাসি' ।  
 তোর হেথা দেখি হৃদশা যেমন,                      তেমতি কবির হৃগতি ভীষণ,  
 সাধে না এরূপ করি সম্ভাষণ,                      হইয়ে কাননবাসী ।

৭ । পুরিয়া—একতালা ।

দাঁড়া রে তটিনি ! ক্ষণেক দাঁড়ারে যাস্ না আমারে ফেলি ।  
আমিও র'য়েছি তো'র প্রতীক্ষায় আকুল হৃদয় মেলি' ॥

অই যে অথগু উদার গগন,  
চলিছে ভাসিয়া শবের মতন,  
অই ত অনিল সোহাগে গলিয়া,  
লতা পাতা কত পরাণ ঢালিয়া,  
নদি ! তো'র বুকে সকলি চাপিয়া,  
শান্তি-সিন্ধু-পানে ধাইছে নাচিয়া,  
তো'র সনে আ'জ আমিও চলিয়া,  
আনন্দ-সাগরে যাইব মিশিয়া,

সব ধন তো'রে করিয়া অর্পণ,  
তরঙ্গ-উচ্ছ্বাসে ফুলি' ।  
লহর-দোলায় যেতেছে ছলিয়া,  
করিছে কতই কেলি ।  
সংসার-যাতনা সকলি ভুলিয়া,  
বাধা যা' অবাধে ঠেলি' ।  
সংসার-বাসনা নিশ্চূল করিয়া,  
দিয়ে এ আমিও-ডালি ।

৮ । হরশৃঙ্গার—একতালা ।

ডুবে যাও চাঁদ ! নিখর গগনে আর সিত কর ঢেলো না রে ।  
ক্ষান্ত হও খ্যাপা বসন্ত-পবন ! তরু-কোলে আর চ'লো না রে ॥

ঝ'রে যা রে ফুল ! বিষাদ মাথিয়ে,  
যাও ঘনগুলি ! হতাশে ভাঙিয়ে.  
থামাও অটবি ! আনন্দ-মর্শ্বর,  
থামাও উদধি উল্লাস-লহর,  
আর যদি হেরি এ কম মাধুরী,  
তা' হ'লে বুঝিব করিছ চাতুরী,  
যে ধন লভিয়ে তো'মরা এমন,  
এ দীন সে ধনে ধনী না এখন,

না দিতে চুস্বন ভ্রমর আসিয়ে,  
হেথা সেথা আর চ'লো না রে ।  
থামাও শিখরি ! প্রেমের নিঝর,  
কোন ভাব আর তুলো না রে ।  
এ প্রেম-বিলাস এ ভাব-লহরী,  
মাথা খাও মোরে ছ'লো না রে ।  
অপূর্ব আনন্দে র'য়েছ মগন,  
দেখানল তা'ই জ্বেলো না রে ।

বাজে যদি প্রেমে এ প্রাণ-সেতারা,      ভিজে যদি রসে এ মন-সাহারা,  
খুলিও তখন আনন্দ-ফোয়ারা,      এবে কথা রাখো ঠেলো না রে !

৯।    ভৈরবী--টিমেতেতাল।

সবে দেখি কেন শুধু দেখি নে তাহায় ।  
সবে তা'রে চায় ব'লে সে কি ভয় পায় ॥

তা'র তরে ভয় মান যুগা লাজ দিয়ে জল,  
সারা নিশি পথ পানে চেয়ে চেয়ে ফুলদল,  
কেঁদে কেঁদে দিন-মুখে,      একে একে ধরা-বুকে,  
মান দেহে ঝরি' পড়ে বুদ্ধ নিরাশায় ।

তা'র তরে গগনের খুলিয়া পূর্ব দ্বার,  
একাকিনী উমা-রাণী পরি' সব ভূষা তা'র,  
বনে বনে ঘুরি' ঘুরি',      কোথাও না তা'রে হেরি',  
কেঁদে যায় কাঁদাইয়ে তরু লতিকায় ।

তা'র তরে বিচঞ্চল সারাটী মধ্যাহ্নকাল,  
মাঠে বাটে ছুটাছুটি করে ধীর পশুপাল,  
দোয়েল পাপিয়া যত,      ডাকি তা'রে অবিরত,  
এলাইয়া দেয় কায় তপ্ত পিপাসায় ।

তা'র তরে সারাদিন খুঁজি' সব দিবাকর,  
চ'লে পড়ে সন্ধ্যা বেলা হ'য়ে রোষে তরতর,  
রূপবতী ধরা সতী,      বিষাদিতা হ'য়ে অতি,  
মিশে যায় সীমাহীন দুঃখ-তম-ছায় ।



তা'র তরে ভেবে ভেবে তামসী তাপসী হয়,  
 ফুটি' তারা শেষে তারা প্রভাহীন পেয়ে ভয়,  
 ধরাতলে নামি' ইন্দু,                      খুঁজি' বন মরু সিন্ধু,  
 ধীরে ধীরে অবসাদে কোথা চ'লে যায় ।

তা'র তরে শিখরী যে কাঁদেরে নিঝর খুলি',  
 হ'য়ে শোকে খাপা বায়ু যথা তথা পড়ে ঢলি',  
 কা'রো যদি না দেখিল,                      তবে সে কোথায় গেল,  
 সে বুঝি আনন্দে দোলে হৃদয়-দোলায় ।

১০ । ইমন—কাওয়ালী ।

সাধে কি প্রকৃতি তোমা করি নমস্কার ।  
 যা' হোক্ যে পেয়েছে সে বিভূতি তোমার !  
 অনন্ত উদার প্রাণে গগন জাগিয়া রয়,  
 ছোট ছোট সঁজো মেঘ অতুল গরিমালয়,  
 নিশি-অঙ্গে নীরবতা,                      শশী-অঙ্গে সুশীলত',  
 প্রফুল্লতা মাথা যেন মুখে তারকার ।  
 সহিষ্ণুতা—তরুদলে নির্ভরতা—লতিকায়,  
 পরার্থপরতা ল'য়ে নিঝর সতত ধায়,  
 গভীরতা ধীরতায়,                      অচল—অটল কার,  
 ফুলে পূর্ণ পবিত্রতা, ফল—বীৰ্য্যাদার ।  
 প্রেমিকতা নিয়ে অই বাহিনী বহিয়া যায়.  
 রসিকতা নিয়ে বায়ু চলিয়া আনন্দ পায়,  
 কর্তব্যতা তত্ত্বজ্ঞান,                      জলধির যেন প্রাণ,  
 হাসে ভাবে সজীবতা, মাধুরী-বাজার ।

## আনন্দ-নিব্বার

উষার কোমল চোখে অমল ভকতি-জল,  
বাসনা-বেণুটী যেন ফুকারে মধুপদল,  
কমলে কমল-দল,                      রসভরে টলটল,  
আছে ভানু আয়ু বল করি' অধিকার ।

শিখীতে সুষমা ভরা জীবনে বিনয়-ধন,  
আহা মরি তরণীর কিবা আত্মনিবেদন,  
চপলায় নশ্বরতা,                      দর্দূরে কি একাগ্রতা,  
খগ-সুরে সুধা-ধারা ছুধে সত্ত্ব সার ।

সারল্য-মুরতি-শিশু, গুরু—জ্ঞান-নিকেতন,  
জনিতা জনিত্রী যেন করুণার প্রস্রবণ,  
রমণী—শান্তির ছবি,                      সবে প্রেমে বড় ভাবি,  
এ দীনেরও হৃদে দেখি প্রেমের ভাণ্ডার ।

### ১১ । সুরট—একতালা ।

তা'রে কে পারে করিতে হেলা ।

সে যে চিরবসুধার,                      রতন-আকর,  
চির অলকার সুষমা-ডালা ।

সে যে চিরশরতের পূর্ণ শশধর,                      চিরভূধরের অমিয়-নিব্বার,  
সে যে চিরবসন্তের কোকিল-কুহর,                      চিরবিরহের মিলন-আলা ।  
সে যে চিরনন্দনের জাতি-পরিমল,                      চিরসরসের ফুল্ল শতদল,  
সে যে চিরপ্রদোষের অম্বর উজল,                      চিরজলধির লহর-দোলা ;  
সে যে চিরজনমের আনন্দ বিমল,                      চিরতাপিতের ছায়া সুশীতল,  
সে যে চিরপিপাসার জলদ সজল,                      চিরহতাশের আশ্বাস-ভেলা ।

সে যে চিরমরুভূর স্বচ্ছ সরোবর,	চিরবিলাপের প্রবোধ অমর,
সে যে চির অভাবের স্বভাব সুন্দর,	চির অশান্তির সুশান্তি-মেলা ;
সে যে চিরপ্রভাতের মারুত মলয়,	চিরশৈশবের হাসি প্রেমময়,
সে যে চিরযৌবনের উৎসাহ-নিলয়,	চির অমরার প্রণয়-লীলা ।
সে যে চিরমন্দাকিনী-কুলু-কুলু-তান,	চিরবৃন্দাবনে মুরলীর গান,
সে যে চিরতিমিরের ভানু দীপ্তিমান,	চির আকাশের তারকা-মালা ;
সে যে চিরহৃদয়ের অতুল বিভব,	চিরকরমের অজেয় গৌরব,
সে যে চিরকামনার বিপক্ষী-সুরব,	চিরপ্রণয়ের স্মৃতির ঝোলা ।
সে যে চির আনন্দের অজর কামনা,	চির আনন্দের অমর সাধনা,
সে যে চির আনন্দের অক্ষর ভাবনা,	চির আনন্দের হৃদয়-খেলা ;
সে যে চিরজীবনের অভয় সঙ্গিনী,	চিরভবনের অমলা রঙ্গিনী,
সে যে তা'ই—যাহা ভাবি বা ভাবিনি,	সে বুঝি অঘোরা প্রকৃতি মূলা ।

১২ । মাল-ভৈরবী—একতাল।

আমি স্বভাব-কোলে বেড়াই খেলে সদাই তা'র বল বাড়াই ।  
কভু উড়ে এসে জুড়ে ব'সে চিদ-সাগরে চেউ জাগাই ॥

মরুভূমে রোপি তরু বসাই নগরী,  
নন্দনের পারিজাত কিংশুকে করি,  
আমি শিখাই হাবায় পড়াই বোবায় বুড়ায় যুবার ভাব ধরাই ।  
পদ্ম-রেণু দিয়ে আমি বানাই শিখরী,  
বৈজয়ন্ত রচি' বনে নাচাই অঙ্গরী,  
আমি উড়াইছি গিরি ডাই সুরি শিশির ঢালি' দেশ ভাঙ্গাই ।

গোড়ায় আমি খাড়া করি' ভিড়াই তিড়িকে,  
 কোলে শিশু দিয়ে দোলাই বাঁঝা বিবিকে,  
 বেড়াই মেঘের রথে গগন-পথে শুষ্ক গাছে ফল ফলাই ।  
 ভিখারীকে ঘুরাই আমি কুবের-সদনে,  
 পাতকীকে পাঠাই আমি শিবের ভবনে,  
 করি বুটায় সাঁচা পাকাই কাঁচা শূন্য প্রাণে ভাব ছুটাই  
 আমি যবে ঘুমাই তবে ঘুমায় ধরনী,  
 শ্মশান মাঝে বহাই আমি প্রেমের তটিনী,  
 আমি বাঁচাই মরা ঘুচাই কারা ভেঙে চূরে সব গড়াই  
 কেউ আমারে ছাড়তে নারে আমি এমনি,  
 আমি আশা—বৈতরণী, আমি—তরণী,  
 আমি যাবৎ জীব তাবৎ সজীব নানা রঙ্গে দিন কাটাই

### ১৩ । মল্লার—একতালা ।

আমি করি না তোমারে ভয় ।

তুমি পরম পবিত্র,                      কা'রো না অমিত্র,

সবার স্মিত্র সকল সময় ।

যত গুণী ধনী নিশ্চরণ নির্ধন,                      সুরূপ কুরূপ সৃজন কুজন,  
 নর নারী সবে দাও একাসন, ছোট বড় বোধ মনে না উদয় ।  
 জ্ঞান-গুণ-বল-বিষয়-বড়াই,                      কা'রো নাহি চলে কভু তব ঠাঁই,  
 সদা সম ভাব কোন হৃন্দ নাই, বিরাগ-শয়নে বিছানো হৃদয় ;  
 কর্ম্মী তবু নাই স্বার্থের হুক্মার,                      মহাবলী তবু নাই অহুক্মার,  
 যোগী তবু নাই বিভূতি-বিকার, তন্ময় সহ শুধু নিগূঢ় প্রণয় ।

স্ননিপুণ তুমি অগ্নি-পরীক্ষায়,                      সে পরীক্ষা তরে আসে যে হেথায়,  
 বহু ভাবে আর না রাখ তাহায়, অঙ্গ ভূষা করি' কর অভিনয় ;  
 বংশের কালিমা বংশের গৌরব,                      সকলি তোমার প্রাণের বৈভব,  
 চিত্তপটে শোভে পূর্ব চিত্র সব, তুমি চরমের পরম আশ্রয় ।  
 তব কাছে সর্ব-ভাব-সমাধান,                      দূরে যায় রিপু মান অভিমান,  
 জীবত্ব-লঘুত্ব হয় সপ্রমাণ, আসক্তি-বিতান বিজ্ঞানে বিলয় ;  
 শাস্ত-শিব-পদে ঢালিতে জীবন,                      মেলিয়া তৃষিত আকুল নয়ন,  
 মহাশূন্য পানে চেয়ে থাকে মন, হেলায় ভুলিয়া অসার বিষয় ।  
 শিশুর হসন মধুর ভাষণ,                      সুচারু চলন মোহন নটন,  
 সুখদা-প্রমদা-প্রেম-আলিঙ্গন, অশন বসন শোভন নিলয় ;  
 শূরতা প্রভূতা সূক্ষণ-গরিমা,                      কুলতা শীলতা চারুতা-ভঙ্গিমা,  
 বিভব-গৌরব-প্রভব-মহিমা, কিছু না তখন হয় সুখময় ।  
 তব কোলে যা'রা বিছায় শয়ন,                      মহানিদ্রা-ঘোরে না দেখে স্বপন,  
 না সহে ভীষণ অভাব-পেষণ, রিপুর শাসনে ব্যথিত না রয় ;  
 আনন্দ ধরিয়ে বিবেক-নিশান,                      জাগায়ে আনন্দে আনন্দ-পরাণ,  
 গাহে তা'ই আজি হে দেব শ্মশান ! তুমি সদানন্দ-আনন্দ-আলয় :

১৪ । পলশ্রী-বাহার—পোস্তা ।

আকাশ ! তোমার দেখলে বিলাস প্রকাশ কই আকার নাই  
 তোমায় ধ'রে ছুঁয়ে পাই নে তবু বহুরূপী দেখতে পাই ॥

চুপে চুপে ঘন-রূপে স্বরূপ যেই ঢাকো,  
 যেন কেপে বহু রূপে ভ্রমিতে থাকো ;  
 ফের মুক্তপ্রাণে সর্বস্থানে নাহি মানো ডাক দোহাই ।

যমুনা সাথ জাহ্নবী-যোগ যে ভাব আঁকে,  
 কখন তোমার তেমন ভাব লজ্জা না থাকে ;  
 ধাও কখন রেগে এমন বেগে কলের গাড়ীর যার বড়াই ।  
 নেশার ঝাঁকে উষায় দেখে কোতুক কর,  
 নানা চঙের রং বেরঙের সঙের রূপ ধর ;  
 কোথা পুরী গিরি করীর সারি কোথাও খাড়া যোধ সিপাই ।  
 বাড়তে বেলা কতই খেলা বাড়াও ছলে,  
 কোথা ধবলাচল জাহ্নবী-জল উছলি চলে ;  
 কোথা গড় পরিখা শিবির পাকা কোথাও উড়ে পা'ল ধোলাই ।  
 সাঁজের বেলা লীলার মেলা নয়ন-লোভা,  
 পর্দা তুলে দেখাও খুলে ত্রিদিব-শোভা ;  
 কোথা কতই সেতু বিজয়-কেতু কোথাও নাচে খেমটা বাই ।  
 নৈশ লীলায় পরাগ জুড়ায় না ব'সো ন'ড়ে,  
 থাক সাঁচা কাজের মখমলের গালিচায় প'ড়ে ;  
 কখন দীপক জ্বলে দাঁড়াও হেলে কখন আবার নিবাও তা'ই ।  
 তোমার চোখে ঘুম না ঢোকে সতত জাগো,  
 চোখ রাজ্যলে ভয় দেখালে কোথাও না ভাগো ;  
 তোমার জনম মরণ নাইকো বাঁধন তোমাতে হয় লয় সবাই ।  
 তোমার গুণে তোমার গুণের কাহিনী শুনি,  
 তোমার ধন তোমার দিয়ে নিশ্চরণ গুণী ;  
 দেখি প্রাজ্ঞ লোকে তোমায় দেখে ব্রহ্ম মেনে পায় রেহাই ।  
 তুমি যেমন নিত্য মুক্ত সবাত্তে থেকে,  
 আত্ম! তেমন সদা শুদ্ধ এ দেহে ঢুকে ;  
 তুমি ধূমে যেমন মায়ায় তেমন চিদার্গবে চেউ উঠাই ।

তুমি যে এই হও অনন্ত উদার উঁচু,  
 দেখাও এমন না ক'রলে মন যাতনা পিছু ;  
 হবে কবি কখন তোমার মতন আনন্দে আ'জ তা'ই সুধাই ।

১৫ । কালাংড়া—একতালা ।

তোদের ছেড়ে জগৎ নাহি রয় ।  
 তোরা দেখাস্ ধরা তা'ই তা' দেখি আবার তোরা করিস্ লয় ॥

তোরাই ভাবের গড় বা খনি তোরাই কামনা,  
 সরল-কুটিল-আকুল-আঁখির সর্ব সাধনা :  
 তোরা চাঁদের কর, ব্যাধের শর, মঞ্জু কুঞ্জ, হিমালয় ।  
 তোরা সাপের গণি ছুধের ননী মানে জগৎ করিস্ জয় ॥

তোদের কথা তোদের হাসি গলার ফাঁসি,  
 ব্যবহারে আগে নরে পায় করে শশী ;  
 তোরা যোগী ভোগী সবার হৃদে করিস্ ভ্রম-ঘনোদয় ।  
 ভূত চাপলে ঘাড়ে রোজায় ঝাড়ে গ'ছলে তোরা রোজার ভয় ॥

চাইতে তোদের হয় না কিছু চাইলে ম'রে যাউ,  
 যে ভাবে যা' লুটতে পারি সদা তা' যোগাই ;  
 তোদের দি'ক্ না যেন যে কোন ধন পছন্দসই একটি নয় ।  
 তোদের চা'ল মস্ত-জোরে গুরু যে—গুরু,  
 সরস ভাব বিকাশ করে নীরস তরু,  
 তোরা প্রাণের ডুরি মিছরির ছুরি ক্ষয় আবার অভ্যদয় ।  
 তোরা কবির শ্লোক কাব্য নাটক ভবরোগের মূল বিষয় ॥

এমনি তোরা হ'স্ মদিরা তোদেরি তরে,  
 কতই জনে কতই ভাব প্রকাশ করে ;  
 কেহ পদ্মলোচন বংশীবদন কা'রো হাতে টুকনী হয় ।  
 তোদের থাকতে দেহ যায় না কেহ হাত ধরা যে ইয়ার ছয় ।  
 বাঘে ছুঁলে আঠারো ঘা তোরা তা'র ছনো,  
 তোরা অসাক্ষাতে গড়ের মাঠ সামনে ব্যাঙ কুনো ;  
 তোরা মাজা ভজা গান মজা বই বেজার আর সব সময় ।  
 স্বামী কাছে তবু তোরা করিস্ কেমন ঠার,  
 “ঘরের মাঝে খোকার বাপ বাইরে সাড়া কা'র” ;  
 তোরা প্রেমে পড়ি' ছাড়তে বাড়ী করিস্ স্ব স্ব বংশ-ক্ষয় ।  
 ভাঙার তোরা বৃহস্পতি জোড়ার কেহ না,  
 তোদের পেটে কোন কথা কভু থাকে না ;  
 তোদের মুখের মাঝে প্রেমের ঘড়া প্রাণে কামের তুফান বয় ।  
 তোদের গুণে ধন জন প্রেম বন্ধুতা বাড়ে,  
 ( আবার ) তোদের দোষে শত্রু জগৎ সকলি ছাড়ে ;  
 তোরা ছকুল-রাখা শাখীর-শাখা কুকুরে জা'ত সবায় কয় ।  
 তোদের বাড়লে দয়া কোথায় গয়া, ভক্ত দাঁড়ায় ভুবনময় ॥  
 রূপ থাকিতে ধরা তোরা করিস্ সরা-জ্ঞান,  
 আর ত ভরা কালে পীঠস্থলে কত বলিদান ;  
 নারীর খোলস-পরা ব্যাগ্রী তোরা মরণতক হিংসাশয় ।  
 সুখের তোরা ময়না বটে থাকিস্ দাঁড় জুড়ে,  
 চরাস্ ছখে ভিটে ঘুষু ফেলিস্ পায় ঝেড়ে ;  
 তবে তোদের লীলায় সাঁচা না কেউ, আনন্দ আ'জ গর্বে কয় ।



১৬ । ঝাঁঝিট-খান্ধাজ—যৎ ।

আমরা যত সাম্লে চলি তোমরা তত গোল বাধাও ।  
তোমরা রোগে আগের ভাগে সরম ঘৃণা সব হারাও ॥

আমরা ফোটা কুসুমগুলি টাটকা রই বাসে,  
দিই না কোথা উকিঝুঁকি যাই না পরবাসে ;  
তোমরা যেচে এসে সামনে ব'সে হেসে রসের ঢেউ খেলাও ।  
আমরা একা থাকি পাকা তোমরা যোগ দিলে,  
দাড়াই কেঁচে পড়ি প্যাঁচে বাঁচি কেউ নিলে ;  
মোরা হাড়ের'পরে লাগাই মাস তোমরা হাড়ে ঘুণ ধরাও ।  
আমরা আগে জানি নে ছল কোন মন্ত্রণা,  
তোমরা কাণে মন্ত্র দিয়ে বাড়াও বন্ত্রণা ;  
মোরা নই বেতালে মোদের চা'লে তোমরা মোটা চা'ল শিখাও ।  
আমরা তত না হই খাপা তোমরা হও যত,  
তোমরা যুঘু উড়াও মোদের কুসলায়ে কত ;  
তোমরা নাচাও চেয়ে, প্রাণটা ল'য়ে শেষে গলে ফাঁস লাগাও ।  
তোমরা যা'র পেছন ধর ত্রিকূলে তা'রে,  
থাক্তে না দাও টানিয়ে লও পগার পারে ;  
মোদের সদাই আশা রইবো খাসা তোমরা পাপের পথ দেখাও ।  
মোদের লাগি' তোমরা দেখি বহু রূপ ধর,  
কখন রাজা কখন দীন মৃত্যু-পণ কর ।  
তোমরা আগে গুরু কর্তরু, অন্তে দুখের জাল বাড়াও ।  
মোদের ব্যাধি বারেক যদি শিখাও ঝাঁপ দিতে,  
মরি ম'ব্বো ডুবে তবু না চাই ফিরিতে ;  
শিখাও যা' তা' শিখি মোরা তোমরা তবু রাগ ফলাও ।

যেমন ধনই পাই না মোরা তাহে সুখ গনি,  
 তোমরা নূতন পেনে কিছু হও যেন ফণী ;  
 তোমরা গোলা-লোভে কেলা লুটো মোদের কিন্তু মুখ হাসাও ।  
 আমরা একে পরাণ সঁপি ট'ক্লে না ছাড়ি,  
 তোমরা বাসি-ভাব দেখিলে রও না আর বাড়ী ,  
 মোরা ভাল, ঘেঁটে ক'রলে কালো, হাত বাড়ালে আর না পাও  
 বার ভূতের পেত্নী ল'য়ে তোমরা রও শুচি,  
 বারেক ভূতে প'ড়লে নজর মোদের কুরুচি ;  
 তোমরা ছাড়া আমরা বাঁধা তবু মোদের হাড় জালাও ।  
 কাজের সময় তোমরা কাজী সব তা'তে রাজী,  
 কাজ ফুরালে পাজী মোরা গেলো ভোজবাজী :  
 তোমরা নওগো সোজা চলের গৌজা স্বার্থ চেপে মন যোগাও ।  
 তোমরা যাচক আমরা না তা' আমরা দান করি,  
 আমরা আত্মনিবেদন, তোমরা মনচুরি ;  
 আমরা মগন তোমরা ভাসা, তোমরা ছপে জল মিশাও ।  
 আমরা প্রেম, তোমরা কাম খলতা ধাঁপা,  
 শাস্তি মোরা, তোমরা ভ্রাস্তি বিবাদ বাধা ;  
 তোমরা স্বপন নিদ্রা মোরা, তোমরা সুধায় বিষ উঠাও ।  
 তোমরা ক্ষণিক সুখের নাণিক, আনন্দ মোরা,  
 তোমরা যেন শূন্য প্রাণ আমরা ভরা ;  
 আমরা হই সং কি অসং তাহা তোমরা কায়ে ঠিক জানাও ।  
 মোরা গর্ভে ধরি সন্তান-ধন তোমরা নিজেই নাম জাঁকাও ॥

১৭। কানাড়া—একতালা।

আমি শুধু তোমারি প্রয়াসী।

তোমারি চরণে,                      সঁপিয়া মরণে,

হ'তে চাই অবিনাশী ॥

সর্ব্ব ধনে ভরা তোমার ভাণ্ডার,  
তুমি, রক্ষা তরে গৌরব তোমার,  
তুমি খেল সদা মড়মড়-কোলে,  
প্রণয়-সিকুর আনন্দ-কল্লোলে,  
উলঙ্গ শিশুর উলঙ্গ পরাণে,  
রসজ্ঞ যোগীর গভীর ধ্যানেনে,

কিছু নাহি মোর প্রয়োজন তা'র,  
থাক ভাব পরকাশি'।  
স্বতৃপ্ত-মানস-সমীর-হিল্লোলে,  
জ্ঞান-ব্যোমে প্রেমে-ভাসি' ;  
রসিক-রসিক!-হৃদয়-বিমানেনে,  
ঢালি' বিশ্ব-প্রেম-রাশি।

১৮। বেহাগ—একতালা।

মরি কি মধু-যামিনী,

যোগিনী—যোগীজন-মনোমোহিনী ;

স্বরত-কৌতুকে প্রমত্ত মিশুন খুঁজিছে স্বঃগোগ কুলটা কামিনী।

নিঝুম নিশীথে কি যেন ভাবিয়া,  
নাচিছে আপনি আপনা দেখিয়া,  
বাসরে টাঁদিয়া প্রমোদে জাগিছে,  
আকুল নয়নে কুমুদ চাহিছে,  
সেবক সমান সমীর সেবিছে,  
মহাভাবে গিরি অম্বর চুমিছে,

বিলাসে প্রকৃতি বসন গুলিয়া,  
সরমে মরিছে রূপসী যামিনী।  
বুকে ধরি' ছবি তটনী ছুটিছে,  
হৃদয়ে লিখিয়ে প্রণয়-কাহিনী ;  
ঝরঝর করি' নিঝর করিছে,  
ধরিছে প্রেমিকে বেহাগ রাগিনী।

ধীরে ধীরে তরু চামর নাড়িছে,  
বসুধা বাহিকা-মালিকা পরিছে,  
এ সময়ে মন কর দরশন,  
ভ্রম না থাকিবে ভাগিবে স্বপন,

প্রফুল্ল পরাগে প্রস্নন হুঁলিছে,  
হইয়ে চন্দ্রিকা-শয়ন-শায়িনী ;  
জড়ে ও চেতনে মিলন কেমন,  
আনন্দ-সদন হইবে মেদিনী ।

### ১৯ । পূরবী—আড়াঠেকা ।

অই দিন অস্তাচলে চিত্তানলে প্রবেশিল ।  
সন্ধ্যা-দূতী ধরা মাঝে আশ্রুভূতি প্রকাশিল ॥

ক্রমে তার অশুচরী,  
শূণ্ণ সেই মুখ হেরি',  
বন-ফুল-বাস লুটি',  
খেয়ে অঙ্গে লুটোপুটি,  
স্বর্গ হ'তে দেববালা,  
জোনাকী জালিল আলা,  
ঝাঁঝি মিষ্ট তান ধরি',  
স্বরসিকে গান করি',  
ধাবনে তা'র পদধূলা,  
নিশাচরে করি' পালা,  
কেন মন এ মধুরেতে,  
থেকো না আর ভ্রমে মেতে,

এল পতি সঙ্গে করি',  
তারি-হার ডালি দিল ।  
সমীরণ আসি' ছুটি',  
কত রঙ্গ আরস্তিল ।  
ছড়ালো হিম-মুক্তা-মালা,  
তরু শির নোয়াইল ।  
বন্দিল তা'র প্রাণ ভরি',  
গুণ-সুধা বিতরিল ।  
উছলিল নগবালা,  
সেবায় প্রাণ সমর্পিল ।  
আছ মোহ-শয্যা পেতে,  
হেলায় কাল ফুরাইল ।

২০। কানাড়া—একতাল।

বেলার সনে যেমন বনে তরুর খেলা সুরসুহর ।

তেমনি ঘরে খেলার তরে শিশুর নানা ভাবোদয় ॥

উঠে তরু মাথা নাড়ি',	লুটে যেন ইন্দ্র-বাড়ী,
উঠে শিশু শয্যা ছাড়ি',	বিশ্ব প্রেমে ক'রতে জয় ।
পুষ্প ফুটে বৃক্ষ-কোলে,	মায়ের কোলে হাসে ছেলে,
ডাকে পাখী গাছের ডালে,	কোলে শিশু কথা কয় ।
নড়ে শাখীর পত্রগুলি,	নাড়ে শিশু করাসুলী,
গাছে লতা নাচে ছলি',	কোলে শিশু ছলতে রয় ।
কভু অগ যোগে রত,	শিশু কোলে নিদ্রাগত,
পাদপ সদা থাকে নত,	শিশু কভু দর্পী নয় ।:
ভানুর কর শিরে মাখি',	প্রেমের ভাব দেখায় শাখী, :
প্রেমে শিশু মগ্ন থাকি',	যুচায় ভুল বিবাদ-ভয় ।

২১। লুম-ঝিঁঝিট—একতাল।

এসেছি তটিনী তোমার কূলেতে কি হেতু ফিরি' না চাও রে ।

কেন আবেগ ছুটায় লহর কুটায় কল-তানে নাহি গাও রে ॥

নিতি নিতি আগে তুফানে খেলিতে,	কা'র প্রেমে যেন কত কি গাহিতে
আ'জ বুঝি মোরে লুটতে ধূলিতে,	হৃদি না খুলিতে চাও রে ।
সে শশী হৃদয়ে আলোক ফুটায়,	সে তারা সুমমা মহিমা বাড়ায়,
সে তরু জুড়াতে চামর ঢুলায়,	যা' দেখি' উছলি' যাও রে ।

সেই ত সর্মীর বদন চুমিছে,                      সেই ত তরীতে প্রেমিক গাহিছে,  
 কেন তবে এবে প্রাণ না জাগিছে,                      সুভাবে জাগায়ে দাও রে ।  
 বুক ভরা তব প্রেমের বণায়,  
 তরঙ্গ-দোলাতে দোলায়ে আশায়,  
 নদী তব সম প্রেমিক যেজন,  
 সিন্ধু দিকে সুখে ধাও রে ।  
 আনন্দ-সাগরে আনন্দে মগন,  
 মনে কি পড়ে না তা'ও রে ।

## ২২ । বেহাগ-গাম্ভাজ—কাওয়ালী ।

আর পার্থী র'স্ না নীরব ।

আমি কাছে এসে আছি ব'সে শুনিতে সুরব ॥

পাতার আড়ালে থাকি',                      উঠিস্ যখন ডাকি',  
 প্রাণ-কুঞ্জে তবে দেখি বসন্ত-উৎসব ।  
 সংসারের শত জ্বালা,                      নাহি করে কালাপালা,  
 পাই যেন মুক্তি-শালা দেবতা-বিভব ।  
 কভু হ'য়ে আশ্বহারা,                      ভুলে রই বিশ্ব-কারা,  
 কভু হই শূণ্য পারা, ভাবি শূণ্য সব ।  
 এখনো অই ভাসে ভানু,                      মাঠে অই চরে ধেনু,  
 অই বনে বাজে বেগু জাগায়ে শৈশব ।  
 অনন্তের প্রিয়সখা,                      দিয়েছিস্ যদি দেখা,  
 ছড়া স্বর সুধা মাখা, বাড়াতে গৌরব ।  
 হৃদি তোর প্রেমে ভরা,                      কালকূটে নহে জরা,  
 না জানিস্ ছল-ধারা অসার গরব ।

পাখী তোরে ভালবাসি,                      বসি তা'ই কাছে আসি',  
 গুণ দেখে দেনে খুসী, তুচ্ছ ত মানব ।  
 বিষাদের শক্তিশেলে,                      সদা প্রাণ যার জ'লে,  
 স্মৃতি এবে দেবে ঢেলে আনন্দ-আসব ।

২৩ । খান্সাজ-মিশ্র—যৎ ।

জগতের হাসি মিশি' তুমি শনা ভেসেছ ।  
 নিশা-মসি তা'ই নাশি' আলো-রাশি ঢেলেছে ॥  
 অই যা' দেখে তব কোলে,                      কলঙ্কা চাঁদ লোকে বলে,  
 ও ত কোন কুরুপাকে, রূপ-জালে ঢেকেছ ।  
 কিম্বা কোন মহাপ্রসি,                      ছিল মহাদানে বসি',  
 তা'কে বৃন্নি ভালবাসি', ধরা-ধন্য ক'রেছ ।  
 অথবা এ হ'তে পারে,                      তৃপ্ত ভোলা তব করে,  
 তা'ই এত আদরে তার, শিরে স্থান পেয়েছ ।

২৪ । ভৈরবী-মিশ্র—কাওয়ালী ।

ডাকি যত কেন তত দূরগত হও আকাশ ।  
 ক্ষণকালে মেঘ জালে রাখ হৃদি, অপ্রকাশ ॥  
 অনন্তে ঢালিয়া প্রাণ ল'ভেছ অনন্ত-কায়,  
 হ'য়েছ অনন্ত গুণে অনন্ত—অনন্ত প্রায়,  
 'সান্ত ব'লে শান্ত দেখি',                      দিতে নাই সাহুনা কি,  
 শুনিতে পাই শান্ত না কি, পায় তোমার ভাব-বিলাস ।

কেন তবে দীন হেরে ঘণায় না ফিরে চাও,  
 ক্রকুটী-বিকাশ কর ডাকিলে না সাড়া দাও,  
 তা'ই যদি সত্য হয়,                      কে তোমা উদার কর,  
 কে গায় মহিমা তব, ভুলি' তাপ কাল-তরাস ।

দেখি ত তোমাতে সব তথাপি নির্লেপ রও,  
 ধরাতে প'ড়েছ ধরা নির্ঝিকার তবু হও,  
 সব রূপে কর রঙ্গ,                      ছাড় না স্বরূপ-সঙ্গ,  
 চিরকাল কম অঙ্গ, তবু দেখিঃনাই বিনাশ ।

অধমে দেখিয়ে তবে কি হেতু বাড়াও মান,  
 অথগু অনন্ত প্রাণে মিশাও আনন্দ-প্রাণ,  
 সকলি ত তব কাছে,                      প্রেমানন্দে মগ্ন আছে,  
 সকলেরি যদি মাঝে, চিদানন্দ-প্রেমোচ্ছ্বাস ।

## ২৫ । স্মরট-মল্লার—আড়াঠেকা ।

চাইনে যে ভাব কেন স্বভাব মনে তা'র চেউ উঠাও ।  
 কেন জ্ঞান'ভাবে অসত্তাবে সত্তাবের মুখ পোড়াও ॥

কি ভাবে যে অতর্কিতে,                      ফেল আনি' আসক্তিতে,  
 পারে না তা' মন বুদ্ধিতে, এমনি মহালম্ব বাড়াও ।  
 তুমি সর্বশক্তিমান,                      সর্বরূপ-বীজাধান,  
 তুমিই করি' সর্বস্ব দান, বিধাতার বল দেখাও ;  
 আপন ভাবে পূর্ণ বলি',                      তোমায় মোরা স্বভাব বলি,  
 তব সম কেউ না বলী, তুমি ভবের ভাব জাগাও ।



স্থূল তবু সূক্ষ্ম অতি,                      স্থির না কভু তব গতি,  
 তোমাতে যা'র নাইকো স্থিতি, শূন্যে তা'র নাম মিশাও ;  
 আপন ভাবে সারা বেলা,                      আপনা ল'য়ে ক'রতে খেলা,  
 ইচ্ছামত বসাও মেলা, ইচ্ছামত জাল গুটাও ।  
 তব ভাবে ভাসে ভাষা,                      ভাসায় সৃষ্টি করে আশা,  
 লয় আশা মনে বাসা, মনোবলে কল চালাও ।  
 তুমি নর তুমি নারী,                      তুমি দীন, দণ্ডধারী,  
 যেবা তোমার আজ্ঞাকারী, আনন্দে তা'র ডুবাইও ।  
 আমি আছি তোমায় ধরি',                      তুমি কেন তুচ্ছ করি',  
 সদা মোরে ভেবে অরি, আনন্দের ভাব চাড়াও ।

২৬ । বেহাগ—কাওয়ালী ।

অই ছুটি চোখ আহা অই ছুটি চোখ ।  
 ওর মাঝে বসুধার,                      খেলে ভাব-পারাবার,  
 মায়ী দয়া স্নেহ-ছায়া অয়ঃ অসূয়া রোগ ॥  
 ওর মাঝে ভয়াশাস্তি-সন্দেহ-নাটিকা বয়,  
 ওর মাঝে জ্ঞান-শাস্তি-আনন্দ-আকর হয়,  
 পূর্ণতার কত হাসি,                      হতাশার অশ্রুশি,  
 মিলনের প্রেমোচ্ছ্বাস, দুঃসহ বিরহ শোক ।  
 ওর মাঝে স্বভাবের ইতিবৃত্ত-সুপ্রকাশ,  
 উপেক্ষা প্রতীক্ষা কত সংক্ষেপ নক্সেত-ভাষ,  
 কত শুদ্ধি সিদ্ধি সাদ,                      অবসাদ পরমাদ,  
 কত জয় পরাজয়, উত্থান-পতন-ঝোক ।

ওর মাঝে কত যেন সুখা সুখা কালকূট,  
 বাচে নাচে মরে তা'র যে যা' তা'র করে লুঠ,  
 কত শূন্য দৈন্ত্য ভূতি, স্বাস্থ্যাস্থ্য তমঃ ছাতি,  
 অবিদ্যা-অস্থিতা-রাগ, বিবেক-বিরাগালোক ।  
 ওর মাঝে মড়কতু মড়কিপুর করে বাস,  
 মড়কম মড়করাগ আশয় বিষয় লাস,  
 রঙ্গ ভঙ্গি কত স্মৃতি, কবিত্বের প্রতিকৃতি,  
 কত খেলা কত লীলা, কতই রসের লোক ।  
 ওর মাঝে সান্ত্বনাস্ত ছ'য়ের কি সন্মিলন,  
 ওর মাঝে স্ততি নিন্দা কত ত্যাগ আলিঙ্গন,  
 কত তাপ শীতলতা, কত ধৃতি চপলতা  
 ভীষণ নিরয় কত, কত বা সুদীবা লোক ।

## ২৭ । ভৈরবী-মিশ্র—কাওয়ালী ।

মরি মরি কি যেন তুই হাসি ।  
 তোর মাঝে ত্রিলোকীর সর্ব-সুখ-রাশি ॥  
 তোর মাঝে বিলাপীর সাস্বনা-শয়ন রয়,  
 তোর মাঝে বিলাসীর কোতুক-নিবন্ধ বয়,  
 নিরাশীর ভাব-গুঞ্জ, তাপিতের শাস্তি-কুঞ্জ,  
 ভিখারীর ভিক্ষাপুঞ্জ, পাপীর পবিত্র কাশী ।  
 তোর মাঝে ভাবকের ভাসে: তঙ্ক-তড়িহান্,  
 রসিকের:রস-সিদ্ধ কামকের কাম-বাণ,

## স্বভাব-সঙ্গীত

রোগার্ভের কত শাস্তি, সমর্থর কত কাস্তি।  
বিজ্ঞেতার কত ভঙ্গি, প্রেমীর প্রণয়-ফাঁসি।  
তোর মাঝে বিরহীর অটুট আশ্বাস-ভাষ,  
যোগীর সুযোগ-ভাস, দোষীর বিশ্বাস-বাস,  
কত যুবজানি-রুচি, ভোগী হৃদি-বেদ-হুচা,  
হুর্বলের কত বল, বলীর বিজয়-বাণী।  
তোর মাঝে সাফল্যের সংহর্ষ-হিল্লোল-রাগ,  
তোর মাঝে বৈফল্যের উৎকট উদ্যম-বাগ,  
সারল্যের মধুরতা, কোটিল্যের প্রথরতা,  
ভারল্যের সাস্ত ভাব, আনস্ত্য অনস্ত্যবাসী।

### ২৮। খাম্বাজ-গিঞ্জ—যৎ।

\* কে তুমি অনস্ত-যোগী করি' সদা প্রাণায়াম।  
দেখিছ অনস্ত-রূপ হৃদি-পটে অবিরাম ॥

আপুরণ বিরেচন, চলিতেছে অনুক্ষণ,  
তবু সাম্যে রাখি' মন, আছ শুদ্ধ পূর্ণকাম।  
আ মরি কি তব সিদ্ধি, নাতি ভাব-ভ্রাস-বুদ্ধি,  
ব'য়েছে যা' হৃদি-শুদ্ধি, তাহা সিদ্ধ প্রাণায়াম।  
যুগ আসে যুগ যায়, তত্ত্ব ভাসে লয় পায়,  
তুমি নিত্য পূর্ণকায়, চিরমুক্ত যেন বাম।  
হেন ভাবে প্রাণ ঢালা, নাহি পাও তাপ জ্বালা  
ল'য়ে পূর্ণ সত্ত্ব-আলা, সত্ত্ব দেখ পরিণাম।

\*এই গানটি সমুদ্রকে লক্ষ্য করিয়া রচিত।

## ২৯ । ভৈরবী-গিশ্র — কাওয়ালী ।

কে তোরা দিস্ উকিঝ'কি রেতে ।

কে তোদের উচ্চ অত আসন দিল পেতে ॥

ধরাতে না রূপ ধরে,                      তা'ই বুঝি দূরাধরে,  
 জাগরিত প্রেমভরে, কা'রে যেন পেতে ।  
 উচু ব'লে উচু স্থানে,                      যদিও আছি'স্ মানে,  
 তবু রত কর-দানে, বিশ্ব-প্রেমে যেতে ।  
 দিবাতেই ভানু ভাসে,                      সূদিনেই বন্ধ আসে,  
 ছদ্দিনে যে ভালবাসে, সেই ঠিক ধেতে ।  
 নিশাতেই তোরা ভাসি',                      ঢেলে দিবে আলোরশি,  
 ভ্রম-বিভীষিকা নাশি', র'স্ ভাবে চেতে ।  
 তোদের ত এই দয়া,                      তোরা যা'র প্রেম-ছায়া,  
 চাহে প্রাণ ছেড়ে মায়া, তা'র কাছে যেতে ।

## ৩০ । গল্লার-গিশ্র — কাওয়ালী ।

রুমত রুমত আজু মন মেরো গাওয়ে রে ।

মন মেরো গাওয়ে মানে। জী মেরো ধ্যাওয়ে রে ॥

প্রেম-অঙ্গ পুলক গাত,                      আখিয়ান্ বিচ জল সোহাত,  
 শোভা মুখ কহে না জাত, চন্দ্র যিমি সুহাওয়ে রে ।  
 শ্রোত-বারি করি' উমঙ্গ,                      চহকৈ সুখ সব বিহঙ্গ,  
 গগন মধ্য সকল রঙ্গ, সৃষ্টি আব লোভাওয়ে রে ।

ভগত দীন পরমানন্দ,

নষ্ট হোত সকল ঘন্দ,

পাওয়ে সো অতি আনন্দ, যো তেরো শরণ আওয়ে রে ।

বিষাদ-সঙ্গীত

৩১ । খাম্বাজ-গিঞ্জ—একতাল ।

বুঝিতে যা' চাই কেবা তা' বুঝায় ।

পাই আমি আর কাহারে কোথায় ॥

বাসনা-প্রবাহে অবিরত ভেসে,

কত লোক সনে মিশি কত দেশে,

আমি কেন আসি,

যাঠ কেন ভাসি',

যা'কে তা' জিজ্ঞাসি হাসিয়া উড়ায় ।

কোন ভাবে স্থির না রয় পরাণ,

হেথা সেথা ঘুরে পাগল সমান,

কোথা কবে ধাই,

কোন বোধ নাঠি,

স্বপনে বেড়াই কি যেন পৌঁকার ।

শুনী ভাসে তা'রে কত কথা কই,

কথা নাহি বলে আরো মত্ত হই,

ওই তারাগুলি,

শোনে কত বুলি,

তবু মুখ খুলি' কিছু না শুনায় ।

বায়ু ছুটে বেগে কথা না সে শোনে,

ঘুণা করি' গিরি আছে এক কোণে,

কোন শ্রোতস্বিনী.

কোনও কাহিনী,

ক্ষণেক দাড়ায়ে শুনিতে না চায় ।

তরুতলে যাই তরু মাথা নাড়ে,

জন্তুগুলি দেখি পড়ে রোষে ঘাড়ে,

কে আছ চেতন,

নিকটে এগন,

করি'সচেতন বাঁচাও আমার ।

## ৩২। ঝাঁঝিট-মিশ্র—একতালা।

সেথা কি আমার বাজিছে রাগিণী সেথা কি জাগিছে হৃদয় মোর।  
যথায় হে প্রাণ লভিছ বিরাম কাটায়ে ধরার বিকার ঘোর ॥

পেয়েছ সেথা কি আনন্দ-সদন,	নয়নাভিরাম কোনও রতন,
হ'য়েছ কি তা'র প্রণয়ে মগন,	স্মৃতি কি ছেড়েছ ভাবি' তা' চোর
মিলন-প্রদীপ সেথা কি নিবে না,	বিরহ-লহর সেথা কি উঠে না,
কলুম-কণ্টক সেথা কি বিধে না,	নাহি কি সেথায় যমের জোর।
নাহি তথা পর সব কি আপন,	সব কি তথায় মনের মতন,
বিজ্ঞানে সবে কি সতত চেতন,	শাস্তি-বিভাবরী হয় না ভোর।
সকলের চিরবাঞ্ছিত যে স্থল,	যেথা যেতে সদা আনন্দ পাগল,
তথায় তুমি কি আছ স্মৃশীতল,	টুটিয়ে অন্যর আনন্দ-ডোর।
তা'ই যদি হয় কবে তব মনে,	মিলিব অক্ষয়-অভেদ-আসনে,
স্বপনের ভেদ দাঁড়াবে স্বপনে,	যুচিবে তৃষিত নয়ন-ঘোর।

## ৩৩। ভৈরবী-মিশ্র—একতালা।

ক'টা কথা তোমারে সুধাই।  
তুমি প্রাণ খুলে যাও ব'লে তৃপ্ত হ'য়ে চ'লে যাই ॥  
তুমি যে না ব'লে, ফেলে চ'লে গেলে,  
ইহাতে দোষ কি নাই;  
কে তোমা লভিল, হৃদয় জুড়ালো,  
আগে তা' জানিতে চাই।  
যথায় জীবন কাটিছে এখন,  
সুখে কি ভরা সে ঠাই;

কেহ কি সেথায় জলে না ব্যথায়,  
 মিলে কি প্রাণের ভাই ;  
 স্বার্থ-হিংসা-দ্বেষ-শূণ্য কি সে দেশ,  
 সবে কি ধরমে চাই ;  
 ছাড়ি' হেথা সব তথায় বিভব,  
 দেখিয়া ভুলিলে তাই ;  
 পথের সন্ধান পাইলে হে প্রাণ,  
 বড়ই আনন্দ পাই ;  
 র'য়েছ যথায়, জানি না তথায়,  
 আনন্দ কখন ধাই :

৩৪ । খাম্বাজ-মিশ্র—যৎ ;

আনন্দের হেম-দীপ কাল-ঝড়ে নিবেছে ।  
 “যথারণ্য তথাগৃহ” এগন মোর হ'য়েছে ॥

আর কভু যেতে ঘরে,	কিছুতে না মন সরে,
আর প্রাণ ভোগ তরে,	বাঞ্ছা নাহি রেখেছে ।
সব বাঁধা গেছে কেটে,	সব নেশা গেছে ছুটে,
দিবা নিশি ভাব ঘেঁটে,	জ্ঞান-আগি ফুটেছে ।
কাটাতে দিন ভব-বাসে,	মন না কিছু ভালবাসে,
শুধু এক মুক্তি-আশে,	দেহে প্রাণ র'য়েছে ।
কোথা সত্য নিরঞ্জন,	কর ভ্রম-বিমোচন,
তুমি নিত্য জ্ঞান-ধন,	আনন্দ ঠিক জেনেছে ।

## ৩৫। খান্জাজ-মিশ্র—৫৭।

ওরে বিধি বিধিমত কার্যা কি এই করিলে ।  
নিবাহিয়ে হৃদি-আলো দিক-ভ্রমে ফেলিলে ॥

আখি দিতে না পারিলে,	অন্ধ-লাঠি কেড়ে নিলে,
এর চেয়ে কেন তুমি,	পরান না নাশিলে ।
এবে আমি কি প্রকারে,	রব বেঁচে এ সংসারে,
সংসারের প্রিয় ধন,	নিকটে না থাকিলে ।
করি শুধু তব আশা,	তোমার কি ভালবাসা,
কেন্দে কেন্দে হই সারা,	তথাপি না দেখিলে ।
এত যদি ছিল মনে,	আনন্দকে ভবে এনে,
প্রভাহীন ক'রে কেন	জ্যাশ্বে মেরে রাখিলে ।

## ৩৬। খান্জাজ-মিশ্র—৫৭।

কোথা রে জীবন-ধন কোথা এবে র'য়েছ ।  
মম ভরে এ সংসারে তুমি বড় জ'লেছ ॥

হ'য়ে আমি গৃহত্যাগী,	হই নি তব হুঃখ-ভাগী,
হুঃখে প'ড়ে ফোভে মোরে,	কতই কি ব'লেছ ।
যেমন আমি দিছি দাগা,	তেমনি তুমি দিয়ে ভোগা,
অসময়ে ভাল তার,	প্রতিফল দিয়েছ ।
যা' হ'বার তা'ই হ'য়েছে,	আনন্দের ভ্রম ঘুচেছে,
আশা করি তুমি যথা,	মুক্তি তথা ল'ভেছ ।



৩৭। খান্সাজ-গিশ্র—যৎ।

সব পাব এ জীবনে তোমা না আর পাইব।

আর না তোমার সনে কোন খেলা খেলিব ॥

সংসারের সুখ-কাষে, মনোহর দিব্য সাজে,  
 আর না দেখিব তোমা, প্রিয় কথা শুনিব।  
 কত ভাব গেছি ভুলে, আরও কত যাবে ভুলে,  
 তব ভাব এ জনমে, কখন না ভুলিব।  
 শুধু তোমা হারা হ'য়ে, শাস্তি নাই বিশ্ব পেয়ে,  
 এ জন্ম ত তোমা তরে, ভেবে ভেবে মরিব।  
 কোথা চিত্ত-শতদল, প্রেম-রেণু সুবিমল,  
 যথা থাকো সুখে থাকো, সুখী তাহে থাকিব।

৩৮। খান্সাজ-গিশ্র—যৎ।

আমার এ পাগলামি আর কা'রে আমি দেখাবো।

কা'রে দেখে আর সুখে প্রাণ-ব্যথা জুড়াবো ॥

কা'র আর বল ক'রে, কৰ্ম-সিন্ধু যাব ত'রে,  
 কা'র হাসিমাখা ভাসে, নিরাশাকে উড়াবো।  
 কা'র গুণে আর বাসে, দিন যাবে অনায়াসে,  
 কা'র প্রেম-রসে আর, রিপুগণে ডুবাবো।  
 জগ-জন-মনোলোভা, এই যে স্বভাব-শোভা,  
 দেখাইয়া কা'রে আর, তব-ভাব ছুটাবো।  
 সংসার-সুখ-পারাবার, আনন্দ-প্রাণ-অলঙ্কার,  
 ছিল যে, সে কোথা গেছে, কাহারে কি জানাবো।

## ৩৯। বাঁঝিট-খান্ধাজ—যৎ।

আর মোরে এ সংসারে কেহ ভালবাসিবে না।  
ক্রান্তি-নাশে মোর পাশে কেহ এসে বসিবে না॥

কেহ আর থেকে বাসে,                      সুমধুর হাসি ভাষে,  
দিব্য ভাবে মাতাইয়ে, প্রাণ মন তুষিবে না।  
কেহ আর প্রাণ দিবে,                      প্রাণ মোর কিনে নিবে,  
প্রাণে প্রাণ মিশাইতে, প্রাণ মাঝে আসিবে না।  
আর না কেহ ক্ষুধা পেল,                      সুখা দিবে মুখে চেলে,  
কেহ প্রেম-শশী হ'য়ে, হৃদাকাশে ভাসিবে না।  
ছিল যে আনন্দ-ধন,                      ক'রেছে কাল সংহরণ,  
এ জীবনে আসিয়া সে, দুঃখ মোর নাশিবে না।

## ৪০। বাঁঝিট-খান্ধাজ—যৎ।

জুড়াইতে অভাগারে ভবে যদি এলি রে।  
শীতল না করি' কেন দূরে স'রে গেলি রে ॥

আ'জও মোর হৃদি মাঝে,                      বাসনার বাঁশী বাজে,  
আ'জো আমি ভোগ তরে, পদে যোগ ঠেলি রে।  
যবে তোর স্মৃতি জাগে,                      ব্যাকুলিত হই রাগে,  
কাদাইয়ে অভাগারে, কিবা সুখ পেলি রে।  
মনে করি ভুলি তোরে,                      ভুলিতে না পারি জোরে,  
আ'জো ভাবি তব সনে, যেন কত খেলি রে

৪১ । খাম্বাজ-মিশ্র—একতাল ।

আমি দেশের বালই ।

মোর তন-মন-ধন-জন-জোর কিছু নাই ॥

না খেল না বাঁচি, তা'ইগো ভিক্ষা ক'রে খাই,

সাজ ব্যতীত লাজ ঘুচে না, ধটা আঁটি তা'ই ।

নিরাশ্রয়ে শঙ্কা দেখি' পর্ণশালা চাই,

ব'লতে হবে আমি তুমি, সবই এক গাঠি ।

কাষ ত কিছু ক'রতে হবে, সদাই দেই তাই,

ভোগ ত কিছু ভুগতে হবে, অঙ্গে মাখি ছাই ।

হেথা সেথা ঘুরতে হবে, কোণে বনে ধাই,

পুরস্কার পেতে হবে, নিন্দা গালি পাই ।

সঙ্কল্প ত রবে, ভাবি—আমি সর্ক ঠাই,

জীবন ধারণ বেঁচে মরণ, কিসে হব চাঁই ।

এত শুণেব গুণনিধি হয় যে জনা ভাই,

কেন লোকে দেখে তা'কে স্মৃথে দিবে নাই ।

৪২ । ঝাঁঝিট-খাম্বাজ—যৎ ।

সিদ্ধু রে ! তোর একবিন্দু বারি নহে আপনার ।

ও ত অশ্রু—ভারতের পতিহীনা অবলার ॥

যাতনা-উচ্ছ্বাস তরে,                      তরঙ্গ বুকের'পরে,

তর্জন গর্জন তোর, কান্না-রোল হাহাকার ।

জাগিয়ে বুদ্ধ রাশি,                      নিমিষে যেতেছে মিশি',  
 শুষ্ক-জীর্ণ-ভাব বিনা, না দেখি তা' কিছু আর ।  
 শোভিছে আবর্ত্ত যাহা,                      আকুল মরম তাহা,  
 দেহের যা' রস রক্ত, দেখি এই ফেণাকার ।  
 প্রমত্ত যখন আশে,                      তখনি জোয়ার আসে,  
 হতানায় লাগে ভাঁটা, প্রাণ—চল-ব্যবহার ।  
 নিয়ে প্রিয় প্রাণশশী,                      তোর এই রঙ্গরাশি,  
 মহামূল্য রতন যা', সুপবিত্র সদাচার ।  
 কবে রে ভারতবাসি !                      কুসংস্কার-গণ্ডী নাশি',  
 রমণীর'পরে আর, না করিবে অত্যাচার ।

৪৩। গৌরী-মিশ্র—এক তাল।

আমার সব ছিল সে একে ।

আমি ভনে হারিয়ে তা'কে প'ড়েছি ঘোর পাকে ॥

ছিল সে মোর শান্তি-মধু, হৃদি-প্রেম-চাকে,

ছিল আশা বল ভরসা সাতস ডাকে হাঁকে ।

ছিল চিত্ত ভুলে' বিত্ত দেখে' সদা তা'কে,

ছিল তৃপ্তি প্রাণ-দীপ্তি তাহার হাসি-বাকে ।

মনের মতন ক'রে যতন লাজ দেছে সে মা'কে,

সে ধন ছেড়ে জগতে আর থাকুবো নিয়ে কা'কে

সে আমার জীবন সম ছিল কত জাঁকে,

সে গেছে—না সব গিয়েছে, আমি গেছি ফাঁকে ।

ব'লতে যদি পারে কেত কোথা সে মোর থাকে,  
চিরদিন সে দীনানন্দে পদে বাঁধা রাখে ।

৪৪ । ঝাঁঝিট-খান্নাজ—যৎ ।

অরে রে অবোধ ছেলে ! কাঁদ তুমি কি কারণ ।  
কে তোমা বাসিত ভাল কা'র তুমি প্রাণধন ॥

যা'কে তুমি মা বলিতে,                      ছেড়ে কভু না থাকিতে,  
    'রজ্জু সর্পবৎ' তা'র, ক'রতে সদা দরশন ।  
তুমি আমি এই যা' ভবে,                      কালে ইহা মিথ্যা হবে,  
    কেন তবে মিথ্যা তরে, হও ভেবে অচেতন ।  
নাম-রূপ সত্য কবে,                      আত্মা সত্য আছে, রবে,  
    আত্মা বই যে মিথ্যা সব, আত্মতা তা'র নিদর্শন ।  
তুমি আমি ভেদ না মানি',                      সব এক আত্মা জানি',  
    আত্মানন্দে হর দিন, আনন্দের প্রস্রবণ ।

৪৫ । ঝাঁঝিট-খান্নাজ—যৎ ।

জেনেছি জেনেছি তোমা, তুমি চিদানন্দধন ।  
নাম-রূপে কেন তবে হব ভ্রমে নিমগন ॥

মায়াবশে বন্ধুরূপে,                      এসেছিলে চুপে চুপে,  
    যা' ছিলে তা' হ'লে পুনঃ, বাঁধা করি' বিমোচন ।  
নাম-রূপ-মদে যা'রা,                      থাকে আগে মাতোয়ারা,  
    শেষে তা'রা দিশাহারা, সহে নানা নিপীড়ন ।

নাম-রূপ গুণ এবে, মরু-মরীচিকা ভেবে,  
দীনানন্দ দেখে এক চিদানন্দ সনাতন ।

### ৪৬ । বিঁবিট-খান্ধাজ—যৎ

মা ব'লে ক'দিস্ কেন ওরে বাছা বাছাধন ।  
যে মা তোরে গেছে ফেলে সে নহে আপন জন ॥

সে মা বটে কোলে নিত, সুখে মুখে চুমো খেত,  
ক্ষুধা পেলে খুলে দিত, বক্ষ-সুধা-প্রশ্রবণ ।  
ভয় পেলে কত ব'লে, নাচাতো শীতল কোলে,  
দিত নাকো যেতে গোলে, সহিতো নিজে বিড়ম্বন ।  
এত গুণ ছিল তা'র, তথাপি সে নহে সার,  
কর্মদোষে আপনার, ক'রলে তনু বিসর্জন ।  
যে মায়ের কৃপা তরে, জন্ম তোর তা'র উদরে,  
অই শোন্ তার স্বরে, করে সে কি সম্বোধন ।  
“ভয় নাই আমি কাছে, কি অভাব আর আছে,  
যদিও সে ছেড়ে গেছে, আমি পাছে অনুক্ষণ ।  
মা মা ক'রে মিছা ডেকে, ফেলিস্ নারে হুখে মোকে,  
ধৈর্যা ধর আজি থেকে, সুখে র'বি চন্দ্রানন” ।

### ৪৭ । পিলু—যৎ ।

ছেড়েছি—না বেঁচে গেছি, জুড়ায়েছে হাড় তোর ।  
এবে শাপে রোগ-তাপে জলিতেছে হৃদি মোর ॥

যে রূপ পাপ-মনের দশা, শান্তির নাই কোন আশা, ক'রতে যাহা প্রাণ না রাজি, দেখতে সদা মনের বাজী, ঘুরছি ভবে উদাস ভাবে, প্রাণ ! তোরে এ প্রাণ পাবে, রে চিদানন্দ-রূপরশি ! তা'ই আনন্দ তোর প্রয়াসী,	বাঁধন'পরে বাঁধন কমা, বরং আরো বাড়ছে ঘোর । ক'রছে তাহা মনটা পাজি, বিগত বোধ আয়ু জোর । ভাবছি কবে দেহ যাবে, কেটে যাবে ভ্রান্তি-ডোর । তোরে বড় ভালবাসি, চাহে না আর থাকতে চোর ।
---	--

৪৮ । জয়জয়ন্তী—যৎ ।

এমন ক'রেও সাধের হাট ভাঙিলিরে তুই ভগবান !  
বিন্দুমাত্র নাইকো দয়া এমনি কুলিশ-কঠোর-প্রাণ ॥

প্রেমের সেই পুতুলগুলি, হৃদয়-সাগর উঠতো ফুলি, দেখলে তা'দের বিধুবদন, গৃহ হ'ত শান্তি সদন, আবার যখন ভালবেসে প'ড়তো ঢ'লে কোলে এসে, কই আজি ত ডাকছি কত, আলিঙ্গনে হয় না রত, কোথা তুমি গুণ-সিদ্ধ ! দীনানন্দ যাচে বিন্দু,	ব'লতো যখন প্রেমের বুলি, ছুটতো কত ভাবের বান । জুড়াতো মোর সকল বেদন, থাকতো না মন ম্রিয়মাণ । কত মধুর হাসি হেসে, ভাঙা বীণা ধ'রতো তান । কেউ ত আসি' আগের মত, জুড়ায় নাকো ভাষে কাণ । সর্বভাবে চিরবন্ধু, শান্তি-পদে পেতে স্থান ।
---	---

## ৪৯ । ঝাঁঝিট-মিশ্র—একতাল্লা ।

আমার প্রাণের প্রাণ গিয়েছে স'রে ।  
 তা'রে পায়ে নাহি ঠেলে, লও কোলে তুলে,  
 হেলায় ফেলিয়ে রেখো না দূরে ।

মাতৃস্নেহ সে ত পায়নি জীবনে, দেখেনি তাহারে কোনও স্বজনে,  
 সদা সে জলিয়া বাক্য-হতাশনে, ছিল আজীবন মরমে ম'রে ।  
 ভাবনার শ্রোতে দিবানিশি ভাসি', ননী'র শরীরে নানা রোগ আসি',  
 জাগাইয়া হৃদে ছুঃখ-তাপ-রাশি, রেখেছিল তা'রে নির্জীব ক'রে ।  
 কোন আশা তা'র কখন মিটিনি, কোন তাপ তা'র কখন ছুটিনি,  
 সুভাব-কুসুম ফুটেও ফুটিনি, অকালে শুকায়ে প'ড়েছে ঝ'রে ।  
 জানি না কি ভাবে কোথা সে এখন, যদি হুখে থাকে আনন্দ-জীবন,  
 দাও হারা তা'রে চিরমুক্তি-ধন, আর যেন চোরে না লয় হ'রে ।

## ৫০ । পূর্ব্বী—আড়াঠেকা ।

কে তুমি যাও এই উজানে আলো জ্বলে তরি বেয়ে ।  
 রূপা করি' কাছে এস. বাঁচি ছ'টো কথা ক'রে ॥

আমি পারে যাব ব'লে ব'সে আছি একা কূলে,  
 কত নেয়ে গেল চ'লে, গেল না কেউ মোরে ল'য়ে ।  
 নিজের যে জীর্ণ তরি, সাধ্য নাই তাহে তরি,  
 তা'ই তব বল করি', আছি তব মুখ চেয়ে ।  
 গেছে বটে আরো কত, কেউ না কিন্তু মনোমত,  
 কেহ না যায় তোমার মত, প্রেমে মাতৃগুণ গেয়ে ।



দেখছি তোমার নায়ে আলো, তোমাকে লেগেছে ভাল,  
 দয়া ক'রে নায়ে তোম, নতুবা কাল এল ধয়ে ।  
 ক'রতে ভব-সিন্ধু-পার, তুমি গুরু-কর্ণধার,  
 ক'র না ছল বৃথা আর, আনন্দকে ন্যাকা পেয়ে ।

৫১ । ঝাঁঝিট-মিশ্র—একতালী ।

দুঃখ এবার টের পেয়েছ ।

বড় শক্ত স্থানে চার ফেলেছ ॥

আগে বটে সামনে এসে কতই দাপে কাল হ'রেছ,  
 এখন কিন্তু আমায় দেখে দুঃখ পেয়ে ভয় খেয়েছ ।  
 দেখা শুনা যায় সতত, যে জ্ঞানী-ঠাই হা'র মেনেছ,  
 সেও আমারে দেখলে ডরে, এমনি দুখ-বীর ক'রেছ ।  
 যা' হোক তুমি মান্ত ক'রে কাছ থেকে যে দূর হ'য়েছ,  
 এই আমার বাপের পুণ্য, সবার কাছে মুখ রেখেছ ।  
 হা'সি দেখলে যেমন আগে কাঁদায় তা'র শোধ নিয়েছ,  
 আনন্দ কয় তেমনি এখন সেই রোদনে প্রাণ সঁপেছ ।

৫২ । কাফি-সিন্ধু—ত্রিতালী ।

এত ব্যঙ্গ কেন রে সংসার !

আমি কি ছেড়েছি তোরে, তুই ত ছাড়িয়ে জোরে,  
 ক'রেছিস মোর'পরে শত অত্যাচার ।

বিদ্রুপ দেখিয়া তোর কিঙ্কর-কিঙ্করীকুল,  
 করে কত উপহাস ধরিয়ে পৈত্রিক ভুল,  
 মেঘাড়ালে শশী চলে, বায়ু সর্ সর্ বলে,  
 তটিনী কুটিল ভঙ্গ তুলে অনিবার ।

পাখী না চালিয়া সুধা নীরবে উড়িয়া যায়,  
 কুম্ভ ফিরায় মুখ, ভুলেও ফিরে না চায়,  
 আছে তরু শির তুলি', গিরি আছে গর্বে ফুলি',  
 নিব্বার ছুটিয়া যায় যথা পারাবার ।

কেবল অনন্ত-ছায়া অই যে অনন্তাকাশ,  
 দিতেছে আমার হ'রে অমল স্বরূপাভাস,  
 জেনে রাগ্ তা'র বলে, তোর অই পদতলে,  
 হবে না আনন্দ-রূপ বিদলিত আর ।

৫৩ । বেহাগ—একতালা ।

যাও যাও তবে যাও !

স্বর্গদেবী হেথা, কেন স'বে ব্যথা,  
 স্বর্গে যেনে সর্ব সুখ পাও ।

ত'দিনের তরে তুমি হেথা আসি', পাপ-সংসারের দেখি' রক্ত-রাশি,  
 পরিতাপে জ'লে, কত ব'লে গেলে, সব জালা এখন জুড়াও ।  
 হেথা তব দান প্রেম ভালবাসা, সারল্য সুনীতি পূর্ণানন্দ-আশা,  
 কে বুঝিবে বল, কে বাসিবে ভাল, যোগ্য স্থানে যোগ্যতা দেখাও ;  
 হেথা তা'র ভাল, প্রীতে জাগে তা'র, মিথ্যা অভিমানে হৃদি ভরা যা'র,  
 ঘনি প্রাণ-হাসি, পুণ্য-প্রভারাশি ! দেব-বাসে আনন্দ ছড়াও ।

আমি ত বলিব তব গুণে হেথা,  
 মম সে কথায় সত্য কে ডুবায়,  
 স্মৃতির কনক-মন্দিরে আমার,  
 সদা তা'ই দেখি' আছি আমি সুখী,  
 অস্তিমের পথ কষ্টক-জড়িত,  
 দেব-গুণ-গানে শাস্তি আনি' প্রাণে,  
 লও অভাগার শুভ-আশীর্বাদ,  
 অবসাদ হর, আত্মবল ধর,  
 জ্বালায় সংসারে কভু যেন আর,  
 ত্রিদিবে থাকিয়ে ত্রিতাপ এড়ায়ে,  
 কোথা দেববালা ! তোমরা কোথায়,  
 ধ'রে জ্ঞান-আলা, নিয়ে মুক্তিমালা,

জুড়াতো আনার সব মন্ব-ব্যথা,  
 তুমি চিদানন্দে আপনা ডুবাও ;  
 যে রূপ-দেউটা জ্বলিছে তোমার,  
 আর সুখ না দেখি কোথাও ।  
 পথে বোধ হয় হ'য়েছ পীড়িত,  
 জ্ঞান-প্রেম-ফোয়ারা ছুটাও ;  
 “নাশ হোক সব বিষাদ প্রমাদ,  
 হৃদে চিরবসন্ত জাগাও ।  
 আসিতে না হয় বিপাকে তোমার,  
 জয়-কেতু সতত উড়াও” ;  
 আনন্দের ধন এই স্বর্গে যায়,  
 যত্নে তা'র গলেতে পরাও ।

৫৪ । পূরবী—ঠুংরি ।

তুমি কা'র ধন ।

কা'রে ছ'লে এসেছিলে জুড়াইতে মম মন ॥

তুমি বটে এসেছিলে,  
 দাগা দিয়ে চ'লে গেলে,  
 তোমার কি এই ধন্ব,  
 ভালবেসে নিয়ে মন্ব,  
 যা'র ধন যথা রও,  
 রাগ ঘেষ ভুলে যাও,

হ'দিন না কাছে র'লে,  
 পুনঃ কা'র নিকেতন ।  
 এই কি তব প্রিয় কন্ব,—  
 কর ফেলে পলায়ন ।  
 তথা চিরসুখী হও,  
 আনন্দের নিধুবন ।

আর যেন মায়া-ছলে,                      ডুবিও না হলাহলে,  
হও মুক্ত আত্মবলে,                      ভাবি' আত্মা নিরঞ্জন ।

৫৫ । ইমন-পূরবী—ঝাঁপতাল ।

মিছা দোষী ক'র না আমার ।

আমি আনি নি তোমারে হেথা দেইনি বিদায় ॥

তুমি ব্রহ্ম নাহি জানি,'                      তুমি নিজে অগ্র মানি',  
ঘটায়েছ আত্মগ্নানি কর্মের গোড়ায় ।  
কর্ম-বশে ভবে এসে,                      ছু'দিন মোর পাশে ব'সে,  
হেসে খুসে ভেসে শেষে গিয়েছ কোথায় ।  
ক'রেছ যে উল-আহা,                      যা' হ'বার হয় তাহা,  
আসে যে করিতে যাহা, সে তা' করি' যায় ।  
যেমন তব কর্ম ছিল,                      তেমন সব যুটেছিল,  
তেমনি সকল ফল ফলিল, কে তাহা এড়ায় ।  
যতদিন মায়া-পাশে,                      থাকে যে ভূ-কারাবাসে,  
ততদিন ছুঃখ-নাশে গুরু না সহায় ।  
ভব-ভাব ভুলে' যবে,                      ভব-ভাবে মগ্ন রবে,  
পাশ হ'তে মুক্ত তবে আনন্দ-প্রভায় ।  
আশীর্বাদ করি তবে,                      মুক্ত হও আত্মভাবে,  
জ'লতে না আর এস ভবে ত্রিতাপ-জ্বালায় ।



# বিশ্বক-সঙ্গীত ।

৫৬ । ঝাঁঝিট-মিশ্র—একতাল।

মন যদি চা'স্ আসল বাড়ী ।

তবে নকলটা কি দ্বাখ্ আগাড়ী ॥

বিশ্ব মাঝে এই যা'রাজে, দেখ লে একটু নাড়ি'চাড়ি',  
দ্রব্যগুলি নকল বলি' প্রকাশ পায় তাড়াতাড়ি ।  
নকল যা' তা' আর কিছু নয়—ব্রহ্মশক্তি কেন্দ্র মাড়ি',  
বিশ্বরূপে মূলের বল দেখায় মূলে আপনা পাড়ি' ।  
স্থূল ব্যতীত মূল পতিত, মূলের বোধ ভুলে পড়ি',  
ভুল যা' আসে স্বভাব-বশে, স্বভাব-জ্ঞানে যায় তা' ছাড়ি'  
ধ'রতে স্বভাব অভাব যথা মনোরাজ্য লয়রে কাড়ি',  
আসলটা কি ধ'রতে তথা দেখা চাই এ নকল ঝাড়ি' ।  
তিতা মিঠা গরল সুধা কোথাও নয় ছাড়াছাড়ি,  
কাঁচার যে কুল রোগের মূল পাকায় উঠে কুড়ি কুড়ি ।  
সাগর-জলে মলা চলে, তলে রত্ন গাড়ী গাড়ী,  
ক্ষিতির উপর পাহাড় মরু, নিম্ন দেশে ধাতুর কাঁড়ি ।  
আসল ভুলে নকল ল'য়ে কেবল যা'র বাড়াবাড়ি,  
জীবন তা'র যার কাটিয়ে খেয়ে কালের ঠাণ্ডার বাড়ি ।

৫৭ । ঝাঁঝিট-মিশ্র—একতাল।

কি হবে মন শাস্ত ঘেঁটে ।

ছ'টো বচন ঝেড়ে কাঁচা মিঠে ॥

মুখের কথায় ধর্ম হ'লে কেন লোকে ম'র্বে খেটে,  
 কেন বনে কঠোর ধ্যানে যোগীর দিন যাবে কেটে।  
 “দোকান ভরা এই যে মিঠাই” মুখে ব'ললে যায় কি পেটে,  
 সিদ্ধি সিদ্ধি ব'ললে, নেশায় পানের সখ্ না কভু মেটে।  
 হৃৎ মাঝে ননী রাজে, সহজ বলা কেতাব চেটে,  
 বিনা মথন গুণ-কথন ব'লতে কা'রো মুখ না ফুটে।  
 সকল ভাগে কর্ম্ম আগে চ'লতে যে চায় তা'কে ছেটে,  
 কথায় প্রাণ উদার তা'র একটু আঁচে যায় সে ফেটে।  
 শক্তি-রাগে ইচ্ছা জাগে, ইচ্ছা-যাগে কর্ম্ম বুটে,  
 কর্ম্মে বুদ্ধি, বুদ্ধিতে জ্ঞান, জ্ঞানে প্রেমের লহর ছুটে।  
 কর্ম্ম ভিন্ন ধর্ম্ম শূন্য, জীব জগতে কর্ম্ম-মুটে,  
 কর্ম্মের শেষ আত্মকর্ম্ম, ব্রহ্মত্ব যা'র ভেসে উঠে।

৫৮। ঝাঁঝিট-মিশ্র—একতাল্লা।

চাপলে কি মন থাকিস্ চুপে।

তুই জন্ম কেবল প্রজ্ঞা-দ্বীপে ॥

তিলেক তরে রেহাই দিলে প্রাণটা ভয়ে উঠে কেঁপে,  
 উদার ভাবে রাখলে ছেড়ে গণিস্ তৃণ জুজু ভূপে।  
 এম্নি কাণ্ড বাধাস্ ষণ্ড গণ্ডগোলে দাপে ছুপে,  
 সাধ্য কি আর বাধ্য করি' কোনরূপে রাখতে চেপে।  
 ফিকির ক'রে মরিস্ ঘুরে লোভে প'ড়ে রাঙারূপে,  
 ব'ললে কথা ঘুরিয়ে মাথা ডুবাস্ পাপে পচা কুপে।  
 কি ছরস্তু হ'স্ না শ্রাস্তু সারাদিনটা তেতে ধুপে,  
 সত্য-ধর্ম্ম হেলায় ভুলে' অহঙ্কারে উঠিস্ ফেঁপে।

আনন্দ কয় তুই তা'র দাস বাঁধে তোকে যেজন যুপে,  
বিবেক-খাঁড়া দেখলে খাঁড়া উঠিস্ নে আর রেগে ক্ষেপে ।

৫৯ । ঝাঁঝিট-খাম্বাজ—যৎ ।

আশার কোয়াশা বড় আশা কভু মিটে না ।

এ জগতে তবু কা'রো আশা-নেশা ছুটে না ॥

এম্‌নি বেটী কুহকিনী,	যদি একটা মন্ত্র শুনি,
অম্‌নি হৃদে বসে জিনি',	জ্ঞানী গুণী মানে না ।
নিঃস্ব আছি বিশ্ব লব,	ক্রমশঃ দেবত্ব পাব,
আরো বড় কত হব,	মুখে সব ফুটে না ।
বিস্মৃচিকা রোগ বড়,	আশা-রোগ আরো দড়,
রোগ-বশে ধরা ছাড়,	সে ত সঙ্গ ছাড়ে না ।
শিথিলাঙ্গ শ্বেতকেশ,	অই যে বড়া পায় ক্লেশ,
আশা-রোগে দশা শেষ,	তথাপি রোগ ঘুচে না ।
আশায় নাই শান্তি ভবে,	শান্ত যদি কেহ হবে,
নিরাশাকে বর তবে,	ভব-ভয় রবে না ।

৬০ । ঝাঁঝিট-মিশ্র—একতাল।

উঠিস্ নে মন ! তেড়ে ফুঁড়ে ।

ও তোর ক'দিন জোর এ ছার কুঁড়ে ॥

বিষয়-লোভে মনের ক্ষোভে মরিস্ সদা জ্ব'লে পুড়ে,  
ধনীর ঘারে আশা-ভরে বেড়াস্ ঘুরে নাথা খুঁড়ে ।  
আমীর-উজীর-আইন-নজীর-পীর-গাজীর কথা পেড়ে',  
নেশার ঝাঁকে সদাই চোকে পেঁড়ে দেখিস্ ব'সে পিড়ে ।

ভূতের বাটী বেগার খাটি' গাঁটির কড়ি ফেল্‌লি ঝেড়ে',  
 ইষ্টি তরে নাইকো দৃষ্টি সৃষ্টিছাড়া ভেড়ের ভেড়ে ।  
 বদনামি তো'র ও হারামখোর ! হ'য়েছে এ মুল্লুক যুড়ে,  
 এমনি কুরীত করে যে হিত ছ'কথা তা'য় বলিস্ তুড়ে ।  
 ওলা পেলো পায়ে ঠেলে স্মৃত্তপ্ত হ'স্ বোলা গুড়ে,  
 সব খেয়ালি দিন গৌয়ালি বাজে কাজে গ্ৰাকা কুড়ে ।  
 বলি আজি শোন্ রে পাজি ! কু-ধন সব ফেলি' ছুঁড়ে',  
 সেধে' আপন হৃদয়-ধন আনন্দে থাক্ সৌধ-চুড়ে ।

১১ । বিঁবিট-মিশ্র—একতাল।

ভাবনা কি মো'র আমি ম'লে ।  
 আমি মরাই ভাল মূলে এলে ॥

বিষয়-বুদ্ধি-মন-অহঙ্কার-ইন্দ্রিয়-ভূত আমি হ'লে,  
 নিদ্রাকালে কেন সে সব জান্তে নারি আমি ব'লে ।  
 তখন ত আর প্রাণ আমার দেহ ছেড়ে যায় না চ'লে,  
 কোথায় তবে আমিহু মো'র বিলুপ্ত হয় আমার ছ'লে ।  
 দেহে যিনি দ্রষ্টা-পুরুষ আশ্রুভাবে আছেন চ'লে,  
 দেহরূপী আমার লয় হয় সে দ্রষ্টা-তত্ত্ব পেলো ।  
 দেহাত্ম-জ্ঞান থাকতে আমি খণ্ডভাবে ম'র্বো জ'লে,  
 সত্য-শুদ্ধ-জ্ঞানে আমি নিত্য বুদ্ধ ভ্রাস্তি দ'লে ।  
 যমের মুখে কে যেতে চায়, স্বভাব পাই আমি গেলে,  
 থাকবে অভাব কাল-প্রভাব, দেহ ধরি' আমি র'লে ।



৬২ । ঝাঁঝিট-মিশ্র—একতাল।

ভফাৎ কি আর গৃহ বনে ।

যদি সংসার-ভাব থাকে মনে ॥

গৃহীর মত কার্য্য সকল ক'রলে য়ে য়ে ঘোর কাননে,  
 কেন রম্য হস্য্য ত্যজে' পর্ণশালে পর্ণাশনে ।  
 থাকলে স্পৃহা আসক্তি রাগ কন্দ-মূল-ফল-ভোজনে,  
 চর্ষ চূষ্য লেহু যাহা ত্যজ্য তাহা কি কারণে ।  
 ক'রলে শয়ন মৃগাজিনে লাজ নিবারি' চৌর-বেষ্টনে,  
 কি দোষ বাড়ে জামা বোড়া খাট পালঙ্ক সাজ শয়নে ।  
 স্নেহ আদর ক'রতে হ'লে বন্তুপশু পক্ষিগণে,  
 লোকের সোহাগ করি' তেয়াগ জীব বিমুক্ত হয় কেমনে ।  
 পনাকাজ্জনা জাগে যদি অভাব গণি' যোগ-সাধনে,  
 তুকুড়ি সাত ছেড়ে কেন চেষ্টা—হাতের পাঁচ-রক্ষণে ।  
 আসক্তিহীন হ'য়ে য়েবা শান্তভাবে রয় সদনে,  
 বনবাসে থাকার চেয়ে বেশী সুখ সে পায় জীবনে ।

৬৩ । ঝাঁঝিট-মিশ্র—একতাল।

অধিক আশ কে ভাল বলে ।

অতি আশায় ভবে মনটা জলে ॥

যে ভাবের যে অধিকারী সে ভাবে সে যদি গলে,  
 তা' হ'লে আর গণ্ডী ছাড়ি' পাপের পথে পা না চলে ।  
 আধসেরের জলাধারে এক সের না যায় কৌশলে,  
 অধিক নীর ঢাললে তাহে বেশীর ভাগ গড়ায় তলে ।

সাগরে রয় জল যতটা কভু না সব আসে নলে,  
 ঘটের জলে কাষ চলিলে কাষ কি বল জালার জলে ।  
 হেলে ধ'রতে না জেনে ভাই কেউটে ধ'রতে যায় যে বলে,  
 বাঁচার আশা কোথায় তা'র, মরণ-ভয় প্রতিপলে ।

৬৪ । বিঁবিট-মিশ্র—একতাল্লা ।

ভক্তিটা নয় ক্ষীরের পুলি ।

ও তা' যে সেই লবে মুখে তুলি' ॥

থাওয়া যদি সোজাই হবে বচন ঝেড়ে কে তাব খুলি',  
 একটা ফল পাই নে কেন নেড়ে গ্রন্থ-বৃক্ষ-গুলি ।  
 কথায় তবে ভক্তি-কোথা, কথাটা হয় যুক্তির তুলি,  
 বিশ্বাসই হয় ভক্তির মূল, ভক্তি-মূলে মুক্তি-ঝলী ।  
 জগৎ জেনে বিভূর রূপ ভাবে যখন রহনো তুলি',  
 অহৈতুকী-ভক্তি-রাগে ছদি তখন উঠবে কুলি' ।  
 গালা, ঘত, মধুর মধু, ভক্তির এই সংজ্ঞা গুলি,  
 মধু-ঘত রসায়ক, গালা ত হয় শক্ত গুলী ।  
 জ্ঞান ব্যতীত ভক্তি-ধনে পায় না কেহ ঝেড়ে' বুলি,  
 জীরা-জীরা-ভেদ না তাহে, সমান গণ্য টাকা ধুলি ।

৬৫ । বিঁবিট-মিশ্র—একতাল্লা

বলিস্ রে মন ! গুরু কা'রে ।

গুরু যায় না বলা যা'রে তা'রে ॥

দীক্ষাগুরু শিক্ষাগুরু গুরুর আড়ং এ সংসারে,  
 এত গুরু থাকতে দেখি শিষ্য ঘুরে অন্ধকারে ।  
 শিক্ষাগুরু থাক না বহু আনতে জ্ঞানে সদাচারে,  
 দীক্ষাতে তা' চ'ললে পরে সবই নষ্ট ব্যভিচারে ।  
 যে যাহাকে বলুক গুরু মজিয়ে তা'র ব্যবহারে,  
 সে কুলগুরু আশ্বারাম ব্যক্ত সদা সহস্রারে ।  
 কায় মন প্রাণ সুবুদ্ধি জ্ঞান সব সে গুরুর অধিকারে,  
 যা'কে তা'কে গুরু ক'রে যায়গো ভক্ত ছারেখারে ;  
 দীক্ষাগুরু-প্রথা তবে দেখা যায় যা' লোকাচারে,  
 ভোগী যোগ্য নয় সে কাষে, যোগী বটে চ'লতে পারে ।

৬৬ । ঝাঁঝিট-মিশ্র—একতাল ।

সুখ চেয়ে মোর শান্তি ভাল ।

সুখ পেয়েও দেখি দুখ না গেল ॥ .

সুখে যখন মত্ত হ'য়ে চিন্ত থাকে অবিহ্বল,  
 তখনও এই চিন্তা মনে—অই বুঝি গো দুঃখ এল ।  
 দুঃখ কিছু নয়গো দুখের, দুঃখের চিন্তা—দুখ প্রবল,  
 ঠ্যাঙার ভয় আর কি তবে, যখন তাহা মাথায় প'ল ।  
 সুখের সঙ্গে দুখের কিন্তু মনের মিল আছে বল,  
 তা'ই না ছাড়ে কেউ কাহারে যেমন ভবে আঁধার আলো  
 ভবে থাকা যে সুখ তরে তা'তে যদি দুঃখ র'ল,  
 কেমন ক'রে সে সুখ নিয়ে পাব শেষে শান্তি-ফল ।  
 সুখের চেয়ে দুঃখ ভাল দুঃখেতে যায় মনের মল,  
 দুঃখ চেয়ে শান্তি ভাল স্বভাব আর হয় না কালো ।

স্বভাব পেলে অভাব কি আর, আনন্দে প্রাণ ঢলঢল,  
আনন্দ তা'ই স্বভাব-মাতে আত্মারামের করে বল ।

৬৭ । ঝাঁঝিট-মিশ্র—একতাল।

হোক্ যে, বড় সে তা'র ভাবে ।

ছোট কা'রো কাছে কেউ না ভবে ॥

ছোট বড় দুইটা কথা লোক মুখে যে শুনি তবে,  
সে কেবল আপন চেয়ে লঘু ঘণ্য ভাবি' সবে ।  
সে এক ভাবে এমন মহৎ, যেজন অতি ক্ষুদ্র হবে,  
ভাবি যা'কে অতি শ্রেষ্ঠ সে ভাবে সে ছোট রবে ।  
সব ভাবে কেউ ভবে কভু গরিষ্ঠ নয় গুণ-গৌরবে,  
সবাই তা'ই এক কথাতে কাহারো না বড় কবে ।  
হয় যদি কেউ তুল্য ভাবে, উনিশ বিশ মেনে লবে,  
অন্য ভাবে হ'লেও বড় গুরুত্ব তা'র নাহি ভাবে ।  
যে ভাবে যে হোক্ না বড় প্রত্যেকেই কর গরবে,  
আশায় যখন আছি বড় অন্য কে আর বড় তবে ।  
ছোট বড় সবার মনে বড় হ'বার ভাবটা যবে,  
সবার যিনি শ্রেষ্ঠ, সবে ভজুক্ সে ভব-ধবে ।

৬৮ । ঝাঁঝিট-মিশ্র—একতাল।

কর আমাকে অনেক লোকে ।

তুমি কোন্ ধরমে ভজ কা'কে ॥

ধর্মী যা'রা তা'রা কখন লোকাচার না দূরে রাখে,  
 তোমার কাছে সে লোকাচার বেদ-বিধি না কেন থাকে ।  
 মুখের হাসি চেপে' আমি উত্তর এই দেই সবাকে,—  
 আমি ত হই আত্মধর্মী ব্যক্ত যা' না ডাকে হাঁকে ।  
 আত্মধর্মে থেকে' আমি মান্ত করি যা'কে তা'কে,  
 পাঁচ উপাসক যাহা না চায় লই টেনে তা' আমি জাঁকে ।  
 মণ্ডা পেলে তুষ্ট না হই, না রই রুষ্ট তুচ্ছ শাকে,  
 কাঁকের সঙ্গে কভু চাকে, কভু আবার সবার ফাঁকে ।  
 এ ভাব ছাড়া অন্য ভাবে অন্য ধর্মী ভাবলে মোকে,  
 দোম বিনা কেউ গুণ না পাবে, প'ড়ে সদা ভ্রান্তি-পাঁকে ।

৬৯ । সুরট—একতাল।

তোরা কি ব'লে ডাকিস্ মোরে ।

আমি তোদের শ্রেণীতে,                      না পারি মিশিতে,

ওরূপ গরব-নিশান ধ'রে ।

যে পথের তোরা ভ্রমিত পথিক,  
 আমি দেখি সদা সে পথ বেঠিক,  
 খুলিয়ে বাণীর মন্দির-ফটক,  
 চা'স্ তোরা যত দেখাতে চটক,  
 প্রাণ তত জাঁক চাহে না করিতে,  
 চাপিয়ে মায়ের প্রেমের তরীতে,  
 তোরা কেহ বালী কেহ হ'স্ বলি,  
 কেহ ঝেড়ে বলি, সেজে ঘোর কলি,

যে ফলে তোদের লালসা অধিক,  
 সে ফল লভিতে পড়িব ঘোরে ।  
 লিখি' কাব্য, নানা নভেল নাটক,  
 বাঁধিতে হৃদয় হাটক-ডোরে ;  
 চাহে মাতৃগুণ গাহিতে গাহিতে,  
 হুরিতে ভূদধি তরিতে জোরে ।  
 কেহ চতুর্ভুজ কেহ রঘু বলী,  
 শিবত্ব ফলাস্ গরব ক'রে ;

কেহ বা বাণীকি কেহ বেদব্যাস,  
আমি কিছু নই, শুধু কালিদাস,

কেহ বিদ্বাপতি কেহ কালিদাস,  
কালী-গুণ গাই পরাণ ভ'রে ।

৭০ । ঝাঁঝিট-মিশ্র—একতালা ।

আ'জ কা'ল যা' দেখি জাতি ।

তা'হে নাইকো যেন জাতির জাতি ॥

থাকলে জাতির বিশেষত্ব হয় কি তা'হে হাতাহাতি,  
হয় কি ভক্ত নানা থাকে বামুন কায়েত বৈশ্ব তাঁতি ।  
ধাতু চেতন ল'য়ে যখন দেখি সবার হয় আকৃতি,  
জাতি ব'লতে লোক-সমাজে বুঝায় এক মানব জাতি ।  
আত্মা সদা জাতিত্বহীন চিরশুদ্ধ মুক্ত পাতি,  
ধাতু ত জড়, জড়ধর্ম নয় জীবত্ব-অন্তঃপাতী ।  
বর্ণ ব'লে শাস্ত্র মাঝে দেখতে পাই যে দু-চার পাঁতি,  
সে বর্ণ হয় গুণগত গুণোৎকর্ষে বর্ণ-খ্যাতি ।  
গুণ নয়রে বর্ণগত, ব্যক্তিত্বের তা' পক্ষপাতী,  
গুণ-কর্মে বর্ণ-বিভাগ, গুণেই যত মাতামাতি ।  
বিধি কা'রো ঘুষে কভু বসে নাই এ বিধি পাতি',  
মুচি যেজন মুচিই রবে, হবে না তা'র দোষের সাতি ।  
যা'র যে বর্ণ হোক না কেন, সদ্ভাবে সে রইলে নাতি,  
মোক্ষফল-অঙ্গীকারে সে বর্ণ তা'র নয় অরাতি ।  
একই মূল সবার যবে মূলে কোথা ভিন্ন জাতি,  
অজ্ঞানে যে ভিন্নত্ব-বোধ নাশ করে তা' প্রজ্ঞা-বাতি ।

৭১ । ঝাঁঝিট-মিশ্র—একতাল।

নূতন কেবা হয় এ ভবে ।

নব কেউ না হেথা কেউ না হবে ॥

ছিল যাহা রূপান্তরে তা'ই আছে বা তাহাই রবে,  
 সত্বা আগে না থাকিলে কি ক'রে সব হ'চ্ছে তবে ।  
 যা' আছে তা' রবে কিন্তু যা' নাই তা' হয় কে কবে,  
 নাম-রূপের ব্যতিক্রমে নবত্বে সব দেখে সবে ।  
 তা'ই ত বলি এই যে জনম, নূতন কেউ না মেনে লবে,  
 নূতন হ'লে অল্প রূপে সাজাও ত খুব সম্ভবে ।  
 এখন বুঝ এত বস্তু থাকতে মোরা মানুষ যবে,  
 পূর্বজন্ম-কর্মফলে এ জন্ম কি নহে তবে ।  
 কর্ম যদি না মানা যায় কেন কেহ রাজ-গৌরবে,  
 কেন বা কেউ হতমানে ভিক্ষা করে লোক-স্তবে ।  
 চিররোগা জন্মাক লোক শত শত দেখবে ভবে,  
 জন্মার্জিত পাপ না র'লে অমন ক্লেশ কেন সবে ।  
 আরো দেখ পূর্ব যদি পর না মানো ভ্রম-গরবে,  
 কোষকার যে হয় পতঙ্গ, এ দৃষ্টান্ত মিথ্যা কবে ।  
 যদি বল নূতন ভাবে পাঠায় ভবে ভব-ধবে,  
 ভাব যদি তা'র পূর্বে না রয় কোথা রয় সে পূর্ণ ভবে ।  
 আরো দেখি সবাই যবে আঁতকে উঠে মবণ-রবে,  
 ম'রে ম'রে তখন সে ভয়, আনন্দ কর অনুভবে ।

৭২ । ঝাঁঝিট-মিশ্র—একতাল।

স্বর্গ নরক আছে কোথা ।

ভবে এ ল'য়ে হয় অনেক কথা ॥

কেউ বলে তা' মর্ত্য মাঝে কেহ বলে নয় তা' হেথা,  
সবাই যবে আছে বলে, বাক্য কিন্তু নয় অযথা ।  
দেখলে এ সব ভবের ভাব, সিদ্ধান্ত না হয় অগ্ৰথা,  
কা'রো গায় শাল দোশালা না পায় কেউ ছেঁড়া কাঁথা ।  
কেহ রাজা রয় সুভোগে, গাহে সদা প্রেমের গাথা;  
কেউ বা মেথর বিষ্ঠা ঘাঁটে, গালিতে পায় প্রাণে ব্যথা ।  
এটা যদি না মানে কেউ কা'রু না এ ভাব প্রাণে গাথা,  
পাপীর সঙ্গ ঘোর নরক. স্বর্গ তথা সাধু যথা ।  
ইহাও যদি মিথ্যা ভবে না মানিতে চাহে বৃথা,  
মায়া-গর্ভ ভীষণ নিরয়, জ্ঞান-গর্ভ স্বর্গ-মাথা ।  
আনন্দ কয় আসল কথা দেখিয়ে সব হেথা সেথা,  
প্রেম না যথা নরক তথা. প্রেমে স্বর্গ যথা তথা ।

৭৩ । ঝাঁঝিট-মিশ্র—একতাল।

শুনিতো পাই কয় সকলে ।

কর ইন্দ্রিয়-জয় কলে ছলে ॥

ছলে কেউ তা' পারতো যদি না আসিয়ে সুকৌশলে,  
তা' হ'লে আর যোগধর্ম থাকতো না এ ভূমণ্ডলে ।  
আগে ত চাই চিত্ত-শুদ্ধি, সুবুদ্ধি তা'র বেড়ে চলে,  
তৎপরে সেই বুদ্ধিবলে ইন্দ্রিয় রয় করতলে ।



কর্মেঞ্জিয় যত কিন্তু বিচরে মন কলুষ-মলে,  
 এ ভাবে যে, দাস্ত তা'রে ব'ল্বে কেবা কুতূহলে ।  
 প্রজ্ঞানলে পুড়ি' শেষে না ডুবিলে ভক্তি-জলে,  
 মল পূর্ণ মনের দোষে ইঞ্জিয় ঠিক টলেই টলে ।  
 তীর বিবেক বিনা কা'রো সাধ্য নাই যে মনকে দলে,  
 অবিবেকে জোর জ্বরে সস্তাবে না কভু গলে ।  
 এটা আবার পাই দেখিতে গুনিও বটে নানা স্থলে,  
 ইঞ্জিয়-জয় ক'রতে কেহ ইঞ্জিয়-নাশ করে বলে ।  
 একুপ যা'রা ক'রতে চাহে সংযমী কে তা'দের বলে,  
 দেহ থাকতে ইঞ্জিয়ত্ব যায় না কভু রসাতলে ।  
 তবে ধ্যেয়-লক্ষ্য-তরে তন্ত্বে যা'র মন না চলে,  
 ইঞ্জিয় নয় চঞ্চল তা'র, সংযমের ফলটা ফলে ।

৭৪.। বিঁবিট-মিশ্র—একতাল।

হিংসটা নয় তুচ্ছ অতি ।

দেখি হিংসা ত এই সৃষ্টি-নীতি ॥

জীব-জগৎ মাঝে হেন অত্যদ্বুত হিংসা-রীতি,  
 সবাই সবার বধ্য হ'লেও মূলে কা'রো হয় না ক্ষতি  
 আত্মাবরণ-উন্মোচনে আত্মচেষ্টা বলবতী,  
 তা'ই যা' তা'র অন্তরায় হিংসা আসে তা'র প্রতি ।  
 আত্মমূল যে আত্মা-ব্রহ্ম—অদ্বিতীয় নিত্য ষতী,  
 হিংসা-ভাবে জীবের তা'ই অনাত্ম-ভাব-অপচিতি ।

আছে এমন উদ্ভিদ জীব শোভা করি' বসুমতী,  
 যা'দের হিংসা না করিলে হিংসাতে হয় দূষ্য মতি ।  
 হিংসা যদি না থাকিত লুপ্ত হ'ত উচ্চ গতি,  
 যে যে ভাবে আছে ভবে সেই ভাবে তা'র হ'ত স্থিতি ।  
 এক ভাবে সব হ'লে স্থিত কেউ না হ'ত কা'রো পতি,  
 নাহি হ'ত উদ্ভব লয় বিবর্ত বা পরিণতি ।  
 "অহিংসা পরমো ধর্মঃ" স্বীকার করি এ উক্তি,  
 তা'ই ব'লে নয় হিংসা কভু ঘোরাধর্ম-অপকৃতি ।  
 আশ্রয়কা-হেতু কালে হিংসা যা' তা'র ভাবোন্নতি,  
 সদাই মনে হিংসা ভাব যা' তা'তে বটে অবনতি ।  
 অহিংসার প্রতিষ্ঠাতে কোথাও না যে বৈর-ভীতি,  
 রোচনার্থে একথা ঠিক, ফলে অশ্রু অনুমিতি ।  
 সব কাষে যে ষোল আনা দিব্য যা', তা'র বাড়ে রতি,  
 ষোল আনার আনাও লাভ, আনা ব'লে দাঁড়ায় রতি ।  
 ব্যবহারিক ভাবে জীবের জিহ্বাংসায় নাই বিরতি,  
 পরমার্থে কোন স্বার্থে না রয় হিংসা দ্বেষ উক্তি ।  
 'নারং হস্তি ন হন্যতে' তখন এই অশ্রুভূতি,  
 বধ্য বধ বা বধক যা', একে সবার হয় সঙ্গতি ।

৭৫ । ঝাঁঝিট-মিশ্র—একতাল।

নির্দিষ্ট নাই শাস্ত্র ভবে ।

গ্রাম্য কথাই শাস্ত্র মান্বে সবে ॥

যুক্তিযুক্ত শিশু-বাক্য গ্রাহ্য বোধে দাঁড়ায় ভবে,  
 অগ্রাহ্য তা', অযুক্তিকর কহে যাহা ভবধবে ।

শাস্ত্র যাহা হ'বার, তাহা হ'রে গেছে আর না হবে,  
 একরূপ কথা অস্ত্র ভিন্ন প্রাক্তে কভু নাহি কবে ।  
 পুঁথিগত বচন বই আর না মুখ্য ভেবে লবে,  
 এমন কিছু নাই নক্ষীর পুঁথিতে সব কে পায় কবে ।  
 যদি বল বেদ ছাড়া যা' মান্বে না কেউ তা' গৌরবে,  
 বেদ হয় অপৌরুষেয় চিরকালই সমান রবে ।  
 শ্রুতি বটে সত্য, কিন্তু আসে এ ভাব অমুভবে,  
 গুরু-মুখে যা' শুনা যায় তাহাই শ্রুতি কই করবে ।  
 কৰ্ম্মকাণ্ডাশ্রিকা শ্রুতি বিজড়িত গুণ-বিভবে,  
 "ত্রৈগুণ্য বিষয়া বেদা" গেরেছেন তা'ই বাসুদেবে ।  
 জ্ঞান ভাগ যা' উপনিষদ, মুক্ত জগৎ যাহার স্তবে,  
 সীমাবদ্ধ নয় তা' কভু, নিত্য নব ভাবোৎসবে ।  
 দেশ-কাল-পাত্র-ভেদে আইন হয় নূতন যবে,  
 কালে নূতন ধৰ্ম্মবিধি না হ'বার কি বাধা তবে ।  
 যুক্তিযুক্ত বাক্য ভবে শাস্ত্র সম গুরু ভাবে,  
 যতদিন না গ'ণ্বে জীবে, ভ্রাস্ত রবে অসার রবে ।

৭৬ । ঝাঁঝিট-মিশ্র—একতাল।

সত্য—নিত্য সঙ্গ ভবে ।

মিথ্যা—মিথ্যা সদা, তাহাই রবে ।

মিথ্যা যাহা কথার কথা, চলে তা' সেই সত্য-রবে,  
 জগতে এক সঙ্গ ভিন্ন কিছুই নাই, না পরে হবে ।

সত্য মিথ্যা সকল কথায় রত সবে সস্ত-স্তবে,  
 সস্ত-জ্ঞানে সকল কথাই দাঁড়ায় আসি' সত্য ভাবে ।  
 অনেক স্থলে কথায় যাহা কার্যো না তা' দেখে সবে,  
 অশ্ব-ডিম্ব কথায় আছে, দেখা যায় তা' চোখে কবে ।  
 অশ্ব আর ডিম্ব এ দুই আছে যখন কি নয় তবে,  
 যে অর্থে তা' হয় প্রযুক্ত, রয় তা' সত্যে সগৌরবে ।  
 “না” থাকিলে “হাঁ” কে যেমন না পাই কভু অমুভবে,  
 মিথ্যা বিনা সত্য তথা জীব না সত্য মেনে লবে ।  
 কথায় সত্য ফুটে কিন্তু সত্যই যে বাক্ না সম্ভবে,  
 “সত্যং ভূতহিতং প্রোক্তং” শুধু কথা কেউ না কবে ।  
 কথা ভুলে জীবে ভবে ব্রহ্ম সত্য জানে যবে,  
 আনন্দ কয় তখন মন নাহি টলে ভাবোংসবে ।

৭৭ । ঝাঁঝিট-মিশ্র—একতাল। ।

সুখ দুঃখ দুই কথা ল'য়ে ।

কেহ শাস্তি না পায় খেয়ে শুয়ে ॥

কেহ বলে রাজভোগে সুখ, অভাবে রই দুঃখ স'য়ে,  
 কেউ বলে সুখ দানে মানে, অসম্মানে পালায় ধয়ে ।  
 কেহ বলে স্বধর্ম্মে সুখ, দুঃখ যা' পাই ধর্ম্ম খেয়ে.  
 কেহ বলে স্বাস্থ্যই সুখ, রোগে মরি দুঃখ পেয়ে ।  
 কেহ বলে ধ্যান-জ্ঞানে সুখ, অজ্ঞানে লোক দুঃখী হ'য়ে.  
 কেহ বলে সুখ যা' প্রেমে, কেউ বলে তা' স্বর্গে য়েয়ে ।

সুখের কথা যে যা'ই বলুক, প্রেমটা ভাল সকল চেয়ে,  
 বিশ্বপ্রেমী যেবা সে ত রয় না কা'রো মুখ চেয়ে ।  
 “সু”ক' হবে তা'তেই সুখ, আমি সদা বেড়াই গেয়ে,  
 সু-কথায় তা'ই প্রেমের শ্রোত সদাই যার বেগে ব'য়ে ।  
 যদি বল যে যা' ক'রে সে তাহে সুখ বিবেচিয়ে,  
 হিংস্রকের হিংসাই সুখ, কামীর সুখ কামে র'য়ে ।  
 প্রেম ব্যতীত যে যা'ই করুক অভিমানে বুক ফুলায়ে,  
 চির জীবন রইতে নারে ত্রিতাপের হাত এড়ায়ে ।  
 বিষয়গত যে সুখ দেখি, কেবা সুখী কে সুখ চেয়ে,  
 আত্মদানই যথার্থ সুখ, দুঃখ যা' না ফেলে ছেয়ে ।  
 বিষয়-ভোগে সুখাখ্যা যা', নির্বিষয়ে যার পলায়ে,  
 চিদানন্দে মন প্রাণ সবই যেন রয় ঘুমায়ে ।

৭৮ । ঝাঁঝিট-মিশ্র—একতাল।

জটা-মুণ্ডী যা'রা ভবে ।

কভু সন্ন্যাসী নয় তা'রা সবে ॥

ঢের দেখেছি লালকাপুড়ে বিকার ভবে সাধু-রবে,  
 অথচ হয় কার্য্য হেন, ক'রতে যা' না চায় দানবে ।  
 প্রকৃত হয় সাধু যেবা ধর্ম্মধ্বজী সে না হবে,  
 মাঠে ঘাটে আড্ডা পেতে সিদ্ধি গাঁজা মদ না খাবে ।  
 হবিষ্যে সে নয় সাধুত্ব, নয় তা' কোন অভিনবে,  
 নহে তাহা ছদ্ম-ব্রতে সাম্প্রদায়িক মহোৎসবে ।  
 আত্মধর্ম্মে ধর্ম্মী যেবা, সস্তাবে যে সদা রবে,  
 সেই সুজন সমদর্শী কাটার দিন সগোরবে ।

অভিমান দূরে রাখি' যে কোন কাজ করে যবে,  
 পরকে করি' তুষ্ট আগে নিজে তুষ্টি লভে তবে ।  
 সরল সরস হৃদি না যা'র সাধু-পদে তা'র না লবে,  
 তাহার কথা শুনে কভু ম'জ না কেউ ঘোর গরবে ।

৭৯ । বিঁঝিট-খান্ধাজ—একতাল ।

আগে না হইলে ছোট বড় নাহি হওয়া যায় ।  
 তা'ই শনী ছোট হ'য়ে ভাসো গুল্লা দ্বিতীয়ায় ॥

দিন দিন বাড়ে কলা,	বাড়ে যত তত আলা,
পক্ষ-অস্তে পূর্ণ কলা,	পূর্ণ শোভা পূর্ণতার ।
ত'লে পূর্ণগুণরত,	কিরূপে হয় থাকতে নত,
দেখাতে তা' বিধিমত,	ক্রমে ক্ষুদ্র কর কার ।
আরো যা' তা'র মন মোহিত,	অই ত ব্যোমে সমুদিত,
তবু কূপে বিভাসিত,	বিশ্ব স্নাত চন্দ্রিকায় ।
পেয়ে তোমা হিমকর,	কুমুদের হৃদি-সর—
স্নীত, কিন্তু রত্নাকর,	প্রেমে লুটোপুটি খায় ।
তোমার এই ভাব দেখে,	আনন্দ কম্ব সদা স্মখে,
প্তাণে ঘেবা নত থাকে,	এ জগৎ তা'রে চায় ।

৮০ । সাহানা—দাদুরা ।

প্রাণ দিয়ে বা নিরে আর প্রাণের খেলা খেলবো না ।  
 প্রেম দিয়ে বা নিরে প্রেমের বেচা কেনা ক'রবো না ॥

আপন প্রেম আপন প্রাণে,                      রাখিবো সদা রইবো মানে,  
 মিছা চেয়ে পরের পানে,                      হতাশাসে জ'লবো না ।  
 আপন বশে আপ্নি থাকি',                      আপ্ন প্রেম আপ্নি রাখি',  
 চ'ল্লে না আর প'ড়বো ফাঁকী,                      অসম্ভাবে ঘুরবো না ।  
 বিকিকিনির থাকলে আশা,                      প্রেম না আসে রতি নামা,  
 দুঃখে জীর্ণ জুদি-বাসা,                      তা'ই কভু তা' পুন'বো না ।

৮১ । খাম্বাজ—লোকা ।

কথার মানুষ অনেক মিলে কাষের মানুষ মেলা ভার ।  
 কথার সবে সাজে উজির কাষে খুদে চোকীদার ॥

কথা কাষে মিল রাখে যেজন,                      সদা রয় সম্ভাবে মগন,  
 করে যা'রে তা'রে অকাতরে প্রেমে আলিঙ্গন ;  
 বলি মানুষ যদি হয় দেখিতে, মানুষ সেই দিন্যাকার ।

মানুষ যত সব না মানুষ তা'র,                      আছে বটে সে রূপ সবাকার,  
 তবু ভেতর দেখি পশুভাবে পূর্ণ অনিবার ;  
 তা'ই প্রজ্ঞানেত্র বিনা অত্র, মানুষ চিনে সাধা কা'র ।

মানুষ-মন সহজ ধন নয়,                      কোটা বিশ্ব মনে সৃষ্ট হয়,  
 আবার দেখি মন তা' করে ভেঙে চূরে ক্ষয় ;  
 যেবা সব্ব তাজে তব্ব খুঁজে, বাক্যের সে ভগ্নীদার ।

৮২ । ঝাঁঝিট-মিশ্র—একতাল ।

তর না স'লে কায কি চলে ।  
 ও মন ! “সবুরে যে মেওয়া ফলে” ॥

হাতে খড়ি হ'লেই শিশু মিশুতে নারে গুরুর দলে,  
 যত্ন ক'রে বীজ বুনে কে সত্ত্ব সত্ত্ব তুষ্ট ফলে ।  
 সব কাষেরই সময় আছে সময় বই গায়ের বলে,  
 কেহ কোথা হয় না বড় বিদ্যা-বুদ্ধি-সুকৌশলে ।  
 মহা সন্ন যে, মহাশয় সে, না সন্ন যে, নাশ হয় ছলে,  
 ধৈর্য্য বিনা কার্য্য-সিদ্ধি হয় না কভু মহীতলে ।  
 ধৃতি-ক্রমা-বিজ্ঞান-ভারং সদাই যা'র দোলে গলে,  
 আনন্দ তা'র ভৃত্য হ'য়ে চরণ ধোয়ায় ভক্তি-জলে ।

### ৮৩। সুরট-মল্লার—বাঁপতাল ।

কেহ মোরে ব'লে পাপী আমি তাহে রুষ্ট নই ।  
 যে আমারে পাপী বলে সুখে তা'রে শিরে লই ॥

ধর্ম্মী ব'লে যেরা এসে,  
 ভাবি' তা'কে সর্ব্বনেশে,  
 নিজকে যে ভাবে পাপী,  
 যা' করে সে ভাবকে চাপি',  
 পুণ্য চেয়ে পাপ-ভাবে,  
 পুণ্য কি তা' পাপাভাবে,  
 পাপের লেশ নাইকো যথা,  
 শূন্য-জ্ঞানে নাইকো কথা,

চাটুবাদে তোষে হেসে,  
 মৌন ভাবে ব'সে রই ।  
 পাপে আর সে না রয় তাপী,  
 নয় তা' অশ্রু পুণ্য বই ।  
 পুণ্যকে মন ভাল ভাবে,  
 কেউ না মোরা জ্ঞাত হই ।  
 পুণ্যও রয় শূন্য তথা,  
 পূর্ণভাবে বিশ্বজই ।



৮৪ । কাফি-সিন্ধু—যৎ ।

মন্দ ব'লে আছি ভাল আর না কিছু আমি চাই ।  
আসে যদি দুঃখ তা'তে সে দুঃখে না শঙ্কা পাই ॥

যেজন আগায় মন্দ বলে,	সে মোর দোষ নাশে বলে,
ব'লে ভাল কোন স্থলে,	লাজে যেন ম'রে যাই ।
মন্দ ব'লে মাকে ডাকি,	যে রূপ ইচ্ছা সে রূপ থাকি,
ভাল হ'লে পারি তা'কি,	অঙ্গ ঢাকি দেখি' ছাই ।
চাই নে ভাল সোণা দানা,	চাই না খেতে ম'ণ্ডা ছানা,
মন্দ আমি এইটা জানা,	সদ্যাব-বীজ সুখে গাঠি ।

৮৫ । ভৈরবী—কাওয়ালী ।

মোরা ছ'টা গোয়ার চোর ।  
বারেক যা'রে পেয়ে বসি রাখি নে তা'র জোর ॥

কেহ মোরা রাঙ্গা রূপ নয়ন-মুকুরে ধরি',	
প্রমত্ত করিয়ে মন নিমিষে বিবেক হরি,	
কেহ এসে তেড়ে ফুঁড়ে,	জ্ঞান-ধন লই কেড়ে,
হাড় মাস খাই খুঁড়ে,	কেউ বা আনি ঘোর ।

দিবানিশি কাছে বসি' কেহ মোরা করি গান,	
তিল করি' কেহ তাল বাড়াই গুমোর মান,	
ছ'জনাতে মিলে ঝুলে,	মজা করি ঝেলে ঝুলে,
যে না কভু ছলে ভুলে,	না টানি তা'র ডোর ।

যদিও না পারি আগে মজাইতে তা'র মন,  
 তথাপি না ছাড়ি কভু, করি সদা জালাতন,  
 যতই না মোরা ঠকি,                      সদানন্দে পিছু থাকি,  
 ফাঁক পেলে মারি উকি, বাধাই গোল ঘোর ।

৮৬ ।    বাঁঝিট-মিশ্র—একতালা ।

সন্ন্যাসী কে গৃহীর মত ।

কোথায় ততটা ত্যাগ গৃহে যত ॥

মাঝের কোলে একা যবে দাবী করি তখন কত,  
 দোসর হ'লে ভগ্নী বা ভাই আর না থাকে তাহা তত  
 একচেটে যা' তখন তা'র অঙ্গ তাহার হস্তগত,  
 দারা পুত্র হ'লে শেষে তা'ই আবার দাঁড়ায় শত ।  
 ক্রমে বংশ বাড়ে যত ত্যাগ-স্বীকারে এমনি রত,  
 নিজের কিছু না বুটলেও আহ্লাদে দিন করি গত ।  
 আশিষের সুপ্রসারে আশিষ হয় অপগত,  
 না ভাবি আর কর্তা আশি থাকি সদা সুসংযত ।  
 গৃহ ছেড়ে বনে যদি মনটা হ'ত সমুন্নত,  
 তা' হ'লে ত বন্য পশু সঙ্ক-ভাবে থাকতো নত ।  
 লোভের বস্তু ঘরে রেখে যে নহে তা'য় অভিরত,  
 সেই ত ত্যাগী—সেই সন্ন্যাসী, যতীর ইহা অনুমত ।

## বিবেক-সঙ্গীত ।

### ৮৭ । ঝাঁঝিট-মিশ্র—একতাল ।

থায় না কেবা মদ এ ভবে ।

ভবে মদের নেশায় মত্ত সবে ॥

খাঁটি থেকে বলেন যিনি খাঁটীখোর কে মোরে ক'বে,  
আমি কিন্তু ব'লবো জোরে, মত্ত সে রয় মদ-পরাণে .  
না থায় যেবা ধাত্তেশ্বরী, মাতাল যে সে নয় বিভবে,  
এরূপ নজীর না পাই কোথা, খুঁজলে না কেউ সাচ্চা র'বে  
রামু যিনি মাতাল বড় মাতিয়ে যে মদোৎসবে,  
দামু যিনি ম গুণভাগী তিনিও সেই মদাত্তবে ।  
যে ভাব-বশে যে কার্যা যা'র মত্ত সে তা'র সগোরনে,  
যুঁটে পুড়ে গোবন হাঙ্গে এ ক্ষেত্রে বেশ বুঝে লবে :  
মদে মত্ত সবাই যবে মদ-মাতালে দোষ কি তবে,  
আনন্দ কয় মাতাল-গালি, মদ থাকিতে নাহি যাবে ।

### ৮৮ । মল্লার—একতাল ।

তোরা আঁখি যা' ফিরায়ে ল'য়ে ।

আর কাঁদিতে কাঁদাতে,                      ভাসিতে ভাসাতে,

র'স না আমার বদন চেয়ে ।

থাকিত যত্নপি ক্ষমতা আমার,                      কা'রো না কাঁদায়ে না করি' বেজার,  
বসাতেম্ ঘরে আনন্দ-বাজার, আনন্দ-পুতলি আনয়ে পেয়ে ।  
জানি তোরা মোর সুখের লাগিয়া,                      নিজেদের সুখ জলাঞ্জলি দিয়া,  
মধুর ভাষণে মধুর হাসিয়া, জুড়াস্ হৃদয় প্রতিমা ত'য়ে ;

হায় ! হায় ! আমি এমনি কুজন,            কিছু করি নাই তোদের কারণ,  
 সাজিনু নিশ্চয় সন্ন্যাসী এখন, অকূলে তোদের ভাসায়ে দিয়ে ।  
 না সেজে কি করি উপায় ত নাই,            কৰ্ম-ফল বাহা ভুগি তা' সদাই,  
 বাধ্য হ'য়ে তা'ই যে পথে বেড়াই. বহু দুখ আগে সে পথে য়ে ;  
 সে পথে না মিলে রমণী রতন,            বিলাস-বসন সুরম্য সদন,  
 সে পথে মনের নিগ্রহ ভীষণ. বিরাগে হৃদয় ফেলে গো ছেয়ে ।  
 এত দুখ তবু সে পথ সুন্দর,            সে পথে কেহ না ইঞ্জির-কিঙ্কর,  
 সে মুক্তি-শরণি ধরিয়ে কাতর, না হয় যেজন ঝটিকা স'য়ে ;  
 ধীরে ধীরে যত হয় অগ্রসর,            চোখে পড়ে তা'র প্রেমের নিব্বর,  
 চরমে লভে সে আনন্দ-সাগর, অমর আনন্দ-অমিয় পিয়ে ।  
 তা'ই বলি তোরা হ'স্ না কাতর,            আনন্দ লভিলে আনন্দ-সাগর,  
 যাবে সব ক্লেশ জুডাবে অশ্রু, রবি নে মোহের শয়নে শুয়ে ।

### ৮৯ । মূলতান—একতালা ।

ছাড় মন ! ছাড় অঙ্কার ।

কেন স্থলে ভুলে,            রহ মদে ফুলে,

দেখ আঁখি মেলে চরম সবার ।

দেখ অই দেখ সম্মুখে গুশান,            উড়ায় কেমন বিজয়-নিশান,

দেখ চিত্তা কত শত,            জলিছে সতত,

দেখাইছে পথ হ্রি' অঙ্কার ।

মন ! শোনো তোমা বলি,            বিষয়ে না' টলি,

প্রেম-সুধা পিয়ো নিরন্তর,



ভূত শূন্য যদি হয় এ ভুবন,                      আমি ব'লে কিছু থাকে না তখন,  
 শুন তা'ই জীব ! বিবুধ-বচন, ক'র না জীবন ভূত-ডরে ক্ষয় ;  
 ভূত হ'য়ে যেন ভূত-ভয় করে,                      ধরিতে সে নারে ভূতনাথ হ'রে,  
 যে ধরে তাহারে সে কভু না মরে, সদানন্দে থাকে চিদানন্দালয় ।

### ৯১ । সুরট—একতালা ।

তোরা কি ব'লে ভুলাবি মোরে ।  
 আমি ড় নি হ'ণ কল,                      তোদের কোশল,  
 কিসে তবে বন্ বাধিবি ড়োরে ।

তোরা কেহ প্রেত কেহ বা প্রেতিনী,                      কেহ বা মায়াবী কেহ মায়াবিনী,  
 তোরা যে কি ধন ভালরূপ চিনি, চিনি ব'লে, বলি এতটা জোরে ।  
 যে নামেতে তোরা হ'ম্ অভিজিত,                      যে রূপে জগতে আছিস্ চিত্তিত,  
 সেই নাম-রূপে আমি না মোহিত, নাম রূপ হ'রে শমন-চোরে ;  
 রজ্জু সর্পবৎ তোরা অনুমানি,                      অধিষ্ঠান-জ্ঞানে ভিন্নতা না মানি,  
 অধিষ্ঠান যাহা স্বরূপ তা' জানি', রহি না অসার আমিত্ব-ঘোরে ।  
 এবে প্রেমে করি' আনন্দে বিহার,                      দেখিয়া তোদের দ্রাকুটী-বিস্তার,  
 কহিছে আনন্দ হাসি' অনিবার, কোন ফল নাই ফিকির ক'রে ।

### ২ । ঝাঁঝিট-মিশ্র—একতালা ।

কোন্টা বড় জ্ঞান ভকতি ।  
 ভবে হৃন্দ হয় এ হ'য়ে অতি ॥

জ্ঞানকে যদি বড় বলি ভক্তের যেন কত ক্ষতি,  
 ভক্তে কিন্তু কইলে বড় ক্ষণ নহে জ্ঞানীর মতি ।  
 এখন দেখ শ্রেষ্ঠ কেবা কা'র মনের উচ্চগতি,  
 কেবা দেখে সবাই সম, কা'র না ঘটে অবনতি ।  
 জ্ঞান জগতের মূলাধার জ্ঞানে কর্মের পরিণতি,  
 সে জ্ঞান বিনা ভক্তি কভু পায় না কেহ মানা রতি ।  
 “জ্ঞানী হ্যৈব মে.নতম্” বাসুদেবের এই উক্তি,  
 আবার আছে তাঁ'রই কথা “ন মে ভক্ত প্রণথতি” ।  
 প্রকৃত যে ভক্ত ভবে জ্ঞানীকে সে মানে পতি,  
 আদি অন্ত বিজ্ঞানময় জ্ঞানেই জীব পায় মুক্তি ।  
 জ্ঞানকে ভাবি' পুরুষ বীর ভক্তি জেনে নারী জাতি,  
 কুন্তদাসী-মায়া-মাসী ভক্তির ঠাঁই দিবারাতি ।

৯৩ । সুরট—একতাল। ।

( আমি ) আবার আসি যে বাসে ।

কভু না তা' ভয়ে,                      কভু না তা' দায়ে,  
 নহে তা' মায়িক সুখের আশে ।

আসা কেবল পরীক্ষা-কারণ,                      সে আসা ছাড়িয়া সদন স্বজন,  
 তাহে মুগ্ধ কি না, করিতে দর্শন, অণু না মনন মানসে আসে ।  
 আমি যে আবাসে ঘুরে ফিরে আসি,                      এসে চ'লে যাই ছড়াইয়া হাসি,  
 সে হাসি যে বুঝে সে ত কাটে ফাঁসী, না হয় বিলাসী কামোল্লাসে ;

বুদ্ধি-দোষে ভাব না বুঝে যে জন,      বাসে এলে দোষ ভাবে সে দুর্জন,  
 আমি নিজবাসে আসি গো যখন, বন্ধ নই তবে আসক্তি-পাশে ।  
 তোরা কি বুঝিবি আমার কি কায,      চাহি না আমি এ কদর্য্য সমাজ  
 যা'রা অবধূত তা'রা ত ধীরাজ, জা'ত কুল মান ভাল না বাসে ;  
 তুচ্ছ ভাবে তা'রা কাল-ব্যবহার,      অসার কোতুক অনৃত আচার,  
 চাহে না পুষিতে সংস্কার-বিকার, দেখে শুনে সব বিষয়ে হাসে ।  
 আনন্দ গুপ্ত না, ব্যক্ত অবধূত,      যা' দেখিস্ তা'র তা'ই তা' অদ্বুত,  
 আনন্দ পেয়ে যে হ'য়েছে নিখুঁত, আনন্দে চিনি' সে কলঙ্ক নাশে ।

### ৯৪ । ঝাঁঝিট-মিশ্র—একতাল।

যুক্তির কথা সবাই বলে ।

ভবে কেউ না যুক্ত বাক্য-বলে ॥

বিশ্ব দেখি' আত্মভূতি প্রেমে যখন হৃদয় গলে,  
 কর্ম্মাসক্তি তখন যুচে, অহঙ্কার আর না চলে ।  
 অহমিকা গেলে দূরে ত্রিতাপে জীব নাতি জলে,  
 আত্মবোধে হৃদয় রোধে, পূর্ণবলী মোক্ষফলে ।  
 আনন্দ কয় যতদিন যে আশার হার রাখবে গলে,  
 ততদিন সে মায়া-বশে চূর্ণ হবে কালের খলে ।

### ৯৫ । ঝাঁঝিট-মিশ্র—একতাল।

ধন বিনা কে ধর্ম্ম করে ।

দেখি ধর্ম্মের মূল ধনের ঘরে ॥



সকল দ্রব্য পরিহরি' বনে বনে যেজন চরে,  
 গৃহীর দ্বারে সময়ে তা'র দাঁড়াতে হয় ভিক্ষা তরে ।  
 যজ্ঞ পূজন তীর্থভ্রমণ অর্থ বই না চ'লতে পারে,  
 বাঁচতে ভবে অর্থ আগে, পরমার্থ ফুটে পরে ।  
 ভাই বন্ধু দূরের কথা, জন্ম ভবে যা'র উদরে,  
 স্থল বিশেষে ধন না পেলে সেই মা'র না বাক্য সরে ।  
 সাধুর উক্তি 'ধনাক্ষয়ং' ধর্ম পালি' জীবে তরে,  
 আনন্দ তা'ই গ্রায্য ধনের দাবী করে অকাতরে ।

৯৬ । বিঁঝিট-গিশ্র—একতাল।

সবাট ভবে ধর্মরত ।

তবে যা'র যা' ধরম তা' তা'র মত ॥

শাক্ত কাছে শক্তি বড় শৈব কাছে শিব খ্যাত,  
 বৈষ্ণবের বিষ্ণু বড় যোগীর ঠাঁই যোগী যত ।  
 যে নামে যা'র হয় স্মৃতি সে লয় তা' অবিরত,  
 শুধু ভাস্ত অল্পধী যে, হৃন্দে করে সময় গত ।  
 “যে যথা মাং প্রপত্ত্বন্তে তাং স্তথৈব ভজাম্যহং”—  
 এ বাক্যে হয় প্রতিপন্ন কেউ না ছোট ভক্ত যত ।  
 গয়া থেকে প্রয়াগ যেতে রহিয়াছে রাস্তা কত,  
 যে পথে যা'র হয় স্মৃতি সে পথ তা'র মনোমত ।  
 তবে বলি রাজপ্রাসাদে প্রবেশ-দ্বার থাক না শত,  
 সদর ভিন্ন অল্প পথে স্মৃতি সময় হয় না গত ।

বিজ্ঞান সেই সদর-পথ, হয় না তাহে আশা হত,  
টান্টিক্রপ-ভ্রান্তিপথে, হবেই প্রাণ ওষ্ঠাগত ;

৯৭ । বেহাগ-খাম্বাজ—আড়াঠেকা ।

কে কা'রে কয় সুখী ভবে কোথাও কেহ সুখী নয় ।  
ধনীর ধনের চিন্তা বড়, দীনীর দিনের চিন্তা হয় ॥

অই যে-শশী গগন-বুকে, মেঘ-জালে ও রয় কি সুখে,  
অতল-জলে মীন যে থাকে, তথাপি কাল-ধীবর-ভয় ।  
ভোগ-রাগে যে স্বপন-সুখ, রোগেতে তা'র দ্বিগুণ দুখ,  
দুখে ভাঙে পাশাণ-বুক, হাসির মুখ বিষাদময় ।  
হাড় মাসের এই যে দেহ, কেবল নানা রোগের গোল,  
পায় না রোগে শান্তি কেহ, মরণে সুখ সদাই কয় ।  
ঘেটাকে সুখ দু'দিন ভাবি, তিন দিনে আর কোথা যাবি,  
যায় ফুরায়ে সুখের দাবী, ভূতের দেহ ভূতেই লয় ।  
ভাবী ভয় না থাকতো যদি, বহিতো প্রাণে সুখের নদী,  
পাক্তে দেহ চিন্তা-ব্যাপি, যায় না আরো তুফান বয় ।  
সুখ ব'লে যে কথা আছে, সে সুখ নয় কামীর কাছে,  
না রয় যেবা আশার গাছে, প্রেমানন্দে সে জন রয় ।

৯৮ । কাফি—যৎ ।

কথা শুনে শিশুর যেমন আপ্নি কথা ফুটে যায় ।  
ভাব দেখিয়ে ভাবুক জনের ভাব-তরঙ্গ তেমনি ধায় ॥

সত্য যদি তুফান ছুটে,                      নিঝর উঠে পাষণ ফুটে,  
 ত্রিলোক রয় হাতের মুঠ, কালকে আরো কালে পায় ।  
 নিতা নূতন সৃষ্টি ভাবে,                      অভাব না দেখতে পাবে,  
 কাল-প্রবাহ চেউয়ে যাবে, ক্ষয় না হবে ভাবের কার ।  
 জগৎটা হয় ভাবের মেলা,                      খেলছে সবাই ভাবের খেলা,  
 খেলায় কারো নাইকো হেলা, সারা বেলা চেউ ছুটায় ।  
 থাক না ফুটে যে যে ভাবে,                      ভাবুক তা' না তুচ্ছ ভাবে,  
 হিংস্রটে বাঘ হিংস্রভাবে, কালে অগ্র ভাব ফুটায় ।  
 কারণে ভাব সৃষ্টি থাকে,                      স্ফুর্তি তাঁর কার্য-পাকে,  
 কাল-ধর্ম্মে আবার তা'কে, সৃষ্টিভাবে দাঁড় করার ।  
 যে ভাবে রয় যেটা যেমন,                      দ্বিতীয় আর নাইকো তেমন,  
 যে যা' ঠিক সে তা'রই মতন, তুলনা তা'র নাই ধরায় ।  
 দেখতে দেখতে যখন ধরা,                      ভাবের মূল পড়ে ধরা,  
 সব ভাব তা'র দেখি' ভরা, আর না চিত্ত গোল উঠায় ।

৯৯ । কাফি—১৫ ।

কামী বই না প্রেমী কভু স্বার্থ তরে দিন কাটায় ।  
 চাইবে কি সে চেয়ে হেসে আত্মানন্দে প্রাণ ডুবায় ॥

আমি তুমি ভেদ যে ভাবে,                      আশা করে মগ্না খাবে,  
 হয় সে কামী অদং ভাবে, রিপু-বশে জ্ঞান হারায় ।  
 প্রেমীর প্রাণ ভাবে প'ড়ে,                      ভাব রহে ত সত্য বুড়ে,  
 সত্য দেহ দেখলে ট'ড়ে, ভাসে তা' প্রেম-স্বনায় ।

সব ভাবের যে সংমিশ্রণ,                      বাক্ত তাহে পূর্ণ চেতন,  
 সেই চেতনে প্রেমিক জন, তবু ঢালি' ভুল ঘুচায় ।  
 কামীর প্রাণ ঘুরে পাকে,                      প্রেমীর প্রাণে ভর না থাকে,  
 কামী ভ্রমে কুমার-চাকে, সদাই প্রেমী শান্তি পায় ।

### ১০০ । সোহিনী—আড়া ।

যতই পীড়ন যে প্রকারে করুক না লোক সজ্জনায় ।  
 কোন ভাবে সে এ ভবে কদাপি না গুণ হারায় ॥

ছন্ধ তাপে রাখলে পরে,                      ক্ষীর-সর-আকার ধরে,  
 ভাসে ননী ম'থলে জোরে, অল্প সহ দই দাঁড়ায় ।  
 ইক্ষু কর টুকরা যত,                      রস ত তাহে মূলের মত,  
 পেষণেও তা' মিলে কত, পাকের রসে মন মাতায় ।  
 গুড় চিনি মিছরি ওলা,                      কত রূপে রস লীলা,  
 জলে যদি যায় তা' গোলা, জলের নানা গুণ বাড়ায় ।  
 অসৎ সাথে যতই মিশি,                      যতই না তা'য় ভালবাসি,  
 অহির মত হয় সে বেষী, রয় না খুসী ছধ কলায় ।  
 সুখ সতত সাধু সনে,                      সুখ সতত সাধুর মনে,  
 আনন্দ তা'ই প্রতিফলে, সাধুসঙ্গে দিন কাটায় ।

### ১০১ । সুরট-মল্লার—ঝাঁপতাল ।

দেখলো শনী আগে কেমন উজল করে আকাশ-কাষ ।  
 পূর্ণানন্দ না পেয়ে তা'য় ধরায় শেষে কর ছড়ায় ॥



বিপ্রকুলের ষণ্ড চেয়ে বিপ্র হয় যে কর্ম-ফলে,  
 হোক সে ছাড়ী মেথর মুচি ভেক-বামুনে ফেলে তলে ।  
 দীর্ঘ কোঁটা সূত্র-ঘটা পুঁথি ঘাঁটা সূকৌশলে,—  
 দ্বিজত্বের চিহ্ন এ সব শোভে ধর্মধ্বজীর দলে ।  
 সূত্র ভেবে ইস্তাহার বলুক না বা' মূর্থ খলে,  
 ব্রহ্মজ্ঞ যে সেই ব্রাহ্মণ, চিহ্ন ত তা'র সূত্র গলে ।  
 জগৎ যদি এক দিকে হয় তবু তা'র পদ না টলে,  
 সকল বিপদ এড়িয়ে সূত্রে সূত্ৰপু রয় প্রজ্ঞা-ফলে ।  
 ব্রাহ্মণই হয় ব্রহ্মচারী, ব্রহ্মে চরে কুতূহলে,  
 আত্মাই সে নিত্য ব্রহ্ম, দীপ্ত হৃদি শতদলে ।  
 বীর্গা-ধারণ মেধা ভোজন—ব্রহ্মচর্যা বহুস্থলে,  
 আত্মভাবে না ডুবলে মন কদাপি না সূফল ফলে ।  
 চরকা ঘেঁটে মার্কা এঁটে বড়াই যা'র স্বার্থ ছলে,  
 বিপ্রকুলে জন্ম নিলেও যায় সে দোষে রসাতলে ।  
 কুলোপানা চক্র মাত্র নিকরীয়া রয় পাপ-মলে,  
 “নামে গয়লা কাঁজী ভক্ষণ” প্রবাদ ঠিক হেথা চলে ।  
 শীনবর্ণ উচ্চবর্ণে দাঁড় করাতে ভূমণ্ডলে,  
 বাস্ত নেড়ে বচন ঝেড়ে মনু-শ্রীক প্রতিপলে ।

১০৪ । ভৈরবী—৪৭ ।

মন ! তোরে মন্তোরে এবার ক'র্বো বশে আনয়ন ।  
 তুই সিন্ধিও খাস্ ভরা ডুবাস্ এই ত দেখি আচরণ ॥

ঘরে যদি থাকতে বলি, সাপের মত উঠিস্ ফুলি',  
 তো'র দেখি ত রং, করিয়ে ঢং, কনক-কাস্তা-অন্নমণ ।  
 ধ্যানে যখন চাই ডুবাতে, অম্নি লাগিস্ চেউ ছুটাে ৩.  
 “লক্ষীছাড়ার ভক্ষি বাড়া” কয় না লোকে অকারণ ।  
 জন্মে নাইকো মনসা-পূজা, একেবারেই দণ-ভূজ',  
 ছি-ছি একুপ মিছামিছি, খিচিমিচি কি কারণ ।  
 তো'র কাছে যে আমি নীচু, ক'রতে তো'রে সবার উঁচু,  
 তুই বুঝিস্ না তা', করিস্ যা' তা', এগ্নি মূঢ় অভাজন ।  
 পরের দোষ না দেখিয়ে, নিজ দোষ যা' ঝাথ খুঁজিয়ে,  
 ত'রে যাবি শান্তি পাবি, ত'বি রসে নিগমন ।  
 চিরশত্রু তো'র যা'রা, হবে ত্বরা বাধা তা'রা,  
 ক'র্বে সবে শান্ত ভাবে, প্রেমানেন্দে আলিঙ্গন ।

১০৫ । মল্লার-মিশ্র—ধামার ।

মোহ-মদ-নেশা-ঘোর কভু কি তো'র ছুটিবে না ।  
 কভু কি চেতন হ'তে, নিজে কি ত' জেনে ল'তে?  
 আনন্দের চাট-পাঠ উঠিবে না ।

এই যে মাতাল হ'য়ে, কামনা-কুটীর পেয়ে,  
 ভেবেছিস্ প্রাণ-শখী উড়িবে না ;  
 হইয়ে বিষয়-রাগী, রহিবি বাসনে জাগি',  
 মুখ বিনা হুখ আসি' মূটিবে না ।

মাঝার শয়নে শুয়ে,                      অবিজ্ঞা-অবিজ্ঞা ল'য়ে,  
 নেচে গেয়ে বেশী দিন কাটিবে না ;  
 নখন বুঝিবে ভুল,                      বেধে যাবে ছলছল,  
 অকুলেতে কুল তবে মিলিবে না ।

খেয়াল হইবে শূল,                      অবিজ্ঞা লাগাবে বুল,  
 আনন্দের দীপ ঘরে জলিবে না ;  
 বিকার-রাক্ষস এসে,                      ধরিবে এমনি ঠেসে,  
 এ জীবনে অশ্রু আর থামিবে না ।

আপন বলিতে যা'রা,                      দাঁড়াবে বিরোধী তা'রা,  
 সাধিলেও ফিরে কভু চাহিবে না ;  
 এ হেন দুর্গতি হবে,                      সতত বিষাদী রবে,  
 মরিলেও জালা পিছু ছাড়িবে না ।

এখনো সময় আছে,                      সাধন-সুধন কাছে,  
 ভজ তঁাকে নেশা-:ঘার থাকিবে না ;  
 যুচিবে সংশয় সব,                      উঠিবে আনন্দ-রব,  
 যম ভাবি' যম কাছে ঘেঁষিবে না ।

১০৬ । ইম্ন-পূরবী—আড়াঠেকা ।

হ'ল দিব্য-অবসান ।

ধীরে ধীরে রাঙা ভানু করিছে পয়ণ ॥

বসায়ের রূপের ছাট,                      গগন দেখায় ঠাট,  
 পবন লাগায় নাট, ধরি' মধুতান ।



সুধামাথা-স্বরে ডাকি',      নীড়ে উড়ে যায় পাখী,  
 শিরে হেম-কর মাখি',      শাখী মুক্তপ্রাণ ।  
 সারি গেয়ে কত নেয়ে,      যায় সুখে তরি বেয়ে.  
 কুমুদিনী শশী পেয়ে,      আহ্লাদে আটখান ।  
 প্রেম-আশে নারীগণে,      সাজে সাজ-আভরণে,  
 সাধু দেব-আরাধনে,      করে স্তুতি-গান ।  
 শুধু মম ভ্রাস্ত চিত্ত,      শোক-তাপে হ'য়ে ভীত,  
 সদা এবে বিষাদিত,      অন্ধের সমান ।  
 অরে রে বিষাদী মন !      ভাব তুমি কি কারণ,  
 কেবা করে বিলজ্বন,      প্রকৃতি-বিধান ।  
 যে ধন হ'রেছে কালে,      পাবে না তা' কোন কালে.  
 মিছা পড়ি' ভ্রম জালে,      হারায়ো না জ্ঞান ।  
 সব চিন্তা দূরে রাখো,      সদানন্দে সদা ডাকো,  
 তাঁ'রি প্রেমে ম'জে থাকো,      করি' আশ্রয়দান ।

১০৭ ।      ঝাঁঝিট—কাণ্ড্যালী ।

মনের মত মনটা পাওয়া মুখের ছ'টো কথা নয় ।  
 আবার মনের মনটা জানা আরো সুকঠিন হয় ॥

সেই ত মন বে মন মণে,      শক্তি ত সেই মণের মনে,  
 মণ ভাঙা যে মনটা তা'কে,      শমন ভেবে ঢুকে ভয় ।  
 সাধন বিনা মণের মন,      কিছুতে কেউ পায় না কখন,  
 মণের মনে বিশ্ব টেনে,      পূর্ণ ভাবে সদা রয় ।

স্ব-কু-দ্বিভাব রয় না কিছু,                      রয় না হৃদয় আশু পিছু,  
 বিনা ধনে চিদানন্দে, দাঁড়ায় চিদানন্দময় ।  
 ভাণ্ডা মনের চক্রে প'ড়ে,                      আনন্দ সব দিয়ে ও ছেড়ে,  
 সদা আকুল নেড়ে চেড়ে, নিপাত-জর-পরাজয় ।

### ১০৮ । মালকোষ — আড়াঠেকা ।

এ যাত্রা মন ভাঙ্গিলি পণ, রঙ্গ-মাত্রা বাড়ালি ।  
 ডালে আনায় ফেলে নায়ক হাড়েনাড়ে জ্বালালি ॥  
 ক্ষণে যে তুই নিয়ে তেভাল,                      চালবি শেষে এমন কুচাল,  
 জানি না তা'ই ক'রলি নাকাল, শত্রুর মুখ ভাসালি ।  
 বিন্দু মাত্র জানলে আগে,                      কি সাধা তোর ফেলিস্ বাগে,  
 আলগি দিয়ে ভুল ক'রেছি, তা'ই যা' ভেড়ে ঠকালি ।  
 কত ধানে কত যে চা'ল,                      দেখতে পাবি এখন সে চা'ল,  
 তুই আত্মদোষে আত্মসুখ, বিষাদ-কূপে ডুবালি ।  
 উঠে ধানে ক'রবি পতিয়া,                      রুপলি সে পথ সতিয়া সতিয়া,  
 মাথে মাথে আনন্দকে, আচ্ছা বটে ঠেকালি ।

### ১০৯ । ভৈরবী—যৎ ।

তোর মত মন ! কে হৃদয় পাকা যুবু জুয়াচোর ।  
 তুই চালনি হ'য়ে হৃৎচের ছাঁদা ধ'রতে সদা করিস্ জোর ॥  
 পরনিন্দা পরনারী,                      পরধন-আশা করি',  
 ঘটাস্ এমনি কেলেকারী, লেগেই আছে ফ্যাসাদ ঘোর ।

ভেতরে তুই মহাভোগী, বাইরে সাজিস্ পরম যোগী,  
 সদাই আমি পিছু তবু, অন্ত দন্ত পাই না তোর ।  
 ওজন বুঝে চ'ললে পরে, কেউ না কভু নিন্দা করে,  
 বরং আরো জ্ঞান-কাতানে, যায় গো কেটে কস্ম-ডোর ।  
 কবে রে তুই ন'র্বি ভেড়ে, রইবো স্মখে তোকে ছেড়ে,  
 তুই থাকিতে চিদানন্দে, আনন্দ না পাবে জোর ।

১১০ । ঝাঁঝিট—একতাল ।

ব'ল না আর কেউ কিছু আমার ।  
 আমি দুখের জীব দূরে থাকি, কাব কি আমার জম্জমায় ।  
 পরের কথা শুন্তে মেয়ে, হাড় গিয়েছে কালি হ'য়ে,  
 এখন আমি আপন মনে, আপন ভাবে রই হেণায় ।  
 ঠাট্-ঠেকারে বাড়ায় মায়া, না দেখি তা'য় শান্তি ছায়া,  
 ব্যস্ত করি' স্মৃষ্ণ কায়া, সদাই দুখের ঢেউ ছুটায় ।  
 দূরে চিত্ত হয় না ভ্রান্ত, আয়ুভাবে থাকে শান্ত,  
 বিষয়-সঙ্গে পাপ-তরঙ্গে, সাদা প্রাণে বিস উঠায় ।  
 যদি বল বিষয় ছেড়ে, কোথা মেয়ে থাকবো প'ড়ে,  
 থাকলে আমি মূলটী বেড়ে, আমিহের কে তেজ কমায় ।  
 যে ক'টা দিন থাকবো হেথা, পর-ছলে না ঘুরবো কোথা,  
 যা' হ'বার তা' ঘটুক তা'য়, রাখবো আপন পণ বজায় ।

১১১ । আলাইয়া—যৎ ।

মন ! তুমি গো ফাতনা ছিপের ভাসো মায়া-জলের উপর ।  
 তুংখ-গীন না ধ'রলে এসে, দেখ না কি আছে ভিতর ॥

## আনন্দ-নিব্বার

অহঙ্কার-ছিপের গায়ে,                      কৰ্ম্ম-সূত্রে বদ্ধ হ'য়ে,  
পাপ-তরঙ্গ-আঘাত খাও, তথাপি জ্ঞান হও অজর ।  
টানে কভু কাটলে সূতা,                      বাঁচানো দায় তোমার মাথা,  
যাও যদি বা ভেসে কোথা, ধরে আবার কাল-ধীবর ।  
খ'সূতে র'লেও তব অঙ্গ,                      ছাড়তে না চাও বারি রঙ্গ,  
হ'লেও তুমি অন্তরঙ্গ, আনন্দের বিষম পর ।

১১২ ।    ললিত-বিভাষ—ত্রিতালী ।

সূখে সবাই হরির খুঁড়া জয় বই না বলে ক্ষয় ।  
ছুঃখেতে আলকুশীর গুঁড়ো, ভড়ো দিতে ক্ষান্ত নয় ॥

ফুলে যখন গাকে মধু গন্ধে যুটে মধুকর,  
গুন্ 'গুন্ ধ্বনি করি' মধু পিয়ে নিরন্তর,  
মধুহীন হ'লে ফুল,                      আর সে মধুপকুল.  
না আসে নিকটে তা'র, ভাবি' তাহা বিষময় ।

সংসারের বন্ধু যা'রা                      বসন্তের পিকপারা,  
সুসময়ে দেয় দেখা, নহে অসময় ;  
দেখি নিজ পরিবার বিত্ত-বলে নিজ হয়,  
বিত্তহীন দেখে যবে কত শত মন্দ কর,  
স্বপ্নায় না কাছে আসে,                      চোর সম থাকি বাসে,  
অন্ত যে করিবে আরো, কি সন্দেহ সে বিষয় ।



নিঠুর ঠ্যাটা কাল বেটা না খেলো কেউকেটা,  
জ্ঞান-বিটপী ধ'রে থাক, যুচবে সকল লেঠা ।

১১৪ । মাঝা—একতালী ।

ভোগে কভু ভোগ না ছুটে ভোগ্য বটে ছুটে যায় ।  
আবার তা' কোন রূপে যুটে ভোগ-লালসায় ॥

আগুনে ঘি দিলে ঢেলে,                      বিগুণ বেগে উঠে জ'লে,  
ক্রমে যুতের সঙ্গ-পেলে, শুচির বল বৃদ্ধি পায় ।  
থাকলে লেগে ভোগ-রাগে,                      রোগে ধরে বিষম রাগে,  
ধান ভানিতে শিবের গীতে, হাত বাঁচানো শেষে দায় ।  
ভোগের দাস হয় যে যত,                      চিন্তা-ফাঁস সে পবে তত,  
পর না দেখে আপন মত, ছদ্ম বেড়ী পরে পায় ।  
লক্ষ্য এত পড়ে জড়ে,                      বাজ প'লেও না ছেড়ে নড়ে,  
মানের ঘাড়ে দাপে চড়ে, ধর্ম ছাড়ে অবজায় ।  
আপনা ভেবে অবিনাশী,                      হ'য়ে বিলাস-গৃহ-বাসী.  
কতই ভাঙ্গে গড়ে হাসি', কাল না দেখে উপেক্ষায় ।

১১৫ । লুম-মিশ্রিত বাউলের সুর—লঘু লোকা ।

গরজ বড় বিষম বালাই ভাই ।

দাম যা'র না কাণা কড়ি রত্ন ভেবে কি'ন তা'ই ॥

জল মাটি যা' মাড়িয়ে চলি,                      খেয়াল নাই কাবের বলি',  
কালের এমনি কুটিল কেলি, গরজে তা' খুঁজতে চাই ।

দ্রব্যের মূল হয় এক আনা,                      গরজ-মূল সতেরো আনা,  
 গরজ বিনা সোণা দানা, পানার মত দেখতে পাই ।  
 গরজ রয় মনটা যোড়া,                      স্বার্থে মোড়া আগাগোড়া,  
 সে স্বার্থ তরে অর্থ-তোড়া, পুরুষার্থ চাই সদাই ।  
 যা'র যা' গরজ তা'র তা' সাজে,                      অন্নের তা'য় লাঠি বাজে,  
 গরজে সেই নাহি মজে, যে না ভাবের দেয় দোহাই ।

১১৬। ভীমপলশ্রী—একতালী ।

শুণীর দেখি গুণ বিলালে আরও গুণ বেড়ে যায় ।  
 ধনীর দেখি ধন বিকালে হ্রাস বই না বৃদ্ধি পায় ॥

শুণে প্রাণকে বাঁধে গুণে,                      বারি চালে দীপ্তাশুনে,  
 হৃদয়টাকে লয় গো জিনে, নিত্য নব প্রতিভায় ।  
 লম্ব ঘুচায় সত্যপণে,                      চানায় তুলে পুণ্য-রণে,  
 ক্ষিরায় শম-রক্ষী সাণে, নাচার প্রেম-মহিমায় ।  
 ধনে মানে মনকে ধুনে,                      জীর্ণ কবে স্বার্থ-ঘুনে,  
 পাপের বীজ হৃদে বুনে, সাজায় খুনে কু-আশায় ।  
 গুণের লক্ষ্য যথা মোক্ষ,                      ভোগানন্দ ধনের লক্ষ্য,  
 দীনানন্দ ধন-বিপক্ষ, দক্ষ গুরু-করণায় ।

১১৭। বিঁবিট-মিশ্র—একতালী ।

সংসারে কয় এঁটো কা'রে ।  
 আমায় বুঝিয়ে দিতে কেউ কি পারে ॥

মুখে যা' দেই হয় তা' এঁটো, কেউ যদি তা' কয় আমারে,  
 ব'ল্বো আমি, অন্ন খেলে শুদ্ধ উদর কোন্ বিচারে ।  
 ধাত্ত যা'কে লক্ষ্মী বলি' পূজা করি শুদ্ধাচারে,  
 সিদ্ধ যবে সকড়ী তবে, বলে গোঁড়া হিন্দু তা'রে ।  
 জল-আগুনে সিদ্ধ না হয় কোন্ পদার্থ এ সংসারে,  
 সিদ্ধ হ'লেই ব'ল্বতে হবে—ধ'রলো এক দোষ-বিকারে ।  
 যদি বল যে ঝোলে লুণ, হয় তা' এঁটো, কে নিব্বারে,  
 সাগর-জল ভানুর তাপে দূষ্য কেহ ব'ল্বতে নারে ।  
 বাপরে বাপ ! দোমুখো সাপ আছে যত আর্ঘ্যাগারে,  
 এঁটোর নামে কেঁপে মরে, ধরে যেন অপস্মারে ।  
 জোরে কিছু ব'ল্বলে যদি ছুটায় নদী অশ্রু-ধারে,  
 সার কাষ যা' পতিভক্তি, সে ধার বড় কেউ না ধারে ।  
 কাক বসিনে দেয় না কভু নিজ স্বার্থ-অধিকারে,  
 তবু তা'রা ধর্মদারা, কাস্তে করি' খাড়া দ্বারে ।  
 আরো দেখ মেড়ে যত পঁাজ রশুনের গোষ্ঠী মারে,  
 চৌকা তা'দের মাড়ালে কেউ রুখে এসে ডাঙা মারে ।  
 হাতে ক'রে মুখে দিতে রত যা'রা হয় আহারে,  
 তা'দের সে হাত রয় না অমল, লাগায় না তা' অগ্নাধারে ।  
 কাঁটা চামচ দিয়ে যা'রা আহার করে বারে বারে,  
 তা'দের খানা হয় না এঁটো, দেখি তা'দের ব্যবহারে ।  
 তেল হলুদ লাগলে পরে দাঁড়ায় দ্রব্য কদাকারে,  
 তা'হিতে বুঁঠা শুচির গোঁটা মেয়েলি-ভায়-অনুসারে ।





জীবের বাড়ে কথায় কথায় মান, স্বার্থ হিংসা রোষ কাপটা ভাণ,  
 হৃন্দে ভরা জাতি, ধর্ম, ভাষা, কর্ম, প্রাণ ;  
 জীব একরূপ কামী দিবস যামী কামে বিবেক করে লয় ।

বাঁভাচারে দৃশ্য জীবের মন, পরম অর্থ ভাবে কেবল ধন.  
 ধনের তরে আপন ঘরে মারণ উচাটন ;  
 জীব মদের ঝাঁকে দেখেও চোখে “রাজীতেও গরুরাজী নয়” ।

জীবের হয় ! থেকেও বুদ্ধি বল, জীব না তাহে পায় সদা সফল,  
 জড়কে দেখি মহাযোগী জীব ত বিচঞ্চল ;  
 সাধ ক’রে না দীন দেয়ানা, গায় আনন্দে জড়ের জয় ।

১২০ । পাহাড়ী—লয় লোফা ।

আমি যাই এখন কোথা ।

তোরা শুন্বি না ত মোর কথা ॥

তোরা কয় শালা যুটে, ভিটে মোর নিলি রে লুটে,  
 দাপের চোটে এনে কোটে সাজালি যুটে ;  
 যদি জিরাই খেটে অম্নি চ’টে কেটে নিতে চাস্ মাথা ।

তোরা দে না মোরে গা’ল, তবু ব’লবো তোদের চা’ল ,  
 আবি তা’ কর্ বলিস্ পামর হবে যেটা কাল ;  
 তোদের ভালবাসা—রক্তশোষা, ঘটায় দশা জেঁক যথা ।

শুণ ব’লবো রে কত, খ’লো মৃষিকের মত,  
 গর্ত্ত ক’রে ঢুকাস্ ঘরে পাপ-সাপ বত ;  
 আমি তোদের দ্বেষে যাই যে দেশে যুটে এসে ছুখ তথা ।

তোরা ভীষণ গোয়ার ঝাঁড়,                      কভু ফিরাস্ নাকো ঘাড়,  
 শৃঙ্গ নেড়ে আসিস্ তেড়ে ভাঙ্তে বকের হাড় ;  
 দেখি মড়া হাড়ে মোড়া মারে, শুন্লে তোদের গুণ-গাথা ।

তোরা সাজা পাস্ এত,                      লোকের খাস্ গালি কত,  
 তবু দাম্‌ড়ী চাম্‌ড়ী ধরিস্ কামড়ি পিপিড়ের মত ;  
 তোরা ছাড় এ ছ'টা লোভের খোঁটা দূরে যাবে সব বাথা ।

দেখি হ'ল বাজী মাত,                      হবে ত্বরায় কুপো কাত,  
 তবু ভাঙলো না ভুল গেল না ঝুল এমনি হারানজাত ;  
 তোরা বেশী কি আর ক'র্বি আশাব ক'রেছি ছাখ্ সার কাঁথা ।

তোদের পালের গোদা মন,                      হোক সে মায়াবী যেমন,  
 সকল বাজী ছাড় বে পাজী যাক্ না কিছুক্ষণ ;  
 তখন ম'র্বি শোকে দেখলে চোখে আত্মারামের রূপ হেথা ।

১২১ । খাম্বাজ—একতালী ।

পেন্তা ম'গ্‌তা হেন সস্তা নাট ।  
 যে ম'গ্‌তা মন উড়িয়ে গ'গ্‌তা প্রাণটা ঠা'গ্‌তা ক'র্বে তাই ॥

জানি তুনি দিব্যামা ম'গ্‌তা পানে চাও,  
 বন্ধ তবু হও না কাবু হামাগুড়ি দাও,  
 তোমার মন ! এই ত ধরম—সবই লুটতে চাও ;  
 তব নাতি বিচার কি ম'গ্‌তা কা'র, ভাবনা কিসে খেতে পাই

কভু কোথা মণ্ডা-কথা যায় যদি কাণে,  
 এমনি ফতুর সয় না সবুর ঝড় বহে প্রাণে,  
 ঘাঁত বুঝিয়ে দাঁত ফুটাতে ভাসো কাম-বানে ;  
 আবার তৈয়ার থেকে দেখলে চোখে জাগে দ্বিগুণ প্রাণের গাঁই ।

পাতিয়ে জাল পরের মাল নিতে খোয়াও মান,  
 পরের জিনিষ বিষম বিষ হারাওরে সে জ্ঞান,  
 দেখে মোহন ক্ষীরমোহন ধীর না থাকে প্রাণ ;  
 বলি মাপের জিনিষ উনিশ বিষ ক'বুলে কালে খেপবে বাই ।

টাটকা বাসী সব প্রয়াসী এরূপ কামী হও,  
 গন্ধ পেলে ধন্দে ফেলে দ্বন্দে মেতে যাও,  
 নমুনো বুঝে সুযোগ খুঁজে পূজোর ধূম লাগাও,  
 তুই জান ন' কি এই চালাকি চ'লবে নাকো সর্ব ঠাঁই ।

মানস-ভাগে ধরে রোগে কোথায় মিটে আশ,  
 দীনের মত দিন বিগত ফেলে দীর্ঘ শ্বাস,  
 মণ্ডা লোভে শেষে ক্ষোভে কাটে বারো মাস,  
 পড়ে মুখে কালি গুড় বালি ছুখের ভাতে নাই রেহাই ।

স্বীকার করি মানস-চুরি ধরা কঠিন হয়,  
 তবু সু-কু-গুরু-লঘু-বিচার মন্দ নয়,  
 তুমি চাও রে বাহা মুখে তাহা আনতে বাড়ে ভয় ;  
 এবে সামলে চল নইলে বল মানবে না কাল ডাক দোহাই ।

সস্তা দরে মণ্ডাহারে এতই যদি সাধ,  
 মণ্ডাকৃতি হয় প্রকৃতি দেয় তা' হাতে টাঁদ,  
 তা' ঘেঁটেবে যত ছুটেবে তত প্রাণের পচা গাদ ;  
 সব যাবে ওজর ফিরবে নজর, আশ্রুবলে হবে চাঁই ।

১২২ । রামকেলী—একতাল।

বিষম দায় ছাড়া সংস্কার ।

সে দাঁড়ায় এত মজ্জাগত, যেমন ধাতু-অর বিকার ॥

পারার দোষ শুধরে বটে যায়,  
 হ'লেও মরণ এ দোষ কখন ছাড় তে নাছি চায়,  
 ছাড়ার কথা শুন্লে আরো বাজ পড়ে মাথায় ;  
 বাড়ে কা'রো ঘণার হাসি কেউ বা করে তিরস্কার ।

জানে যাহ্ এম্নি যাহু গুণ,  
 থাকলে পোষা বানায় খোসা শাঁসে দেয় আগুন,  
 ব'লতে গেলে হয় বলিতে উই অথবা ঘুণ.  
 যেবা ভক্ত তাহার তা'র কি বাহার, অটপাশ পায় পুরস্কার ।

তবে কি তা'র নাইকো কোন গুণ,  
 থাকার মাঝে বাজে কাজে মাথায় কালি চূণ,  
 কাণ না দেখে চিলের পাছে ছুটিয়ে করে খুন ;  
 যেথার যত ফ্যাসাদ, কুসাধ-খাদ নিতিই করে অবিস্কার ।

বাড়ী তা'র এমনি শেল কাঁটা,  
 ভেতর ঢুকে লুকিয়ে থেকে যায় না তা' কাটা,  
 আছে আবার দেয়াল শিলার চা'র ধারে আঁটা ;  
 তা'র গৃহের মাঝে সদাই রাজে প্রলয়ের অন্ধকার ।

আপন মতের মানুষ যদি পায়,  
 তাহার কাছে যে ধন আছে সব করে আদায়,  
 একপ ক'রে যায় গো বেড়ে, দৃঢ় করে কাষ ;  
 সে ত বলরূপী ভ্রমের কুপী চায় না ত'তে শূন্যকার ।

ধ্বংস হবে আজি কিম্বা কা'ল,  
 দেখতে না পায় তবু উপায় ছাড়তে না চায় কা'ল,  
 সে পাপ-ঘরে ঢুকলে পরে খেতেই হবে গা'ল ;  
 গ্যাপা জ্ঞান-শুলি বই আর দেখে কই, সে পাপ রোগের প্রতিকার

১২৩ । বারোয়ী—দাদরা ।

মোরে দে তোরা ছেড়ে ।

আগি বন-বিহঙ্গ জুড়াই অঙ্গ বনে বনে উড়ে ॥

পাচ-ভূতের গাঁচার ভেতর মায়ার দাঁড় যুড়ে,  
 রাখিস্ না আর খাওয়াতে চার ময়ান-বুলি ঝেড়ে ।  
 দেখিস্ কি কাল ছমোবেরাল আস্ছে কাছে তেড়ে,  
 বাড়িয়ে হাতা ধ'রবে মাথা পিঁজুর 'পরে প'ড়ে ।  
 সামলাতে না পারবি তবে নিতে মোরে কেড়ে,  
 কপাল ফের বাড়বে তোদের ফেলবে ক্ষোভে পেড়ে ।

এখন যত সময় গত যাচ্ছে শঙ্কা বেড়ে,  
 চোক না খেয়ে আখ না গায়ে কালি দেছে মেড়ে ।  
 তোদের মতন দেয় না বেদন কোন ভেড়ের ভেড়ে,  
 তোরাই সবায় ফেলিস্ ধাঁধার আশার ঘণ্টা নেড়ে ।  
 তোদের ঠাই সুখা ত নাই আছে বিষের কেঁড়ে,  
 সাধি রে তা'ই দে গো রেহাই ন'র্খি জ'লে পুড়ে ।  
 তোরা যে আ'জ রাজাধিরাজ উঠিস্ তেড়ে কুঁড়ে  
 তোদের এ দিন নয় চিরদিন, হ'বিরে দীন কুড়ে ।

১২৪ । সিন্ধু-গিশ্র—মধ্যমান ।

ব'সে ব'সে কিবা কর মন :

ভব-পারে যাবার তরে কর রে সব আয়োজন ॥

নিয়ে .য পুতুল-গুলি, খেলিতেছ তিন গুলি,  
 সবে দিয়ে চোখে ধূলি, ক'র্বে শেষে পলায়ণ ।  
 এত যে মমতা এবে, প্রমত্ত কত কি ভেবে,  
 সব তবে ছুটে যাবে, রবে শুধু বিড়ম্বন ।  
 মর যদি মাথা খুঁড়ে, সাধো যদি কর যুড়ে,  
 আসিবে না আর কুঁড়ে, ক্লিষ্ট হবে অকারণ ।  
 কেন মিথ্যা আশা-বশে, মজিছ পাপ-রঙ্গ-রসে,  
 দিন থাকিতে প্রেমে'চ্ছাসে, ডাক প্রিয় প্রাণধন ।  
 দেখিবে কাটিবে ধাঁধা, ছুটিবে সকল বাধা,  
 বিফল না হবে সাধা, পাবে শান্তি নিকেতন ।

ক'র না আর মিছা দেবী,                      বাজাইয়া ধর্ম-ভেরী,  
ভাসাও বিশ্ব-প্রেমতরী দিতে মায়া-বিসর্জন ।

১২৫ । পূরবী—ত্রিতালী ।

এই নদী দেখে যদি ভীত হ'স্ মন ।

কিসে ভূ-পয়োধি-পারে করিবি গমন ॥

সামান্য কল্লোল হেথা অই তীর দেখা যায়,

কত শত নেয়ে অই সারি গেয়ে তরী বায়,

মগ্ন হ'লে কা'রো তরি,                      ভেসে উঠে ছরা করি'.

দাঁড়ী মাঝী কেহ অরি না হয় কখন ।

কুটিল আবর্ত সেথা ভীষণ তরঙ্গ-রোল,

অপার অগাধ অন্ধি দাঁড়ীরা বাধায় গোল,

ডুবিলে তরি' না ভাসে,                      কুর্ষ নক্র তেড়ে আসে,

হয় শেষে হতাস্বাসে বিপাকে মরণ ।

এই নদী পারে যেতে পারে যে বিবেকী জন,

সেজন ভূদধি-পারে যেতে করে প্রাণ-পণ,

ছি ছি তুই বড় ভোলা,                      মায়ে'র আছরে পোলা,

ভাসা রে প্রেমের ভেলা পূরিবে মনন ।

১২৬ । কেদারা-মিশ্র—ত্রিতালী ।

যে ধন-বোধনে মন কর ধন-আরাধন ।

সে ধন নির্ধন করে নিধনের নিকেতন ॥





## ১২৮। ভৈরবী-মিশ্র—পোস্তা।

মন রে ! তোরে খাঁটির জোরে পুষ্বো নাকো কভু আর।

খাঁটি ক'রে এবার তোরে ক'রবো জোরে ব্যবহার ॥

একের নেশা খাঁটী খেলে,                      দশের নেশা খাঁটি হ'লে,  
 খাঁটির আবার অঙ্গ ছুঁলে, মাটি তবু মুখ অপার।  
 যথা খাঁটির দৃষ্টি চলে,                      বিনা নেশায় মনটা টলে,  
 ঘাট না পাই খাঁটী নালে, ভাঁটি-নালে দোষ-বিকার।  
 ভাঁটির মালে উড়ে অর্থ,                      বাড়ে নিতা ঘোর অনর্থ,  
 খাঁটির কি পুরুষার্থ,                      ব্যর্থ করে ভুল-বিচার।  
 খাঁটিখোরের অকালে কাল,                      খাঁটি সাজে কালের কাল,  
 তা'ই বলি রে গুরে মাতাল ! ছেড়ে দে লোল পাপ-সুরার।

## ১২৯। খাম্বাজ-মিশ্র—দ্রুত ত্রিতালী।

অর্গ পেয়ে মত্ত হ'য়ে অনর্থ-ক্রয় ভাল নয়।

বারি দেখে আগে থেকে পাক মেখে কে ব'সে বয় ॥

যুটলে ফ্যাসাদ বারেক এসে,                      দাড়ার সে সর্বনেশে,  
 সবে যেয়ে প'ড়লে পাক, উঠা শেষে শক্ত হয়।  
 ক্ষিপ্ত নয় যে লভি' বিত্ত,                      ন' হয় যা'র তপ্ত পিত্ত,  
 শম ভাবে রাখে চিত্ত, সেই ত মুক্ত মহাশয়।  
 আর যে ঋদ্ধি পেয়ে করে,                      অহঙ্কারে কার্য্য করে,  
 দীপ্ত না সে পুণ্য-করে, পাপেই তা'র দেহ-ক্ষয়।

অর্থ, লোক-হিত-জ্ঞ,                      অর্থের কাষ নহে অন্য,  
অন্য ভাবে ক'রলে গণ্য,                      মনটা ঘৃণ্য পাপে লয় ।

১৩০ । খান্সাজ—চুংরি ।

কোথা ওরে শিক্ষাগুরু, দীনানন্দ-প্রাণধন !  
ভাল শিক্ষা দিয়ে গেলি দেখি' কলি-প্রহসন ॥

পেয়ে তোরে খেলাঘবে,                      ছিনু সদা অকাতরে,  
জোর করে ডোর কেটে, পালালি রে দলি' মন !  
মায়া-চোখে দেখতে গেলে,                      ঘোর ঞ্শানে গেছিস্ ফেনে,  
বিবেক-চোখে দেখলে পরে, ভুল হ'য়েছে সংশোধন ।  
আমি মায়াবদ্ধ জীব,                      বুঝেও না বুঝি শিব,  
অনুমানি তুই এবে,                      শুদ্ধ বুদ্ধ সনাতন ।  
মোর ত শাস্তি তোকে পেলে,                      তুই কেন রে আস্বি চ'লে,  
ফিরে কি কেউ তথা গেলে, যথা সাম্য-নিকেতন ।  
আশীর্বাদ কর দাসে,                      নিত্যধামে তব পাশে,  
থাকি যেন অনায়াসে, জয় করি' মায়া-রণ ।

১৩১ । বিভাস—একতালা ।

পূজা পাঠ জোরে লোপাট ক'রতে যাওয়া বিষম দায় ।  
ফল পাকিলে সময়-বশে আপনি ফুল ঝ'রে যায় ॥•

চাৰাগাছের ফেললে বাকল,                      বিনষ্ট তা'র ইষ্ট সকল,  
 বড় হ'লে বিয় ঠেলে, আত্মবলে স্ফুৰ্ত্তি পায় ।  
 ধাপ বেয়ে যে উঠে ছাদে,                      পা ভেঙে সে নাহি কাঁদে,  
 ধ'রতে গেলে লাফিয়ে টাঁদে, সাধ না মিটে, লাগে পায় ।  
 ছ'ধাপ'পরে ছুই পা রেখে,                      উৰ্দ্ধে উঠা যায় গো স্বেখে,  
 ছুই ধাপে পা থাকবে ব'লে, দ্বিপদ-যুত নর-কায় :  
 নাই বাহ্যার যে সংস্কার,                      পায় যদি সে সেই অধিকার,  
 ভজম তাহা না হয় তা'র, ঘটে আরো প্রত্যবায় ।  
 বহুজন্ম-সাধন-ফলে,                      বলী সাধক আত্মবলে,  
 আ'জ যে মুগ্ধ যে ভাব-বশে, মত্ত না সে কালে তা'য় ।  
 না এলে লোক আত্মভাবে,                      কেউ না যেন শত্রু ভাবে,  
 আমার যে সে সত্য ভাবে, আসবে কালে স্বইচ্ছায় ।

১৩২ ।    রামকেলী-মিশ্র—একতাল।

পন দিয়ে না অমূল্য ধন ভাবকে কভু কেনা যায় ।  
 ভাবের মূল ভাবানুকূল ভাবেই শুধু হয় আদায় ॥

ভাবের প্রাণ প্রাণের মাঝে,                      ধনের প্রাণ মাটির সাজে,  
 ভাবে, ভব-ঋণ রাখে না, ধনে নানা ঋণ জড়ায় ।  
 ভাবে, ভাবে পুরুষার্থ,                      ধনে আনে স্বার্থানর্থ,  
 রয় গো ধরা ভাবে ধরা, ধনে, মনে ভেদ বাড়ায় ।  
 ভাবে প্রাণ জগৎযোড়া,                      ধন-মানে করে খোঁড়া,  
 ভাবটী যেন ফুলের তোড়া, ধনের তোড়া প্রাণ উড়ায় ।  
 ভাবে সত্য-আলোক ভাসে,                      ধনে ঘুরায় অঁধার-বাসে,  
 নিত্য রাস ভাব-গোলকে, ধন-নিরয়ে ত্রাস বেড়ায় ।

ভাবে রাখে আপন রূপে,                      ধনে ফিরায় বহুরূপে,  
 ভাবে নব সৃষ্টি পলে, ধনে নব গোল উঠায় ।  
 দীনানন্দ ভাবানন্দে,                      দেখে সদা সদানন্দে,  
 রয় না সন্দে কোন দ্বন্দে, আত্মানন্দে দিন কাটায় ।

১৩৩ । মালকোষ—একতালী ।

জীব ! তাজ অভিমান ।

মাতিয়ো না মোহ-সুরা ক'রি আর পান ॥

পেয়ে যে অনিত্য দেহ,                      মাটিতে না পদ দেহ,  
 সে দেহ ভূতের গেহ, রোগের নিদান ।  
 দারা পুত্র মিত্র যা'রা,                      চিরসঙ্গী নহে তা'রা,  
 সম্পদ বিপদ ভরা, ক্ষণস্থায়ী প্রাণ ।  
 ল'য়ে যে মন ক'রছো রঙ্গ,                      তুল্ছো কত ভাব-ভরঙ্গ,  
 ছাড়িয়ে সে সব রঙ্গ, করিবে পয়াণ ।  
 দীন দুখী ধনী সুখী,                      মবে খেলি' নুকোত্তুকি,  
 কালোদরে যায় ঢুকি' প্রাণে হানি' বাণ ।  
 অই যে আরক্ত রবি,                      প্রকাশিছে বিশ্ব-ছবি,  
 দুবে যাবে, হ'বে যবে দিবা-অবসান ।  
 যদি না বিপাকে মর,                      কে তুমি বিচার কর,  
 অদার বাননা হর, ধর প্রেম-তান ।  
 কুহকিনী মায়া-বশে,                      ম'জো না বিষয়-রসে,  
 সাধ নিজ ঘরে ব'সে, আপন কল্যাণ ।

## ১৩৪ । মালকোষ—একতালা ।

এই কি কন্ম, আত্মধন্ম, নন্মপটু শঠ মন !

মন্মদৃষ্টি নাই রে তোর চন্মদৃষ্টি বিলক্ষণ ॥

প'ড়ে মোহ কূপের ভিতর,                      নজর কেবল উপর উপর,

প্রাণ মাঝে যে প্রেম-সাগর, করিস্ না তা' নিরীক্ষণ ।

ভাবিস্ নাকো একটীবার,                      কেবা আমি আমি কা'র,

মিছা বলিস্ “আমার” “আমার”, ভাবিয়ে সার ধন জন ।

পেয়ে যে পাঁচ ভূতের রাজা,                      বিবেক-ধন ক'রিস্ ত্যজা,

ক'দিন তাহে র'বি পূজা, হ'য়ে ভ্রান্ত দুঃশাসন ।

ঠিক হ'য়ে যা' এখন থেকে,                      নইলে মাথা যাবে বেঁকে,

বারভূতে উঠবে রুখে, ক'বে দুখে বিদলন ।

## ১৩৫ । সুরট-মল্লার—একতালা ।

মম প্রাণ যাহা চায় লোভী মন তা' না চায় রে ।

পরান পূর্ণিমা-চন্দ্রিকা-চুম্বিত, অমা-ঘোরে চিত ধায় রে ।

বিবেকের বশে প্রেমভরা প্রাণ,                      বাসনার বশে মনে পাপ-বান,

বিশ্বপ্রাণে প্রাণ খুঁজে সদা স্থান, ধন পানে মন চায় রে ।

সমতার প্রাণ স্বরূপ-সোপান,                      মমতার মন নিরয় সমান,

করে প্রাণ-ভাষ আনন্দে উদাস, চিত-ভাষে নাশ-দায় রে ।

কবে হ'য়ে আমি মনের শাসক,                      হব সুখে প্রাণ-ভাব উপাসক,

যাবে যাহে বাধা দূর হবে ধাঁধা, নাহি হবে অনুপায় রে ।

১৩৬ । মিয়া-মল্লার—ত্রিতালী ।

এত ভ্রান্ত কেন হ'লি মন !

লোভবশে কামরসে ডুবালি সাধন-ধন ।

ভুঞ্জিতে বিষয়ানন্দ, বাধাইয়া রূপ-বন্দ,  
 হারালি জ্ঞান ভাল মন্দ, ধর্ম্য দিলি বিসর্জন ।  
 ভাবিতে যা' জলি তাপে, করিতে যা' প্রাণ কাঁপে,  
 মাতিলি সেট মহাপাপে, ভাঙিলি বিবেক-পণ ।  
 লোকে তোরে ভাল বলে, তা'ই বুঝি তলে তলে,  
 আনন্দকে ফেলে ছলে, দাগা দিলি অনুক্ষণ ।

১৩৭ । ইমন-ভূপালী—আড়াঠেকা ।

যদি জীব ! চাহরে কল্যাণ ।

কর রে আমিত্ব মাঝে ব্রহ্মের সন্ধান ॥

স্থূল বিশ্ব দেখে কত, কত কাল ত ক'রলে গত,  
 পেলে কি ধন মনোমত, জুড়াতে পরাণ ।  
 আমি কি, সে গোঁজ না করি', "আমার" বলি' যাতা ধরি',  
 আছ ঘোর অহঙ্কারী, সে দুঃখ-নিদান ।  
 আ'জ আছে কা'ল না র'বে, সঙ্গে কা'রো নাহি লবে,  
 শুধু তাপ রেখে যাবে, বাড়িয়ে অজ্ঞান ।  
 ছাড়ি' শোক-শব্দভেদী, হৃদয়-মন্দির ভেদি',  
 রাখিবে যে স্মৃতি-বেদী, রবে তা' অগ্নান ।









খ্যাপার সঙ্গে চলে রঙ্গ,                      হয় না কভু প্রেম-ভঙ্গ,  
 খ্যাপানন্দ নামটী তা'ই, নহে দেখি কেহ বাম ।  
 নিত্য ধনে নিত্যানন্দ,                      নামটী তা'ই নিত্যানন্দ,  
 আত্মা সনে রমণ তা'ই, আত্মারাম প্রাণারাম ।  
 ডাকুক না যে যে নামে,                      রাখুক না যে যে ধামে,  
 মত্ত আমি নহি কামে, বুঝি' মম পরিণাম ।

১৪২ । বারোয়াঁ-মিশ্র—লোফা ।

একদিন এ দেহ-ঘট ফাটবে ।  
 সব লেঠা যাবে চুকে বিকার-ঘোর কাটবে ॥  
 ছল বল মুকৌশল কিছুই না খাটবে,  
 পরিবারে পড়ি' কারে যুক্তি কত আঁটবে ।  
 কাল-দূতে ভাল মন্দ কস্ম যত ঘাঁটবে,  
 ভাল যদি দেখে ভাল, নতুবা ত ডাঁটবে ।  
 জন্মাবধি ক'রেছ যা' তা' না কিছু ছাঁটবে,  
 পাপের ভাগ হ'লে বেশী শিলে ফেলে বাটবে  
 তা'ই বলি মন ! সদা জ্ঞান-পথে হাঁটবে,  
 দুঃখ পেতে কখন না পাপ-পদ চাটবে ।

১৪৩ । মল্লার—একতালী ।

কেন ভ্রান্ত পাশ্চ ! ক্ষান্ত রও ।  
 আগি নিশিদিন জাগি',                      আছি পিছু লাগি',  
 অগ্রসর আরো হও ।

যে দিন যে পথে যে ভাব লাগিয়া,                      যাত্রা করিয়াছ যে চিহ্ন ধরিয়া,  
 আসিতে আসিতে বিলম্বে পড়িয়া, সে পথে সে ভাবে নও ।  
 অবিজ্ঞা-সঙ্গিনী গোপনে আসিয়া,                      কু-ভাবে তোমায় মোহিত করিয়া,  
 ল'য়েছে নিমিষে কু-পথে টানিয়া, হুঃখ-ভার তা'ই বও ;  
 তা'ই রিপু-চোর হঠয়া প্রবল,                      হ'রেছে তোমার পথের সম্বল,  
 দিয়েছে জ্বালায়ে হৃদে চিন্তানল, যাহে সদা তাপ সও ।  
 যা' দেখ এ পথে সকলি অসার,                      সকলি বাড়ায় মনের বিকার,  
 এক সেই সার হৃদে যে তোমার, তাঁ'রই পদাশ্রয় লও ;  
 নাহি রবে ভয় কোনও সংশয়,                      দিয়ে সে দয়াল তোমায় অভয়,  
 দেখাবে ত্বরায় স্বরূপ-নিলয়, গাও তাঁ'র গুণ গাও ।

### ১৪৪ । ভৈরবী-মিশ্র—একতালী ।\*

ও তুই শান্তি পাবি কিসে ।

এখনো মন জর জর আসক্তির বিষে ॥

ভবের কর্তা ভাবিস্ যেন বাবা খুড়া পিসে,  
 রত্ন সম যত্ন ক'রে রাখিস্ রাংতা সীসে ।  
 দানব ছ'টা পাপের খলে ফেল্ছে তোরে পিঁষে,  
 তথাপি তোর যায় না দেমাক মত্ত সদা রিশে ।  
 সুপথ ছেড়ে কুপথগামী হারা হ'য়ে দিশে,  
 ভাবিস্ নে কাল ক'র্বে বে-হাল ভুল্বে না সে ফিসে ।

\* দ্রুত একতালীকেই একতালী বলে ।

পেয়েছিলি যে ধন হ্রদে গুরুর শুভাশিসে,  
খোয়ালি তা' বুদ্ধিদোষে ছুঁষ্টদলে মিশে ।  
পশু সে ত' নাইকো যা'র মতি জগদীশে,  
হ'লেও রাজ্য ভোগে সাজা ভোগ-ভূমে এসে ।

১৪৫ । ভৈরবী—একতালী ।

ছ'টো কথা হ'ল আজি প্রাণ খুলে কইতে ।  
চায় যে ধন আমার মন না মিলে তা' বইতে ॥

গ্রন্থ ঘেঁটে কোমর এঁটে মায়ার দাপ সহিতে,  
দাঁড়ায় যা'রা নিরেট তা'রা চিনির বদলি হইতে ।  
কেতাব-ভাব মিশাল যেন মুড়ি-মুড়কি-খইতে,  
রাজী না তা' মুক্তি তরে মেগে পেতে লইতে ।  
সাধ না থাকে যদি কভু ভূতের বোঝা বইতে,  
শক্ত তাহা মিশে গেলে ক্ষীর-ননী-দইতে ।  
চিত্ত যদি বিত্তের লোভ পারে দেবে রইতে,  
তা' হ'লে সে উঠতে পারে স্বর্গে যাবার নইতে ।

১৪৬ । ভীমপলশ্রী—একতালী ।

ঈশ্বরের কথা-মাণার ভক্রে ভরা দেশটা ।  
বোধোদয় প'ড়তে এসে রাখতে নারে শেষটা ॥





দেখে যে ওর উঠা পড়া, হয় না মূলের সঙ্গ-ছাড়া,  
সে পায় ঠিক সুধার ঘড়া, রয় না পিছে ফেউ ।

১৫০ । পরজ-বাহার—একতাল্লা ।

অই ত রূপ তোর ।

করিস্ বড়াই এত কিসে সদা ওর ॥

ওর মাঝে ভ্রান্ত নর, কি দেখিয়ে মনোহর,  
কাম-মুগ্ধ নিরন্তর, টুটি' প্রেম-ডোর ।  
রক্ত মাংস অস্থি মজ্জা, এই ত দেখি দেহ-সজ্জা,  
ছি-ছি নাহি আসে লজ্জা, ক'রতে দর্প জোর ।  
ব্যষ্টিক্রমে মল মাংস, করে যদি শুচি-ভ্রংশ,  
সমষ্টিতে কি সারাংশ, বাড়ায় না যা' ঘোর ।  
এই যে ইন্দ্রিয় ধরি', বেড়াস্ কত কি করি',  
এর বল শোভা হরি', লয় যে ব্যাধি-চোর ।  
খাখ্ না বিচার করি', হ'লে ইহা আহা মরি,  
শব-রূপ কেন হেরি', বাড়ে ভয়-ঘোর ।  
আত্মা সর্বরূপ-সার, সে নাই তা'ই কদাকার,  
তা'র সঙ্গে শোভা তা'র, মিছা বলা মোর ।

১৫১ । হান্ধির—আড়াঠেকা ।

এ ঘাটের মাঝী আমি হই, তোমা কই ।

পার-যাত্রী দেখি যা'রে তাহার সব ভার বই ॥



ভিন্ন নাম রূপ ধরি',                      ভিন্ন ঘাটে ল'য়ে তরি,  
 আমিই যাত্রী পার করি, না ছাড়ি' না কোথাও রই ।  
 ভীষণ তরঙ্গ হেরি',                      আছে যা'রা দূরে সরি',  
 তা'দেরও প্রতীক্ষা করি, ডেকে আরো সাড়া লই ।  
 পার হ'তে এ ভব-নদী,                      ইচ্ছা তব থাকে যদি,  
 উঠ ত্বরা না ছেড়ে দি, বাজে শুন ঘণ্টা অই ।  
 দিতে হেথা তরপণা,                      প্রেম বই না গণা অণু,  
 রয় যদি তা' তবে ধন্য, নইলে নিতে রাজী নই ।

১৫২ ।    বাঁবিাট-মিশ্র—একতালা ।

জাগত গাওত মনুষ্যা মেরো মধুর রাম-নাম রে ।  
 হোও ভোর সকল ওর করত নিত্য কাম রে ॥

সুর নর মুনি গঙ্গ তীর,                      মজ্জন করি' স্বচ্ছ নীর,  
 ধরত ধ্যান অতি সুধীর, তাজত মোহ কাম রে ।  
 কমল সূর্য্য ছবি নিরাখ,                      খোলেয়ো মুখ অতি হরখি,  
 বুমে মন হ'য়ে পুলকি, সোঠে আপনা ঠাম রে ।  
 পক্ষী সব হ'য়ে বিভোর,                      গাওয়ে গুণ গগন ঘোর,  
 পুষ্প সকল একডোর, নিরখত প্রভু-ধাম রে ।  
 শঙ্খ ঘণ্টা বাজে মৃদঙ্গ,                      মন্দিরকে অন্তরঙ্গ,  
 বিপ্র সকল তাল মঙ্গ, উচরত ঋচ্ সাম রে ।  
 পরমানন্দ লগন লাগ,                      ভজত রহত প্রেমরাগ,  
 তুমহ' আব অলস ত্যাগ, হোওয়াছ কৃতকাম রে ।



উষালোকে নিতি নিতি আসি' আমি ফুলবন,  
 করিব কুমুম তুলি' অলিদলে সস্তাষণ,  
 অরুণ-কিরণে বনে, কুড়ায়ে ফল সযতনে.  
 একে একে পাখিগণে ডাকিব ।

নিশাকালে কুতূহলে কূলে আসি' বারিধির,  
 হেরিব, কি শোভা তা'র অগণিত লহরীর,  
 আকাশে ভাসিলে শশী, সরসীর ধারে বসি',  
 কুমুদের হাসি মুখে মাখিব ।

পোড়া ভালে যদি তাহা জীবনে নাঘটে মোর,  
 সমীরে পাঠাবো সাধি' বাধিতে সে প্রেম-চোর,  
 দেখা যাবে তবে ভুলে, ক'দিন সে থাকে ভুলে,  
 ভুলে র'লে, ভুলে ভুল সারিব ।

১৫৫ । জয়জয়ন্তী-মিশ্র—একতালা ।

মোরে যেতে দে ভাসিয়ে, নিস্ নে ধরিয়ে,  
 আমাতে সে আমি নাই  
 আমি আমিও কুড়াতে, পিপাসা জুড়াতে,  
 বহিয়া যেতেছি ভাই ।

অনন্ত আকাশ, ফেলিছে নিশ্বাস.  
 আঁধার—যে দিকে চাই,  
 লহরে লহরে, আদরে কে মোরে,  
 ডাকিছ শুনিতে পাই,

তরঙ্গে পড়িয়ে, তরঙ্গ ঠেলিয়ে,  
 উধাও হইয়ে ধাই ;  
 তোরা মোরে যে রাখিবি, তা'রে কি দেখাবি,  
 দিবি কেন আশে ছাই ।  
 সে কি তা' জানি না, কি দিবে বুঝি না.  
 তবু যেন তা'রে চাই,  
 “পাব” “পাব” বলি, নিরাশাকে দলি,  
 আশায় ভাসিয়া যাই.  
 বিপদ দেখি না, বিপদ গণি না,  
 আনন্দে চ'লেছি তা'ই ;  
 আমি হয় তা'রে পাব, না হয় ডুবিব,  
 র'ব না কাহারো চাই ।

### ১৫৬ । বাঁঝিট-মিশ্র—একতালা ।

কত মাথামাথি প্রেমে হাঁকাহাঁকি কিছুই মনে কি পড়ে না ।

হেথার মধুর প্রকৃতি-বিলাস, এখন ভাল কি লাগে না ॥

তবে তুমি তথা কি ভাবে র'য়েছ,                      কি ধন লভিয়ে অধমে ভুলেছ,  
 যা' পেয়ে যা' হও, তুমি যা' ঢেলেছ, কেহ তা' কখন চালে না ।  
 অঁথি মন মম তোমারি কারণ,                      বিছানো র'য়েছে সমগ্র ভূবন,  
 তুমি যে অরূপ স্বরূপ-রতন, জেনেও হৃদি তা' জানে না ।  
 শিরায় শিরায় দিবস যামিনী,                      বাজিছে তোমার প্রেমের রাগিনী,  
 পরাণে খেলিছে প্রভাব-দামিনী, তা'ই ত পরাণ ছাড়ে না ।

স্বপনেও তব প্রণয় বোধন,                      স্মৃষ্টি কালেও আনন্দ-চেতন,  
 তুমি যেন মোর আমিত্ব-সদন, অণু ভাবে মন ভাবে না ।  
 কবে করি' স্মৃতি-যজ্ঞ-উদ্‌যাপন,                      চিদানন্দপূর্ণ অনন্ত জীবন,  
 তোমাতে মিশিয়া করিব গ্রহণ, অভাবে কভু যা' যাবে না ।

১৫৭ । কেদারা—আড়াঠেকা ।

তা'র তরে একা ঘরে আমি যেন ম'রে রই ।  
 সে মোর বৃষ্টিতে নারে কত বাণা প্রাণে সহি ॥  
 বায়ু মোর দীর্ঘশ্বাস জানায় লুটিয়ে পায়,  
 জলনিধি অশ্রুশাশি, উছলি' দেখাতে চায়,  
 গগন জাগায় ভাব বক্ষে ধরি' তারকায়,  
 ইন্দু মুখে ফুটে রাগ, পাখী গাছে যাত্রা কই ।  
 জানাতে মরম-জ্বালা গুঞ্জরে মধুপকুল,  
 দেখাতে হৃদয়খানি বিকসিত বনফুল,  
 আকুলতা ল'য়ে চুসে ঘন তা'র পদ-মূল,  
 হায় ! মোর কি কপাল তবু আমি তা'র নই ।  
 যথায় সে থাক্ এবে যে নামে যে রূপ ধরি'  
 তবু তা'রে বারম্বার সাদরে প্রণাম করি,  
 বলি, “প্রাণ, এস প্রাণে” আমি যে বিরহে মরি,  
 আনন্দের কেবা আছে এ জগতে তোমা বই ।

১৫৮। রামকেলী—দ্রুতত্রিতালী।

সে আমার সাধনের ধন।

অযতনে ঘরে কেন র'বে সে রতন ॥

যতদিন তা'র'পরে ছিল রে প্রাণের টান,  
ততদিন সতত সে করিত আলোক দান,  
নিজ দোষে আমি তা'রে কাঁদায়েছি বারে বারে,  
কাঁদিত্তে না পারি শেষে, ছেড়েছে ভবন।

আঁধারে একেলা বসি' ভাবি রে কত কি ছাই,  
ভয়-শোক-তাপে প্রাণ সদা করে আইটাই,

শুধু প্রেম-সুখ-স্মৃতি, এখনো রেখেছে ধৃতি,  
জানি না কি হবে পরে, বিষাদী জীবন।

যে টুকু বুঝিতে পারি ভাবিয়ে জীবন যাবে,  
কাঁদায়েছি যত তা'র, দ্বিগুণ কাঁদিত্তে হবে,

হবে কি, হ'য়েছে সুর, চরম আরও গুর,  
আনন্দ-ভরসা এবে, শ্রীগুরু-চরণ।

১৫৯। বিহঙ্গড়া—ত্রিতালী

কে বলে রে বিরহে জালায়।

মিলনের সুখ-স্মৃতি সদা সে জাগায় ॥

প্রণয়ের ইতিহাস বিরহে চিত্রিত হয়,  
 বসন্ত-সুখমা-ছবি অন্তরে কুটিয়া রয়,  
 অতৃপ্ত বাসনাগুলি, উচ্ছ্বাসে উঠিয়া ফুলি',  
 বিশ্বরূপে ঢালে প্রাণ স্মৃতি-আশায় ।

স্বভাব ভরিয়া যায় অগ্নি স্বভাবে তা'র,  
 আপনি বাজিয়া উঠে হৃদয় বীণার তার,  
 নীরবে প্রাণের মেলা, নীরবে প্রাণের খেলা,  
 উজল প্রাণের আলা চৌষটি কলায় ।

কখন যজ্ঞের ধূম কখন বিরাগী মন,  
 কখন কেমন ভোলা কখন প্রণয়-রগ,  
 কখন হাসির ছটা, কখন মানের ঘট,  
 কখন অভেদ-ভাব বসুধা ভুলায় ।

বিনয়ের মৃদুভাষে ঞ্চায়ের কল্লোল ছুটে,  
 নির্ভরের দীর্ঘশ্বাসে পামাণে নিঝর ফুটে,  
 বিশ্বাসের স্মৃতিচার, দূর করে পাপাচার,  
 সত্যের সারলা-বল শীনতা তাড়ায় ।

নিমেষে ভাঙিয়া দেয় সরম ব্রণার পাশ,  
 উপেখি' উড়ায় ছল কুটিল মরণ-ত্রাস,  
 পরার্থপরতা আনে, আবেশে কত কি'জানে,  
 মায়া'র সাগরে প'ড়ে মায়া'কে ডুবায় ।

অতীতে টানিয়া আনে পরায়ে অপূৰ্ব বেশ,  
 ভবিষ্যের অভিনয়ে না রাখে সমস্তা-শেষ,  
 ক্ষণস্থায়ী বর্তমান,                      রাখে চিরবর্তমান,  
 সৰ্বভাব-কেন্দ্রে বসি' একত্ব ফটায় ।

১৬০ । খান্সাজ-মিশ্র—একতালী ।

হৃদয়-অকাশ পাতিয়া, আছি বসিয়া, ভাসো আসিয়া ।  
 তোমার উজ্জ্বল মধুর প্রেমার্ক-কিরণে মানস-তমস নাশিয়া ॥

জানি আমি দানী তুমি আছি মোর প্রাণে হে,  
 নতুবা কে কা'র ছুটাতে বিকার, প্রাণদানে প্রাণ টানে হে ;  
 কে আর নিটাতে হৃদয়,                      বাঞ্জিত সচ্চিদানন্দ,  
 ঘোর রোগে শোকে অভাবে বিপাকে, জাগায় আড়ালে ভাসিয়া ।

কবে যেন ছ'য়ে কোথা ছিনু এক রূপে হে,  
 তা'ই স্মৃতি তা'র অন্তর মাঝার, জাগে আ'জো বহুরূপে হে ;  
 যদি তা'ই ঠিক সখা গো,                      কেন নাহি আ'জো দেখা গো,  
 কেন না আবার হও তদাকার, আত্মমত ভালবাসিয়া ।

আমি আর প্রাণ-সার একা নাহি রব গো,  
 তোমার কিরণে ঢালিয়া জীবনে, যা' হ'বার তা'ই হব গো,  
 বল নাথ ! তবে কবে হে,                      সে আশা সফল হবে হে  
 . আনন্দ'তোমার,—তোমার আকার, তোমাতে যাক্ তা' মিশিয়া ।



১৬১ । ঝাঁঝিট-খান্ধাজ—মধ্যমান ।

কতকাল কাটলো প্রতীক্ষায় ।

আর না পারি ধারে এসে রইতে ব'সে দিদৃক্ষায় ॥

কত ভাবে উঠা পড়া,

কতরূপ ভাঙা গড়া,

হ'ল এ জীবন-পথে, পড়ি' প্রেম-পরীক্ষায় ।

তবু প্রেমাবেশ-বশে,

থাকিয়াও মাত্রা-রসে,

প্রাণদান তরে তোমা, কাল হরি তিতিক্ষায় ।

হৃদয়ে ত তব স্থান,

খুলি' দ্বার লহ দান,

উপেক্ষা ক'র না প্রাণ, রাখি' মিছা অপেক্ষায় ।

১৬২ । সাহানা---যৎ ।

তোমা লাগি' আছি জাগি যা' আছে তা' বিছায়ে ।

তুমি এসে ভালবেসে রাখ কাছে গুছায়ে ॥

ভ্রমি' প্রাণ তোমা তরে,

অবসাদে কাল হরে,

সুনির্মল প্রেম-করে, দাও তাহা ঘুচায়ে ।

ভেবে ভেবে ভ্রান্ত চিত্ত,

ছন্দ-পক্ষে নিমজ্জিত,

কর ধরা তা'র হিত, পূণ্য-করে মুছায়ে ।

সতেজ ইন্দ্রিয় কায়,

থাকি' তব প্রতীক্ষায়,

স্নান শেষে নিরাশায়, তুলো ভাবে নাচায়ে ।

আমি সদা ভ্রম-ঘোরে,

তবু জাগি তব জোরে,

সকালোকে রাখ মোরে, তবু সব বুঝায়ে ।

১৬৩। পিলু-মিশ্র—ঠুংরি।

ডালি দিতে আসিয়া।

গৃহ খালি দেখি', খালি গালি দেই দৃষিয়া ॥

নিজপুরী পরিহরি' কা'রে ভালবাসিয়া,

কোথা তুমি জগন্স্বামি ! হেথা আমি বসিয়া।

দেখে মোকে কত লোকে ব্যঙ্গ করে হাসিয়া,


কোন রঙ্গে কা'রো সঙ্গে রই না তবু মিশিয়া।

কভু বটে হুই শঠে কাছে বসে ঘেঁমিয়া,

ভাব-বশে অনায়াসে রাখি তা'রে ঠাসিয়া।

ত্বরা আসি' ভালবাসি' বিরহ-ঘোর নাশিয়া,

দীনানন্দে তিদানন্দে রাখ হৃদে ভাসিয়া।



## প্রেম-সঙ্গীত ।

১৬৪ । সুরট—একতালা ।

তবে কে বলে কামিনী ছার ।

হো'ক্ যে কোন বশকা,                      সে বাসপত্রিকা,  
সে ভাবে, যে ভাবে নাচাবে তার ।

বিফল গরিমা কুটিল ছলনা,                      জানে না অবলা সরলা ললনা,  
পুরুষ যেমতি করে গো চালনা, রতি মতি গুতি তেমতি তা'র ।  
ভাল শিক্ষা পেলে ভাল পথে ধায়,                      কৃশিক্ষায় ত্বরা অধঃপাতে যায়,  
অঙ্গনা অনুগা ব্রতভীর প্রায়, সদা বশে তা'র আশ্রয়ে যা'র ;  
হৃদয় এমন বিমল কোমল,                      যেমন মুকুর নীর নিরমল,  
প্রেমভাব সদা এতই প্রবল, রুদ্ধ না কখন হৃদয়-দ্বার ।  
তবে যে বা বলে, নারী কুহকিনী,                      অশনিক্রপণী দোষের বিপণি,  
সে মূঢ় জানে না সে জগ-জননী, ভোগিনী ভগিনী কত কি আর ;  
সুরূপে রমণী বিকচ নলিনী,                      সূভাবে জলধি, সূগুণে নবনী,  
এক্সে আনন্দ আসিয়ে অবনী, সে বরবর্ণিনী তাহার সার ।

১৬৫ । কজরী—কাহারবা ।

প্রেমের ছবি দেখবি যদি ~~নদীর~~ নদীর ধারে আর ।

রঙ্ বেরঙের কত লহর ছল্ছে তাহার গায় ॥

আকাশে অই ভাসে শনী,                      খেল্ছে নদীর'বুকে আসি',  
এক শনীতে শত শনী, চেউতে ভাসি' যায় ।

আশে পাশে তারারাজি,                      মতির মালা যেন সাজি'  
 চাঁদের গলে হুল্বে ব'লে, পিছু পিছু ধায় ।  
 ঝোপের মাঝে কত পাখী,                      মাঝে মাঝে উঠছে ডাকি',  
 ডুব দে শাখী তারা-মাল', প'রতে শিরে চায় ।  
 কভু জোয়ার কভু ভাঁটা,                      নাইকো কভু কোন ঘটা,  
 তাই দিয়ে ত আনন্দ তা'ই, প্রেমের গীতি গায় ।

### ১৬৬ । ইমন—কাওয়ালী ।

আমি প্রাণ বিছায়ে রেখেছি, তোরা আয় ।  
 আয় তোরা আয় হুরা, বৃথা কাল চলি' যায় ॥  
 আয় রে কুমুদ সহ আয় শশী ছুটে আয়,  
 ফুলবাস মাখি' গায়ে আয় রে মলয়-বায় ;  
 আয় ওরে ফোটাফুল,                      আয় ল'য়ে অলিকুল,  
 আয় পাখী প্রেমে ডাকি', সূচাকতা মাখি' গায় ।  
 আয় রে বিলাস ল'য়ে রাঙা রাঙা মেঘদল,  
 হিল্লোল লইয়ে আয় সরসীর শতদল ;  
 আয় শিশু আয় হাসি',                      জাগায়ে সূভাবরাশি,  
 তান তুলে আয় বাঁশি, আয় নদী ভঙ্গিমায় ।  
 একে একে সূখে তোরা প্রাণাসনে এলে পর ,  
 ভাসিবে সে প্রাণ ধন, যা' দেখি' যমের ডর ;  
 হেতু তা'র ভাসিবার,                      কি ল'য়ে সে র'বে আর,  
 তোরা শাখা বশে এলে, মূল শাখী কে না পায় ।

১৬৭। বিঁবিট-খান্ধাজ—যৎ।

পাখি! তোরে দিয়েছে যে সুমধুর উচ্চস্বর।  
সে নহে ত অন্বে কেহ সে দয়াল সুরেশ্বর ॥

সে বিনা এই সুর-ধন,                      দিতে নারে কোন জন,  
অন্বে দিলে তা' কখন, হয় না এত সুখকর।  
দিয়েছে সে বড় সুখে,                      শুধু সাদা প্রাণ দেখে,  
প্রেম বিনা কোথায় কে, এত তা'র প্রিয়তর।  
পাখী রে! তোর স্বর শুনে,                      এই ভাব জাগে মনে,  
তোর মত বনে বনে, গাই প্রেমে নিরন্তর।  
যদি রে তুই কৃপা ক'রে,                      দিস্ কিছু ঢেলে মোরে,  
তা' হ'লে না ছাড়ি তোরে, হই রে তোর সহচর।

১৬৮। গৌরী—একতাল।

মোরে বল্ রে মাঁজের রবি।  
আর কতক্ষণ ও নীল গগন উজল করিয়ে র'বি ॥

আশে পাশে অই ছোট ঘনগুলি,                      নানাবর্ণ-রাগে উঠি' যেন ফুলি',  
কত চণ্ডে করে কত কোলাকুলি, কি যেন পাইবে ভাবি'।  
শাখী দেখি' তোর সোণার কিরণ,                      শিরে মাখি' সুখে করিছে নর্তন,  
নদী খুলি' তা'র হৃদয়-দর্পণ, দেখিছে প্রেমের ছবি।  
উদ্ভান মাঝারে কত ফুল-কলি,                      দেখে এই শোভা লাজ-আঁপি খুলি',  
গাহে সুগায়ক গৌরী-তান তুলি', রূপের সাগরে ডুবি'।

বুঝিতে যা' পারি হে রাঙা তপন ! এ খেলা তোর না আর বেশীক্ষণ,  
 ক্ষণপরে করি' বিষাদে মগন, কোথায় নুকায়ে যাবি ।  
 তা'ই বলি, শোন্ আনন্দ-বচন, পাতিয়ে রেখেছি হৃদয়-গগন,  
 হেথা আয়, র'বি সতত অমন, হরির চরণ পাবি ।

### ১৬৯ । সুরট—একতাল।

কেন রে শিখরি ! তুমি না করি' বিনত শির ।  
 ধাউতেছ শূন্যপানে হ'য়ে পুষ্ট শান্ত ধীর ॥

গাঙ্কিতে এ ধরা' পরে, বাসনা কি নাহি করে,  
 হবে তা'ই ভীতি তরে, না হেরে কেউ হেথা স্থির ।  
 আগে যবে জন্ম নিলে, কতটুকু তুমি ছিলে,  
 ক্রমশঃ যে বড় হ'লে, তব্ব তা'র সুগভীর ।  
 আগে পাপ কম ছিল, তনুও না বেড়েছিল,  
 ক্রমে পাপ বেড়ে গেল, তুমি বেড়ে হ'লে বীর ।  
 এবে তাহা বাড়ে বহু, করিতে তা'র দর্প হত,  
 তব অঙ্গ বাড়ে তত, ঢাকি' অঙ্গ অবনীর ।  
 আরো বলি, ভাব দেখি,' প্রেম'গারে রয় যে ঢুকি',  
 বাড়ে নিতাই হ'য়ে সুখী, নিদর্শন ও শরীর ।  
 তরু লতা করী করি, আছ কত বৃকে পুরি'  
 তবু মাথা নিচু করি', দেখ না তা' যেন পীর ।  
 গিরি রে ! যে ধন লাগি', তুমি এত অনুরাগী,  
 আনন্দে তা'র কর ভাগী, ছড়াইয়া আশা-নীর ।

১৭০ । ঝাঁঝিট-খাম্বাজ—যৎ ।

শোন্ ওরে তরুণ ! থাকিয়া ধরণী 'পর ।  
উচ্চশিরে উর্দ্ধদিকে গতি কেন নিরন্তর ॥

ধরা-গর্ভে যবে ছিলি, কভু না ভয় পেয়েছিলি,  
উঠলি যবে আঁখি মেলি', পাপ দেখে কি পেলি ডর ।  
তা'ই কি ধরা পরিহরি', মহাযোগী-ভাব ধরি',  
শূন্য পানে শির করি', করিস্ তপ গুরুতর ।  
যদিও তোর শিরোন্নত, ফলভরে তবু নত,  
নত বলে গুণী যত, করে কত সন্মাদর ।  
শাখী রে ! যে প্রেমী তোরে, সাজালো এমন ক'রে,  
আনন্দ ত চায় তাঁ'রে, নিবারিতে আশা-জ্বর ।

১৭১ । ঝাঁঝিট-খাম্বাজ—যৎ ।

বীণে ! যদি তোর মত সুরগ্রাম লভিতাম ।  
'স-স্ব-গ-ম-পা-ধা-নি' এ সপ্তসুরে বাজিতাম ॥

চিরদিন অনুরাগে, তিনগ্রামে ছয় রাগে,  
জাগি' ষট্চক্র-যোগে, তারাগ্রামে ঘুরিতাম ।  
বীণে রে ! অই বৃকে পুরি', রেখেছি'স্ যে সুর-পুরী,  
দেখে শুনে মনে করি, কেনা হ'য়ে রহিলাম ।  
ধবে রে তুই পুরা তানে, উন্মত্ত হ'স্ প্রেম-গানে,  
যে আনন্দ আসে প্রাণে, ভাবি, প্রাণ সঁপিলাম ।







দূরে থেকে যদি কুপা তব পাই,                      কাছে থেকে কেন প্রমাদ জড়াই,  
 তুমি দূরে যেন ঘন, কাছে শৈল সম, কাছে আসি' ভালবেসো না ।  
 কাছে এলে তুমি হবে ভাবচোর,                      দূরে র'লে র'বে ষোল আনা জোর,  
 শূন্য দূরে দেখি, তবু তাহে থাকি, ভাব-নাশে কাছে ঘেঁষ না ।  
 যে যত নিকটে সে ততই দূরে,                      যে যত দূরে সে তত কাছে ঘুরে,  
 দূরে ভাল শশী, কাছে ভাবি দোষী, কাছে বসি' দোষে হেস না ।  
 কাছে কা'রো কিছু নবীনতা নাই,                      নিত্য নব ভাবে দূরে মেতে যাই,  
 দূরে প্রেম লাগি' কাছে থাকি জাগি', কাছে ডেকে দূরে ব'স না ।

### ১৭৬ । ঝাঁঝিট-খাম্বাজ—যৎ ।

কেউ না যদি দেখে তবে উঠে না কি সুধাকর ।  
 তবে কি গাহে না পাখী, না শুনে কেউ যদি স্বর ॥

না নিলে কি ছায়া ফল,                      বিলায় না তা' তরুদল,  
 না যাচিলে কতু জল, চালে না কি ধারধর ।  
 প্রেমাবেশে হ'য়ে খুসী,                      প্রেমাকাশে ভাসে শশী,  
 প্রেমে পাখী গাছে বসি', গাহে গান মনোহর ।  
 প্রেম লাগি' তরুরাজি,                      পত্র-পুষ্প-ফলে সাজি',  
 প্রেমাবেশে হয় রাজী, বারি দিতে বারিধর ।  
 তা'রা কা'রো অনুরোধে,                      কিম্বা ছার মান-বোধে,  
 আত্মভাব নাহি রুধে, ভাবি' কতু আত্ম পর ।

১৭৭ । ঝাঁঝিট-খাম্বাজ—যৎ ।

ভালবাসা পাবে ব'লে বাজে না এ হৃদি-বীণ ।  
নিজেই বাজিতে থাকে নিজ ভাবে হ'য়ে লীন ॥

কা'রো না শুনাতে পাখী,                      গেয়ে উঠে গাছ থাকি',  
ভুলাইতে কা'রো আঁখি, ফুটে না ফুল নিশি দিন ।  
শুনিবারে যশোগীতি,                      না চলে পবন মাতি,'  
না সাধিতে নিশাপতি, ভাসিতে নয় উদাসীন ।  
নিজ ভাবে ডাকে পাখী,                      পুষ্প হয় উর্দ্ধমুখী,  
রঙ্গে বায়ু বহে দেখি, ইন্দু-করে নিশা—দিন ।  
স্বভাবের কি সুরীতি,                      স্বতঃই প্রাণ গুণে মাতি',  
করে সদা গুণি-স্তুতি, সবিনয়ে হ'য়ে দীন ।  
ভালবাসা, মান-তরে,                      যে কোন কাজ যেনা করে,  
আনন্দ না তা'কে ধরে, না হয় সে প্রেমাদীন ।

১৭৮ । সুরট—একতাল।

ভবে কে পায় সহজে তা'রে ।

সে লভে সে ধন,                      সাধনে যে জন,  
এ ভব-পায়োধি মথিতে পারে ।

সে বিকচ গোলাপ গহন কাননে,                      সে বিমল তারকা সুদূর গগনে,  
সে তরু শিরে ফল, সুধা চন্দ্রাননে, মধুক্রমে মধু সুউচ্চ করে ।  
সে খনির-যে মণি, আমিহারা ধন,                      সে যুগালে সরোজ, সরস-জীবন,  
সে প্রেম-জাগরণে ঘুমন্ত স্বপন, রাগের গমক বীণার তারে ১.

সে প্রলোভন মাঝে সদা তৃপ্ত মন,                      সে নিদাঘ তুষায় জলদ-জীবন,  
 সে কারণ-হিল্লোলে তুরীয়-শয়ন, রতন, অগাধ অশুধি-নারে ।  
 সে রমণীর ঠাঁই অটুট সংঘম,                      সে অনিত্য সংসারে অকাট্য নিয়ম,  
 সে স্বর্গ কামনায় নিষ্কাম অসম, স্থির আত্মজ্যোতি স্মৃতি-হারে ;  
 সে অণু হ'তে অণু, স্থূল-স্থল্ল-ভূতে,                      সে পূর্ণ নিরাকার, সাকার এ ভূ-তে,  
 সত্য স্বপ্রকাশ অনৃত্ত্ব-ভূতে, আনন্দ-বিচার, অমিতাচারে ।

### ১৭৯ । বিঁবিট—দাদুরা ।

আয় নারে মন! আয় ছ'জনে প্রেমের খেলা খেলতে যাই ।  
 আমি একলা খেলে পাই না মজা, দোসর হ'লে শান্তি পাই ॥

একা যখন খেলতে আসি,                      ভাব-সাগরে নাহি ভাসি,  
 ভক্ত পেলো হৃদয় খুলে, হরি ব'লে নাচি গাই ।  
 খেলায় যত সঙ্গী যুটে,                      ততই দেখি তুফান ছুটে,  
 তুই যুটলে এবে মিলবে সবে. মিলতে কোন বিয় নাই ।  
 দশের সাথে প্রেমের খেলা,                      জুড়ায় প্রাণের সকল আলা,  
 সবে খেলবে এসে ভাবে মিশে, আমার সদা ইচ্ছা তা'ই ।  
 এমন খেলা কোথা আছে,                      কেউ না ছোট কা'রো কাছে,  
 নাচে প্রেম-তরঙ্গে সবে রঙ্গে, স্বর্গ যেন সর্ব ঠাঁই ।

### ১৮০ । খান্বাজ—একতাল।

যেন কা'র আশে আমি বাসে রই ।  
 কে সে তা' জানি না কিরূপ দেখি না অথচ দেখার পিয়াসী হই

যে শোভা যখন দেখি মেলে আঁখি,      সে শোভায় তা'র কত ভাবে আঁকি,  
 সহসা কোথায় ডাকে যদি পাখী, মনে করি ডাকে সে যেন অই ।  
 আনে যবে বায়ু কুসুম-স্বাস,      সে আসিবে তবে, পাই সে আভাস,  
 ভানু সোম জাগি' বাড়ায় বিশ্বাস, কালের আশ্বাসে সকলি সই ।  
 ঘুমাইতে যাই দেখিয়া স্বপন,      চকিত পরাণে করি সম্বোধন,  
 হেন ভাবে আসে জাগর্দি যখন, বলি ক্ষোভে, হায় ! কই সে কই ।  
 তবে কি তাহার পাব না দর্শন,      ছি-ছি এ কি কথা, সে যে প্রাণধন,  
 প্রাণ হবে যোগে স্থস্থির যখন, তিলেক না র'বে সে আমা বই ।

১৮১ । খাম্বাজ—একতাল।

তুমি যথা আছ, রহ তথা সদা,  
 আমি যথা থাকি কাঁছে আসিব ।  
 আমি যে ভাবেই রই, সে ভাবে তোমার,  
 সেবায় নিরত থাকিব ।

তুমি চিরদিন আপন কিরণে,      চির সুশোভিত মহিমা-ভবনে.  
 থাক অচঞ্চল, শান্ত সুবিমল, সুখে আমি তা'ই দেখিব ।  
 তুমি দিবানিশি বিজ্ঞানে জাগিয়ে,      চিদানন্দে রও প্রকৃতি দেখিয়ে,  
 আমি আশা-হারে হৃদয় সাজিয়ে, তব পদে তাহা ঢালিব ।  
 তুমি ভাবিও না আমার লাগিয়ে,      আমি তোমা তরে আনন্দে জাগিয়ে,  
 তোমাকে দেখিয়ে তোমার হইয়ে, তব প্রেম-স্রোতে ভাসিব ।

## ১৮২ । ভৈরবী—একতালা ।

আমি তা'র গোঁজে কেন ঘুরে মরি ।

সে ত সর্বাধারে ব্যাপ্ত বোমাকারে, জাগ্রত স্বরূপে চরি' ॥

ভাসিছে নয়নে নয়ন দেখে না, হৃদয়ে র'য়েছে হৃদয় জানে না  
 বুদ্ধিতে খেলিছে বুদ্ধি তা' বুঝে না, ভাবে, সে কতই অরি ।  
 কত বিশ্ব তা'র বুকতে ফুটিছে, কত ভাবে সদা কতই খেলিছে,  
 যবে যা' যেতেছে তাহাতে ডুবিছে, সে আছে স্বভাব ধরি' ।  
 সে আমার সদা আমি তা'র নই, কোন্ মুখে ইচ্ছা কা'রে আর কই  
 এ সংসারে আর কেহ না সে বই, কা'রো না ভরসা করি ।  
 হৃদে যদি পাই যাহা সদা চাই, অভাব বলিয়ে কোন ভাব নাই.  
 বুঝিবার ভুলে হেথা সেথা ধাই, একে ওকে তা'কে বরি ।

## ১৮৩ । কাফি-সিন্ধু—জলদ একতালা ।

আমি ছুঁবো কা'রে এ সংসারে হেলা ফেলার কেহই নয় ।

যা'কে দেখি যখন যেথা, তা'কেই ভালবাস্তে হয় ।

তরুর কোলে ফুলের খেলা, নদীর বৃকে লহর-দোলা,  
 গগন-গলে তারার মালা,— ভালবাসার অর্দ্ধোদয় ।  
 ভালবাসা ছুবন ভরা, অসাধ্য তা' বিভাগ করা,  
 ' ছাড়িয়ে তা' যায় না সরা, প্রাণকে আছে করি' জয় ।









পরাণে যা'র যে ভাব থাকে,                      রয় ফুটে তা' চোখে মুখে,  
 তা'ই বদনে চতুর লোকে, স্বভাব-সূচী দেখতে পায় ।  
 প্রেমে আনন হাসি ভরা,                      কামে তা' হয় বিষাদ-জরা,  
 রোষের ভাবে আগুন পারা, লাবণ্যহীন হয় ছলায় ।  
 ফুল সম যে হৃদয়খানি,                      না রয় কভু অভিমানী,  
 সদ্ভাব সব কাছে আনি', প্রেমানন্দে লুটায় পায় ।

১৮৯ । খাম্বাজ-মিশ্র—একতাল।

মো'রে কে তোরা করিলি শাস্ত ।  
 আমি ছিলাম মরুতে ত্রিতাপে পুড়িতে, মরীচিকায় হ'য়ে ভ্রাস্ত ॥  
 মো'রে কুড়ায়ে আনিলি ঘরে,                      খাওয়ালি কত কি সুখের তরে,  
 কত আনন্দ বাড়ালি আতঙ্ক তাড়ালি, জুড়ালি প্রণয় করে ;  
 আমি জানি না কোনও কৰ্ম্ম,                      পালি না কোনও ধৰ্ম্ম,  
 তবু তোরা সবে রাখিস্ গৌরবে, সেবায় না কভু ক্লাস্ত ।  
 এতদিন আমি আপন জানি',                      যে ধন লভিয়ে ছিলাম মানী,  
 সে ধন এখন স্বপন-মতন, অনৃত অসার মানি ;  
 এখন তোদের দেখিয়ে,                      ধাঁধা যা' গিয়েছে কাটিয়ে,  
 তবু যা' বুঝেছি সত্য যা' চিনেছি, জেনেছি কে প্রাণকাস্ত ।

১৯০ । খাম্বাজ-মিশ্র—যৎ ।

আশা ছিল তো'র নাম মুখে আর আনিব না ।  
 তো'র রূপ-জ্যোতি-জালে বন্ধ আর থাকিব না ।

কি জানি কি ঘুম-ঘোরে,                      কি যেন এক দেখি' তোরে,  
 ভাবিয়াছি এ জীবনে, তোকে কভু ভুলিব না ।  
 ভুলিলে না যায় ভোলা,                      ভুলিতে পারে নি ভোলা,  
 ভুলি ভুলি করি' মিছা, আর ভুলে পড়িব না ।  
 স্মৃতি-ঘরে তুই যে আসি',                      যা'স্ কত ভালবাসি',  
 এ গুণে ত কেনা আছি, মিছা দোষী করিব না ।  
 তাজিয়া সচ্চিদানন্দ,                      আনন্দ না চায় হৃন্দ,  
 জাগ তুমি তব ভাবে, অণু কিছু কহিব না ।

১৯১ । বিঁঝিট মিশ্র-- একতালী ।

আমি ভুলিব তাহারে কেনে ।  
 সে যা' ভাল ভবে,                      আছে সে বিভবে,  
 জীবিত নবীন জীবনে ।  
 সে ধন আমার ছিল যবে ঘরে হে,  
 এ সাজে সাজিয়া বসুধা ব্যাপিয়া জাগিত না সুখ-তরে হে ।  
 শুধু বদনে ভাসিত বিধু,                      বচনে ক্ষরিত সীধু,  
 সদা হাসিতে চাঁদিনী ফুটিত আপনি, ফ্লাদিনী নলিনী-নয়নে ।  
 ছিল সীমা মাঝে তা'র ক্ষীণ প্রাণ হে,  
 ছিল না এমন সমুদার মন, এমন করুণা-দান হে ;  
 সে ত খেলিত না হৃদে এত,                      ভয়, জালা করি'গত,  
 কভু ভিতরে বাহিরে এরূপ ফিকিরে, ভাসিত না প্রেম-কিরণে ।



প্রাণটা তা'র এত উদার,                      খুঁজে কেবল শান্তি আমার,  
 যুম আসিলে আমি যুমাই, না জেগে সে স্থির থাকে না ।  
 প্রতিফলে তাহার মত,                      নব ভাবে কে জাগ্রত,  
 কাল-ভয়ে সবে ভীত, কালের সে ভয় রাখে না ।  
 হ'য়ে মিশে এক হ'তে,                      একে বিশ্ব টেনে ল'তে,  
 আশা যত তা'র সতত, তত আশে কেউ নাচে না ।  
 শুনে এত কেবা কবে,                      পত্নীহারা আমি ভবে,  
 অন্য যা' তা' পেত্নী ভেবে, আনন্দের ভাব ছুটে না ।

১৯৩ । গৌরী—একতাল।

আর কেন টান রে সংসার ।

তব স্নেহ দয়া বাহা,                      বুঝিয়াছি বেশ তাহা,  
 আঁধারে দিয়েছ ঠেলি' শুনি হাহাকার ॥

বাজিত যে কালে বাসনা-বাশরী,                      পরাণ-সাগরে উঠিত লহরী,  
 সে কালে হেলায় মমতা পাসরি', শ্মশান ক'রেছ আনন্দ-আগার ।  
 সে কালে তোমারে কত কি ব'লেছি,                      হাত পা ধরিয়া কতই কেঁদেছি,  
 কিছু না তখন জুড়াতে পেয়েছি, স'য়েছি কেবল যাতনা অপার ।  
 চিতায় তুলেছ আনন্দ-জীবন,                      সাগরে রতন ক'রেছ মগন,  
 হৃদয়ে পেতেছ বিষাদ-শয়ন, আশায় হেনেছ কঠোর কুঠার ।  
 ঠেকিয়া ঠেকিয়া জানিহু যখন,                      কেবল বিপথে কাটাই জীবন,  
 ল'য়েছি তখন স্বভাব-শরণ, ঘুচাতে মরণ মানস-বিকার ।  
 দেখ রে এখন র'য়েছি কেমন,                      যাচি না খুঁজি না কোণেও রতন,  
 তথাপি মিলে তা' মনের মতন, সকলি বলিছে—সকলি আমার ।

অঠ ডাকে শশী “আয় আয়” বলি,’ বায়ু বলে—চল্, গায়ে পড়ি’ চলি,’  
 নদী বলে, “সাথে আয় প্রেমে গলি’, ভবাৰ্ণবে মিশি’ হই একাকার” ।  
 অনন্তের সখা বিহগ গাহিছে, “আয় উড়ে হেথা তোরে কে ডাকিছে”,  
 অনন্ত আকাশ আশ্বাস দিতেছে, “কেহ নাই যা’র আমি রে তাহার” ।  
 হৃদয়-গোলোকে কে যেন এখন, করিয়া আনন্দ-মুরলী-বাদন,  
 বলিছে “আনন্দ থাক রে চেতন, কি নাই তাহার আমি রে যাহার” ।

### ১৯৪ । কেদারা—আড়াঠেকা ।

- আড়ালে থাকিলে যদি জুড়ায় অন্তর তা’র ।  
 থাকুক সে সুখে তথা সাজাইয়া ক্রীড়াগার ॥
- তাহার যে ছবিখানি পরাণে অঙ্কিত মোর,  
 সে ত আর তা’র তরে পারে না করিতে জোর,  
 আমি তা’কে তথা দেখি’ কাটাবো বিরহ-ঘোর,  
 দেখিব সে ছিঁড়ে কিসে, হৃদি-বীণা-প্রেম-তার ।
- আবার তাহার প্রাণে যখন আমার প্রাণ,  
 বিছানো বিছানা সম, কামিতে পারে না টান,  
 না পারে কাহারো হৃদে বাজিতে বিরহ-বাণ,  
 যে ভাবে যে থাক্ যেথা, নহে দূরে কেহ কা’র ।
- এ হেন নিগূঢ় ভাবে কি ভয় অমর-সুখে,  
 বিষাদের গুফ হাসি কখন শোভে না মুখে,  
 না পারে শোকাশ্রু-মালা খসিয়া পড়িতে বুক,  
 এবে সে করুক যাহা, মানি তা’ আনন্দ-সার ।



শূন্যের বিমানে চাপি' অই ত প্রাণের প্রাণ,  
 প্রাণয়-কৌতুক সব ঘনকে করিল দান,  
 তারাহারে দিল জ্যোতি, শশীকে বিমল মতি,  
 নভোকে উদার হৃদি, শান্তি—ক্ষণদায় ।  
 সোহাগে বিহগে দিল মাধুরী-লহরী ঢালি',  
 নিবুমে কুসুমে দিল সুযশ-সুবাস-ডালি,  
 কবিকে কল্পনারাশি, বিরহীকে আশা-বাঁশী,  
 রসিকে রসের ভাষ, কামনা—মাতায় ।  
 পাইয়া সুখমা তা'র প্রকৃতি উঠিল জাগি',  
 হইল অচল অই তাহার স্থিরতাভাগী,  
 নিল সিন্ধু ভাব-রত্ন, বায়ু নিল সেবা যত্ন,  
 ভঙ্গী নিল শৈবলিনী, বিনয়—ধরায় ।  
 বসিল সুযোগে যোগী পেয়ে তা'র ব্রহ্মধ্যান,  
 শিশু নিল সুখ-নিদ্রা, সুবিচারী—আত্মজ্ঞান,  
 স্নেহ নিল পুত্রবতী, সরলতা নিল সতী,  
 সুমন্ত্রী মন্ত্রণা নিল, বিলাস—রাজায় ।  
 যে যা' পারে নিল ধন, যা' ছিল সঞ্চিত তা'র,  
 কেবল বঞ্চিত আমি, হ'লাম ভাবিয়ে ছার,  
 ছরু ছরু কাঁপে হিয়া, চিন্তাজরে জীর্ণ কায়া,  
 শুধু এবে গুরু-দয়া ভরসা হেথায় ।



১৯৭ । খান্ধাজ—পোস্তা ।

জোর জবরে প্রেমকে ধ'রে আটকানো না সহজ হয় ।

ভূঁইচাঁপা তুল ভূঁই-ফোঁড় প্রেম, সহজ ভাবে উপজয় ॥

ফুল ফুটিলে গন্ধ ছুটে,                      চাঁদ উঠিলে কিরণ ফুটে,

প্রাণটা তখন কুসুম-বন, হয় যখন প্রেমোদয় ।

প্রেমে বারেক প্রাণ মজালে,                      যায় না তাহা আর ঘোলালে,

প্রাণ গেলেও সে প্রাণের সাথী, ভোলার ধন ভোলার নয় ।

সহজ প্রেমের প্রেমিক যা'রা,                      কেমন যেন পাগলপারা,

সর্বভাবে মুক্ত তা'রা, বিরহের না রাখে ভয় ।

সাজলে প্রেমী স্বার্থে প'ড়ে,                      ছ'দিন ডাগর প্রেমের কেঁড়ে,

খটকা পেলে যায় গো ফেলে, নজর দিয়ে রিপু ছয় ।

স্বার্থজ প্রেম কে বলে প্রেম,                      সহজ প্রেমই প্রেমের হেম,

স্বার্থ প্রেমে কেবল গরল, সহজ প্রেম সুধাময় ।

১৯৮ । সর্ফর্দা-মিশ্র—একতালী ।

জা'ত্‌ কুল মান সবার সমান প্রেমের দরবারে ।

সেথা রাজা প্রজা সাজা মজা, ভেদ কিছু নাই বিচারে ॥

সেথা নাই গুণে আবাহন,

নাইকো দোষে হিংসা রোষে কা'রো বিসর্জন ;

তথা সহজ রাগে প্রাণটা আগে ছুটে যায় ব্যোম-আকারে ।

প্রাণে তথা রয় না আবরণ,

একই রকম সবার ধরম একই আচরণ,

সবে একই তালে একই বোলে মগ্ন রয় রস-আচারে ।

রাজা যিনি এম্নি দয়াধার,  
 সবাকে সব দিয়ে বিভব আপ্নি শূণ্ণাকার ;  
 তাঁর নাই কোন ভোগ নাই কোন রোগ, নন তিনি যোগ-আচারে ।  
 তবু তাঁ'র সর্ব্বঘটে বাস,  
 প্রাণে সবার খেলছে রে তাঁ'র রস-চিদাভাস ;  
 ভক্ত সেই আভাসে তা'তে ভাসে, রয় না আশে গুঞ্চারে ।

১৯৯ । মূলতান—দাদরা ।

প্রেমের কেছা আছা মজাদার ।  
 প্রেমে নিত্য নূতন রকম রকম ভঙ্গী দেখি চমৎকার ॥

কুতূহলে প্রেমের থ'লে উট্কাতে যে চায়,  
 বেলে আর আটুলে প্রেম দেখতে তথা পায়,  
 চাট্ ঘাছা তা'র, তাছাও ক্রমে ব্যক্ত হ'য়ে যায় ;  
 তবে যায় গো বুঝা কিসে মজা, কোন্টা খাঁটি দানাদার ।  
 বেলে হেসে উড়ে এসে যুড়ে বসে প্রাণ,  
 দানে দাতাকর্ণ, বলী, সেবায় যেন বাণ,  
 বেলের চোরা সান্নিপাতের বেজায় তৃষ্ণা-টান ;  
 থাকে রূপের ঘরে নজর পেড়ে, হ'য়ে লুঠো চৌকীদার ।  
 লাগিয়ে চারে ভুগিয়ে মারে এম্নি ঘুঘুর গুণ,  
 হিড়িক এলে পলায় ফেলে মাথায় কালি চূণ,  
 চুইয়ে ল'য়ে পরাণ মন শুথিয়ে করে খুন ;  
 • এর চক্ৰমকিতে রয় যে মেতে, হয় সে ছুথের তন্নীদার ।

আটলে প্রেম পাক্ড়ে ধরে নাছোড়বান্দা হয়,  
 বাসি যত মধুর তত দাপট সুখে নয়,  
 উড়ায় মায়া জুড়ায় কায়া, তাড়ায় ভাস্তি-ভয় ;  
 রাখে রতন-ঘরে যতন ক'রে, খুলে প্রাণের গুপ্তদ্বার ।  
 মানের আঁচে মুস্ড়ে থাকে, জাগায় ঝায়ে তোড়,  
 স্বার্থ-খোঁচা লাগলে বোঁচা, লাগায় চোঁচা দো'ড়,  
 খটখটে না, চট্চ'টে গোছ, জমায় প্রাণের যোড় ;  
 ভবে যে তা'র ভক্ত, হয় সে মুক্ত, বিশ্ব-চৌকীর জমাদার ।

২০০ । ঝাঁঝিট-খান্ধাজ—ঠুংরী ।

প্রেমে কোথাও ফ্যাসাদ কিছু নাই ।  
 যা' আজ আছে কা'ল চ'টে গেল, পীরিত না সে কুরীত ভাই  
 পীরিতে নাইকো কোন পণ,  
 পীরিত না যাচে মান ধন,  
 চায় সে হাজির, ভাবের নজীর, পুরা মণের মন ;  
 সে খুঁজে না রূপ, বুঝে না ভূপ, পূজে কেবল প্রাণের গাই ।  
 প্রেমে দেয় না কিছু বাদ,  
 নিজেই তাহা পুরায় সকল সাধ,  
 তাহে নাইকো মানা বাবুয়ানা, ধ'রতে হাতে চাঁদ ;  
 যথা প্রেম-তরঙ্গ তথায় রঙ্গ, অপরাধ না দেখতে পাই ।

পীরিতের অসীম সহপুণ,

কভু তা' না ধরায় হাড়ে যুগ,

কা'রো মুখে দেয় না স্নেহে, মাথিয়ে কালি চূণ ;

সে গেলেও মাথা দেয় না বাথা, কোন ভাবে হয় না টাই ।

দেখ লে নবীন রূপের হাট,

প্রাণ-গোরাক্ষ হয় যে ভাবে কাঠ.

সে ভাব মোটা—স্বার্থ-খোঁটা, লাগায় নানা নাট ;

তা' বাধায় গোল, করে পাগল, নিরানন্দের দেয় গো নাই ।

• প্রেমকে যেন ঠাণ্ডের বেণের মাল,

উড়ে তা'র অঙ্গে আগে শাল.

সে শাল শেষে হইয়ে শূল, হয় পীরিতের কাল ;

যেন প্রেমের বেণে কয় সে খুনে. “পীরিত ছাই ঘোর বালাই”

২০১ । লুম—একতালী ।

পীরিতের রীত বুঝে ক'জন ।

যেন ইয়ার বুনো, “বুনো” “কুনো,” ছই ভাবে তা' গায় কেমন .

বুনো পীরিত কাঁপিয়ে পড়ে গায়,

আড় নমন, মুচ্কে হাসি, ঠমক ঠাট চায়.

চায় চক্চ'কে মুখ, তক্ত'কে বুক, লট্ঘ'টে-ভাব প্রস্রবণ ।

যেমন রূপে ভাঁটা দেখতে পায়,

বাসি ভেবে আসি ব'লে টাটকা দিয়ে ধায়,

আর রসের কেলা, রসগোলা, জুড়ায় নাকো প্রাণ তখন ।

কুনো পীরিত নববধুর প্রায়,  
আসতে কাছে সরে পাছে, সরম বড় পায় ;  
যবে চোখোচোখি, মাথামাখি, অমৃতময় হয় জীবন ।

যে ভাবে তা' যতই খায় পোড়,  
ততই পাকা প্রাণে মাখা. ছুটায় সুখের তোড় ;  
সে করি' আড়ি রয় না ছাড়ি'. ভুলেও না দেয় বেদন ।

দেখতে পাঠি বুনো প্রেমিকজন,  
কথায় আগে কল্পতরু নাটের মহাজন ;  
শেষে উইপোকাটা, সকল মাটি, সার করার দিক-বসন ।

ঝুইয়ের মত কুনো পীরিতখোর,  
আগে ধিমে, ক্রমে বিমে, অন্তে টানে ডোর ;  
কভু সাজে না চোর করে না জোর. সদাই দেয় সুখ-রতন ।

## ২০২ । বিঁবিট—একতাল।

বাঁশীর মত বাজলো কাণে অই বুঝি প্রাণসখার গান ।  
অনিল যেন আনলো ব'য়ে, প্রেমভরা তা'র দূরান্বান ॥

আর কি মন ভাবতে পার,                      খোঁজ করে না সখা কা'রো,  
কেন ভ্রমে ঘুরে মর, বুঝ, তা'র কি উদার প্রাণ ।  
ছাড় অসার বিষয় এবে,                      ভুল ক'রেছ তা'কে সেবে,  
দেখ লে আগে একটু ভেবে, ছুটতো না এঁ ছুখের বান ।

বোঝা ভারী আর না করি',                      মোহ-বনে আর না চরি',  
চল প্রেমের নিশান ধরি', ক'রতে তা'কে আত্মদান ।

২০৩ । দেশ-মিশ্র—যৎ ।

এ ধন ত কবে ভুলেছি ।

আর কি ছাড়িতে পারি যবে পেয়েছি ॥

সবে ত এই হ'ল দেখা,                      এরই মাঝে সবই পাকা,  
মন প্রাণ যায়নি রাখা, সব ঢেলেছি ।  
এই যা' আমিহু জাগে,                      তা'র স্বামিহু-অনুরাগে,  
তা'রই যেন সেবা-যাগে, আমি র'য়েছি ।  
ছিল যাহা দেখিবার,                      যত কিছু লভিবার,  
এ রতন পেয়ে তা'র, আশা ছেড়েছি ।  
বিশ্বে যা'র যাহা সার,                      এ রতনে সস্তা তা'র,  
তা'ই এ ত বিখ্যার, ব্রহ্ম ভেবেছি ।

২০৪ । ধানশ্রী—ত্রিতালী ।

আমায় ফুটায় তুমি কেন ডুবিয়ে ।

আমায় ডুবায় তুমি উঠ ভাসিয়ে ॥

গোমুখী-নিব্বার তুমি,                      নিম্নে ত নিম্নগা আমি,  
তব ভাব-অনুগামী, পদে থাকিয়ে ।



আমিত্তের বাইরে বাহা,                      ল'য়ে ধী-মাপকাঠি তাহ  
কিরূপ কবে রহে কাঁহা, মাপতে যাওয়া বিড়ম্বন ।

### ২০৬ । মল্লার-মিশ্র—যৎ ।

সতী যেমন পতি বিনা আর না কা'রো সঙ্গ চায় ।  
তেমতি এক পতি বিনা, মতি না মোর তৃপ্তি পায় ॥

ভিন্ন ভিন্ন রূপ-নামে,                      বহু পতি বিশ্বধামে,  
মত্ত থাকে যেবা কামে, সে সবার কাছে যায় ।  
যায় বটে পতি ছাড়ি',                      লোভে পড়ি' পরের বাড়ী,  
হাটে যখন ভাঙে ঠাঁড়ী, সবার ঠাঁই গালি খায় ।  
কলঙ্ক বই তখন আর,                      নাহি অণু অলঙ্কার,  
ছি ছি তেন ব্যভিচার, স্বধর্মের অন্তরায় ।  
আনন্দের মতি-সতী,                      আত্মাকে সে মেনে পতি,  
রাম গ্রাম পশুপতি, কা'রো দিকে নাহি চায় ।

### ২০৭ । খাম্বাজ-মিশ্র—একতাল।

আমি যেন আর না হই আমার, আমার সে ধন ভাবিয়ে ।  
যেন তা' তোমার বলি অনিবার, তোমার সকলি জানিয়ে ॥  
আর যা' আমার, মানিয়ে সুসার চ'লেছি জীবন-পথে,  
তোমার বলিয়ে লও তা' টানিয়ে তোমার বিশাল রথে,  
তুমি স্বামিত্ব-কে তন উড়ায়ে,                      আমিত্ত মমত্ব কুড়ায়ে,  
আপ্নন প্রভাবে জাগাও স্বভাবে, আপন মহিমা লাগিয়ে ।



মন কোন আশ, যেন রে প্রকাশ, না হয় তোমার কাছে,  
 তব আশা সব লভুক্ গৌরব, এ নব জীবন মাঝে,  
 তুমি আপন ব্যাপার দেখিয়ে, স্বভাব-সমতা রাখিয়ে,  
 গগন সমান থাক বর্তমান, আপন আনন্দে ডুবিয়ে ।

২০৮ । গান্ধাজ-মিশ্র—বৎ ।

চাঁদিয়া ডুবিয়া গেছে, খেলিছে সুখমা তা'র ।  
 সঙ্গীত খামিয়া গেছে, বাজে অদি-বীণা-তার ॥

তব পূর্ণভাব কবে, মগ্ন ছিনু আমি ভবে,  
 আ'জ্ঞা মনে স্মৃতি তা'র, জাগরিত অনিবার ।  
 তা'ই বেন সর্গ ভাবে, স্তিত হ'তে পূর্ন ভাবে,  
 তব মাঝে প্রাণ পণে, খুঁজি সেই তথ্য সার ।  
 নার কি প্রেমিক তুমি, জীব-রূপে নিগণ আমি,  
 জানাও তা' হ'দে জাগি', করি' বোধ-সুপ্রসার ।



# যোগ-সঙ্গীত ।

২০৯ । ঝাঁঝিট-মিশ্র—একতাল।

মন ! তোরে ত হনোর বলি ।

তুই ভোগ না বরি' যোগী হ'লি ॥

বায়ুর কছলু খুব মেহনৎ, মন না থাকে তাহে গলি',  
বুঝে স্নযোগ বাড়াতে ভোগ, চালায় এ যোগ যা'রা ছলী ।  
সিদ্ধি-রাগে বায়ু যোগে আগে ত জীব কুতূহলী,  
নানা রোগে অভিযোগে শেষে হৃন্দ দলাদলি :  
'যোগ কৰ্ম্মসু কৌশলম্' সে যোগ নয় ভোগের থলি,  
কৰ্ম্ম ত হুয় কাল-ব্যবহার, যোগ-কায যা', কালকে ছলি' ।  
কৰ্ম্ম জ্ঞান ভক্তি যাহা, এক করে তা' যোগকুশলী,  
তা'ই 'সমত্বং যোগ উচ্যতে' গীতার এ বাক্যাবলী ।  
চিত্তবৃত্তি-নিরোধ যোগ, এ মত-প্রবর্তক পতঞ্জলি,  
সংহিতা-মত, ঠিক বায়ু-পথ, চ'লতে যোগে রিপু দলি' ।  
পাকুক্ যত পথ বা মত, উর্দ্ধ লোকে ক্রমে চলি',  
কাল-ভূতের না চাপলে শিরে, ভাবে যোগী প'ড়্বে চলি' ।  
কালের শিরে চেপে যে দেয় শিবের পদে আশ্রবলি,  
না পড়ি' রোগে সেই স্নযোগে, হয় সে যোগে আশ্রবলী ।

২১০ । ঝাঁঝিট-মিশ্র— একতালা ।

প্রেমটী আমার চাবিকাঠি ।

হোক্ যেমন তাল্লা যায় তা' খাটি' ॥

নয় দেউড়ীর সদর বাড়ীর ত্রিতল যে অন্দর বাটা,  
 স্তরে স্তরে ছোট বড় ছয় চকে তা' পরিপাটী ।  
 প্রতি চকের তিন দরজা, ভেতরে এক, পার্শ্বে দু'টা,  
 ভেতর দ্বার সূক্ষ্ম অতি, উপর যা'বার রাস্তা সেটা ।  
 এক তলাতে পাঁচ ভূতেতে ঘন্ডে করে লাঠালাঠি,  
 দ্বিতল' পরে ছয় ইয়াবে, নাচাধ রাজার ক'রতে গাটি ।  
 ত্রিতলোপর মস্ত্রী বসি' বিচার করে খুঁটি নাটি,  
 শম দমাদি ছয় প্রহরী আগলে সদা আছে ঘাটি ।  
 ত্রিতল ভিন্ন অণ্ড যে এক চন্দ্রশালা আছে খাঁটি,  
 সাক্ষীরূপে পুরুষ তথা দেখে কালের ছুটাছুটি ।  
 আর এক কথা, আছে তথা চিদানন্দ-সুধার ভাঁটি,  
 অমর সেজন, তথা যেজন পান করে তা' বাট' বাটি ।  
 আনন্দ কয় প্রানের চাবী সম্বল যা'র থাকে গাঁটি,  
 সে তাল্লা টুটে উপর উঠে, দেখে এ সব ধোকার টাটি ।

২১১ । ঝাঁঝিট-মিশ্র— একতালা

সাধ ক'রে কি তোরে বরি ।

তুই নাচলে শিরে আমি তরি ॥

## আনন্দ-নিবরি

নীচুর তলায় যুগাস্ যখন উপর তলা পরিচরি',  
আমি তখন মোহে মগন তোর না কিছু সেবা করি ।  
জাগিস্ যবে মনকে ল'য়ে, উঠিস্ উপর সূত্র ধরি',  
ছয় তলাতেও পাই নিশানা, মাও তলাতে পড়িস্ সরি'  
তখন কি তুই, আমিই বা কি, এ সব কিছু নাহি স্মরি,  
চিত্তাকাশে শুধু ভাসে চিদাত্মা এক অবিকারী ।  
শুণের খেলা বত বেলা ততক্ষণই হর হরি,  
নির্গুণে হয় নাম-রূপ লয়, স্বরূপে মোর সদা চরি ।  
প্রজ্ঞা বিনা স্বরূপ ঠিক যায় না জানা কালকে হরি',  
হঠে কভু কালুনা হটে, মনটা বটে প্রাণোপরি ।

২১২ । ঝাঁঝাট-মিশ্র - একতালি ।

ঝাঙার ঘাটে যোগ যা' চলে ।

কেবল লোকভুলানো কলে ছলে ।

প্রাণভুলানো যোগে আগে যোগীর যদি মন ন' চলে,  
ভেকী করি' ক'দিন বল রাখবে আগুন পাশের তলে ।  
আ'জ কাল যা' যোগের ডিপো খুলছে ভোগী নানাশূলে,  
সে ডিপোযোগের মাথায়া এই—ছ'দনে দেয় রসাতলে ।  
যোগ আছে ত বত একম, সব না নিস্ক ভাল কলে,  
আত্মভাবে মনের লয়, যোগী এ যোগ শ্রেষ্ঠ বলে ।  
এ যোগে নাই কছলং ছল, বনে বাস বা তরুতলে,  
নাইকো কোন বাগাড়ম্বর, কর্মভ্যাগী হওয়া বলে ।

এ যোগের নাই কালাকাল, না চায় ইহা কোন দলে,  
 এ যোগ হয় যথা তথা, যখন তখন সুকোশলে ।  
 তবে বলি, চিত্ত যদি পূর্ণ থাকে পাপ-মলে,  
 ক্রমশঃ তা' যার সরিয়ে, দগ্ধ হ'লে জ্ঞানানলে ।  
 সম্ভাব কি, ক'রলে বিচার, নিশ্চিত প্রাণ প্রেমে গলে,  
 প্রেম হবে পূর্ণরতি, আর না মন ভ্রমে টলে ।  
 নাক টেপাদি যে ডিপো-যোগ, চ'ল্ছে এবে ভোগীর দলে,  
 সে যোগ করি' রোগ বাতীত অণু কোন ফল না ফলে ।  
 সুযোগের এট উপায় আজি আনন্দ কয় কুতূহলে,  
 অমিত্ব-খণ দাও নিশায়ে আনন্দ-সাগর-জলে ।

## ২১৩ । বিষ্ণু-গীতা—একতাল ।

\* জাপ রূপে আর কি রণ চলে ।

দেহে চ'ল্ছে তা', রণ যা'কে বলে ॥

কলুষ হয় প্রবল ক্রম, সবল-মন-জাপ-বলে,  
 নাশিতে যায় সদা তেড়ে, দেখায়ে বল নানা ছলে ।  
 মায়া-অর্থার যেক্রমে ক্রম সাজিয়েছে দুঃখ-কলে,  
 ঘেম হিংসাদি লক্ষ সৈন্ত ঘুর'ছে তাতে কুতূহলে ।  
 আশা-স্ব'লুব বেলায় তবে জাপ বলে যে ক্রমকে দলে  
 ক্রম না তাতে চিবনষ্ট, পুষ্টি হয় সে বলে তলে ।  
 দাপ-স্বার্থাদি যে ক'টা বীর গেছে ক্রমের রসাতলে,  
 তেমন বীর অনেক আসি' ঘুট'ছে দলে প্রতিপলে ।

\* এই গানটী রুঃসা-জাপান যুদ্ধের সময় বিরচিত ।

যে ছয় পাকা সেনাপতি যোগ দেছে সে রুষের দলে,  
 যুদ্ধে তা'রা বিশেষ পটু, জল স্থল কি নভোস্থলে ।  
 আপাত বটে জাপের জয় যোগ্য মন্ত্রী-বুদ্ধিবলে,  
 জিতলে কি হয়, জেতার তা'র বিষম হা'র দেখি ফলে ।  
 রুষের যখন পণ ভীষণ রাখ তে জাপে করতলে,  
 প্রাণ-কোরিয়া হাত করিয়া, লবেই ল'বে সুকৌশলে ।  
 রুষের নাই ধন-জনাভাব, জাপের ঋণ-ফাঁসী গলে,  
 দৈববল পায় যদি সে, থাকতে পারে অবিহ্বলে ।  
 আনন্দ কয় এবে যে কাল, সত্য মগ্ন মিথ্যা-মলে,  
 যথা ধর্ম তথায় জয়, শুন্লে লোকের প্রাণটা জলে ।

### ২১৪ । ভৈরবী—কাওয়ালী ।

ভাল ফাসাদ হ'ল খাপা ঘরজামাঠ ল'য়ে ।

নয় থাকতো আমার কুণ্ডলিনী আজন্ম আইবড় মেয়ে ॥

সাবাস্ গুরু-ঘটক বেটা, ক'রলে এমন গড়াপেটা,  
 মেয়ের বিয়ের বাড় লো ঘটা, বাস্তু ভিটা ভেটা দিয়ে ।  
 মেয়ে যদি ভাল হ'ত, বাসের ঘর ছেড়ে দিত,  
 বুড়া বাপকে না তাড়াতো, সাত চকের বাড়ী পেয়ে ;  
 প'রলে যেমন বর-মালা, দেখলে বাসর চন্দ্রশালা,  
 অম্নি কাল-সর্পা-বালা, ব'সলো লাজের মাথা খেয়ে ।  
 মাগীটাকে ব'ললুম্ এত, রাখ কিছু বাসের মত,  
 উল্টে সে ত ব'ললে কত, মারতে এল আরো ধেয়ে ;  
 দেখি ত সে জামাই-ভক্ত, মেয়ের ঠাই দিবানক্ত,  
 আমি ভাব অতি শক্ত, দেখলো না তা'ই মোরে চেয়ে ।

মেয়ে তা'রে আদর করে,                      সে নয় সুখে থাকতে পারে,  
 আমি যাই গো কাহার দোরে, কা'রে ধরি' জুড়াই হিয়ে ;  
 ভাল কাল পুষেছিলাম,                      মাগের সঙ্গে সুখ না পেলাম,  
 অকিঞ্চিৎকর প্রাণে ম'লাম, ঝি জামায়ের হাতে গিয়ে ।

২১৫ । বাগেশী—আড়াঠেকা ।

সুশান্ত সমাধি-সিদ্ধ, নাহিক তরঙ্গ-লেশ ।  
 নাহি আদি নাহি অন্ত, কি অনন্ত নির্বিশেষ ॥

নাহি বিশ্ব ফেণাকার,                      বহিত্র বা কর্ণধার,  
 নাহি কাল-বানহার, জন্ম মৃত্যু'রাগ ঘেষ ।  
 ন তথা ভাসতে ভানু,                      ন মৃগাক ন কুশানু,  
 নাহি তনু নাহি অণু, ব্রহ্মা বিষ্ণু বোমকেশ ।  
 মন বুদ্ধি অহঙ্কার,                      সৃষ্টি ঘোরে শূন্যকার,  
 প্রকৃতি জাগে না আর, রুদ্ধ তা'র ভাবোন্মেষ ।  
 শুদ্ধ এক সত্ত্বাভাস,                      ব্যোম সম স্বপ্রকাশ,  
 নাহি নাম রূপ ভাব, শূন্যে সব মাত্রা-শেষ ।  
 বিশ্ব আর কোন ছন্দে,                      নাহি ভাসে গুণ-বন্দে,  
 অখণ্ড সচ্চিদানন্দে, পরিপূর্ণ সর্বদেশ ।

## ২১৬। ঝাঁঝিট-মিশ্র—একতাল্লা।

টাটকা প্রেমে খটকা টুটেছে।

দেখে আটকা ঘরের মটকা-কুঠী, চটকা টা বেষ্ ভেঙেছে ॥

মেজে প'ড়ে ছিলাম যবে সাপের ভয়ে কাল কেটেছে,

রক্ষা, গুরু ছিল চেতন, কেবল ওম্ রব ছেড়েছে।

শব্দ শুন গর্ভ ছেড়ে মাথা নেড়ে সাপ উঠেছে,

রাস্তা পেয়ে এসে ধয়ে, চিলের কোটায় ওত পেতেছে।

সাবাস, সাবাস, গুরুর কি গুণ, যেমন তা'রে কোল দিয়েছে,

অমনি সেই কালভুজগী চিন্ময়ীর রূপ ধ'রেছে।

ভূত পেতিনী ছিল যে সব ব্যাপার দেখে ঘাট মেনেছে,

হ'য়ে দারী আজ্ঞাকারী, বিনা গোলে চেউ তুলেছে!

আর এখন আঁধার নাই, দিব্যালোকে ঘর ভ'রেছে,

সুবিখাসে যোগ-বিলাসে মনটা মুক্তি-ফল পেয়েছে।

দেহের দশা যেমনই হোক, মনের দশা দূর হ'য়েছে,

নিরানন্দ-দিন গিয়েছে, আনন্দের দিন এসেছে।

## ২১৭। সরস্বতী-কানাড়া—ত্রিতালী।

গন্ধ চায় রস-সরে আয়বিসর্জন,

রস চায় গন্ধে দিতে প্রাণ;

রূপ চায় স্পর্শ-সুখ করিতে চূষন,

স্পর্শ চায় রূপ মাঝে স্থান।



শব্দ চায় মনাকাশে করিতে ভ্রমণ,  
 মন চায় শব্দে পেতে মান ;  
 অহঙ্কার চায় সদা ধীষণা-সদন,  
 বুদ্ধি চায় অহমিকা-তান ।  
 প্রকৃতি ত চায় সাম্যে ঢালিতে জীবন,  
 সাম্য চায় প্রকৃতি-বিতান :  
 সদাশ্রয় নিতা ভাতি চাহে গো চেতন,  
 আত্মা চায় স্বাত্মতা-বিজ্ঞান ।

২১৮ । পঞ্চম—ত্রিতালী ।

নভে সোজা বুঝা এত ব্রহ্মাণ্ড-ব্যাপার ।  
 এ রহস্য জানিবারে, কত যোগী অনাগারে,  
 লক্ষ্য রাখি' সহস্রারে পালে যোগাচার ।  
 অনুলোম-পরিণামে যথা তত্ত্ব সুবিকাশ,  
 প্রতিলোম পরিণামে তথা তা'র হ্রয় নাশ,  
 এই দুই পরিণাম, ধরি' জন্ম-মৃত্যু-নাম,  
 খেলিতেছে অবিরাম কাল-পারাবার ।  
 যতদিন তত্ত্বাপরে আসন যে না বিছায়,  
 চিন্ময়-স্বরূপ ধ্যানে অহমিকা না ডুবায়,  
 কাল-রাজ্যে ততদিন, আসে যায় থাকে ঠীন,  
 শিব-পদে সমাসীন নহে যদি তা'র ।











